

Faint handwritten text, possibly "Faint" or "Faint", with a large, stylized flourish above it.


17

IOAN. DAFINIS

DE REFRACTIONE

16. 16. 16.





IOAN. BAPTISTAE ²


PORTAE NEAP. ²⁷⁰

DE REFRACTIONE

OPTICES PARTE:-

Libri Nouem.

- 1 De refractione, & eius accidentibus.
- 2 De pile crystallina refractione.
- 3 De oculorum partium anatome, & earum munijis.
- 4 De visione.
- 5 De visionis accidentibus.
- 6 Cur binis oculis rem unam cernamus.
- 7 De his, quæ intra oculum fiunt, & foris existimantur.
- 8 De Specillis.
- 9 De coloribus ex refractione, s. de iride, lacteo circulo, &c.



Ex Officina Horatii Saluiiani.

NEAPOLI, Apud Io. Iacobum Carlinum, &
Antonium Pacem. 1593.

Valeriano Monasteri J. Grauedi, Roma

12 32 N 18

DE REEYACIOM

1800



AD LECTORES

PRAEFATIO.



REFRACTIONIS libros, totius optices spectatissimā partem, qui sub densioribus umbrarum tenebris hucusq; delituerant, Lectores candidi, in lucem adducimus, quæ subiecti nobilitate, necessitate, utilitate, admirabilitateq; inter cæteras scientias ita sua luce coruscat, ut pleraq; sine ea defectuose, & obscuræ censeantur. A subiecto igitur exordientes. Hac de visu tractat, sensuum omnium nobilissimo, naturalium scientiarum instrumento, quæcumq; enim visu cognoscimus, & experimur. De luce, & splendore, de syderum, & cælestium corporum materie. Quomodo enim cælum ab aere diuersum esse, ac omnis tenuioris aeris tenuissimum cognoscemus, nisi syderum corpora, alibi, quàm sint, nobis videre viderentur? Refractionis enim lege admonemur, cælum aere, vel hoc

aeris conspurcata colluuii imolympidius esse, vel quomodo astrorum globosum corpus ex sui orbis densioribus partibus concretum, aut expolitum metallum constitutum, nisi eius cognosceretur? Si necessitatem contem-
plemur, videbimus scientias ferè cunctas sine eius lumine tenebricosas esse. Ex omnibus has præcipuas eligemus Astrologiam, & Physicam. Quid igitur de syderum motu sine refractione sentiemus, quum eorum phaenomena inter se non congruant? nam sidera, quorum motus obseruantur, eò loci, quo videntur, non verè sunt, propè enim horizonta simul contigua, eadem cœli medio à se procul diuulsa conspiciuntur. Quid enim de eorum equali motu? Quum horizontis imo tardius, in verticis culmine properantius à suis orbibus vectari concernantur, nisi refractione sancitum esset, rem in nebulofo tardioris, inlympido citatoris motus videri? Quid de syderum corporum quantitativibus, quæ dum terra propius cernuntur, se ipsis maiora, longius verò dissita minora conspiciuntur, nisi refractionis decreto constitutum esset lucem in rectum ferri, densioris mediij occursum refrangi, ac per varios à perpendiculari recessus distrahi, & magnitudinem, locum, lucem, & huiusmodi similia diuersari. Ex paralaxis quoque obseruatione, non solum cometas, sed lacteum orbem in firmamento esse ignoraremus, si refractionis scientia fuisset ignari. Quis non horret colores in Cometis, & Lunæ, Solisq; defectibus, cruentos, tetrolos, lucidos, cœruleos, nisi ex refractione lucis, & diaphani, aere densioris mistione gigni posse doceremur?

coronæ, gemini Soles, & tergemini, virgæ per nubes ex-
 tentæ, irides solæ, & geminatæ, adeò obscuris causis in-
 uolutæ sunt, vt maiores nostri Thaumantis filiam, quasi
 admirationis dixerint. Refractio ancipites Philosophiæ
 quæstiones explicat; & quid verè sint dignosci largitur.
 Medicina quomodo irides in oculis, vertigines, & eius-
 modi morbos in homine mederetur, nisi ex refractione
 causas cognosceret? Eius ope multa in Pictura, & Archi-
 tectura sublimia sunt inuenta. Venio ad vtilitatem, &
 iucunditatem ex ipsa admirabilitate. Hæc enim scientia
 ex Mathematices, & naturalis Philosophiæ mixtura or-
 ta est, & quicquid vtraq; in se iucundi, & admiratio-
 nis habet, in se recipit, & colligit. Hinc Geometricarum
 speculationum veritas innotescit, nam quæ Geometria
 fingit, & speculatur, ipsa explicat, & in lucem reuocat:
 vnde ex his quasi fonte, mirabilium omnium. profluit
 scientia. Ignis ex perspicui corporis obiectu, & Solis
 radiorum coitu generatur, adeò validus ex refractione,
 vt longè parabolice sectionis vim exuperet: nam refra-
 ctio habet & radiorum unionem, & multiplicitem,
 qua caret reflexio, vnde multo remotius, & validior
 ignis potest explicari. Specilla condit, quorum causas ex
 refractione cognoscit, quæ debilibus, & cæcutientibus
 oculis accommodata, longius & perspicacius dat omnia
 contueri, quibus si priuaremur, ferè ipso visu orbaremur.
 Huius ope specilla quoque concinnantur, quæ ad mira-
 culum vsque elongant visum. Fiunt imagines vt in aere
 pendule videantur, tam clarè & perspicuè vt nisi ma-
 nibus

nibus tangas, vix oculis credas, vt oculorum fallacias,
& præstigia vincāt. Multa sunt, quæ ne lectores tadio
afficiamus, omittimus. De literaria igitur republica be-
nemeriti viri eam sequantur, amplexenturq; . Causa,
quæ nos de refractione ad scribendum impulit, fuit, quòd
videremus ea de re maiores nostros breuiter, ac satis osci-
tanter perscripsisse, vt vestigia potius quedam, quàm
artis fundamenta iecisse viderentur. Vnde indulgendum
nobis erit, si humiliora hæc tradiderimus: necesse enim
fuit, vt quantulacunq; hæc fuerint nobis placerent, qui-
bus non nisi noua & selectiora placere possunt.



5

P R O O E M I V M.



REFRACTIONVM principia, quibus cum aliis cōuenimus, hoc libro explicabuntur. His problemata quædam adnectemus longè aliter, quàm nostris maioribus visa sunt, explicata. Errata si quæ nobis visa sunt, non dissimulabimus, etiam doctissimorum virorum, ne errores in infinitum propagentur, noua si quæ habemus libenter impertimur, & si vulgaria, doctiorum tamen animos vellicabimus, vt ornatiores, cultioraq; proferant in lucem. Interim definitiones quasdam audies, quibus in sequentibus vsuri sumus.

DEFINITIONES.



I
INRA incidens est per quam fulgor luminosi emittas, vel simulachrum per medium vnius diaphani fluit.

II
Linea refracta est per quam radius, vel imago per alterum imparis perspicuitatis diaphanum effunditur.

III
Punctus fractionis est vtriusque lineæ incidentis, & refractæ intercursum, in vtriusque tenuioris, & hebetioris diaphani commissura.

Linea

IV

Linea perpendicularis est, quæ à fractionis puncto per corporis centrum, in quo fit refractionis ultra porrigitur, unde si lacus, maris, aut vasis contenta aqua observetur refractionis, centrum illud uniuersi eris, ac si vitri, speculi, oculi, vel alterius consimilis, sui ipsius corporis centrum eris :

V

Cathetus est linea incidens per visæ rei punctum, & corporis centrum in punctum extensa, ut diximus.

VI

Angulus incidentiæ est incidentis linea, & perpendicularis in refractionis puncto coitio.

VII

Angulus refractionis ubi linea refracta, & incidentis in puncto refractionis coibunt, trans punctum refractionis extensa.


PROPOSITIONES.

Radius perpendicularis super corpus altero minus lympidum penetrat irretractus, obliquus verò retorquetur ad perpendicularem. PROP. I.



D apparet experientia. Immittatur in peluim aqua plenam vulgare astrolabium centrotenus, (ne maiori paratu refractionū auida perdiscendi ingenia remoremur) erigaturq; perpendiculariter. Et si possibile est, transeat Solis radius, vel candelæ per pinnulas perpendiculariter erectas, & radius fundo tenus irretractus permeabit. Si verò obliquetur regula in medio quartæ astrolabij, expecteturq; vsque donec Sol ascēdat, & per pinnularum oscula radium transmittat, non utiq; rectè vsque pertransibit, sed ubi ad punctum venerit, ubi aqua cum aere coibit, deficit ictus, & incuruabitur, & obliquè defluet, ad perpendicularem radium accedendo. Exemplum erit.

Esto




Esto peluis CDEFGH, astrolabium ALBI, transeat aqua per medium astrolabij, scilicet per umbilicum O, sit regula AB perpendiculariter super aquam erecta, & transeat lumen per A transibit per AOB: robustum, tantum enim est illi virium, ut à vehementissimo aquæ occurſu deſlecti non poſſit. At ſi obliquetur regula IL, & expectes uſq; donec Sol occupet pinnularum foramina, non recta meabit, ſed in puncto O deſlectitur, confinio vniuſq; corporis AOI tenuioris, & LOB hebetioris, accedetq; ad perpendicularum AB, quum minus virium habeat, & infirmior ſit. Ratio ex aſtrolabij fabrica pendet: nam linea IL recta meat, ſemperq; baſis fundo æquidiſtabit, & aſtrolabij manubrium, dum in libramēto ſteterit, ad perpendicularū pēdet.

Res viſa ſub hebetiori aeris corpore perpendicularis penetrat robusta, obliqua verò à perpendiculari recedit. Prop. II.

HAEC eſt iam dictæ contraria: nam ſimulachrum veniēs ex hebetiori ad lucidius diaphanum, ſcilicet ex aquis ad aerem, non ut prius ad perpendicularē accedit, ſed reflectitur, & in contrariam partem abibit. Propoſitio experimento etiā probatur. Hæreat magnitudo colorata vasis fundo aqua pleni, mergaturq; in eo aſtrolabium centrotenus, erigaturq; perpendicularis regula, apponaturq; oculus in ſummo,
B & per

& per vtrumq; foramen coloratæ rei venientem formam aufpicabitur. Recta obliquetur regula, & è regione pinnularum foraminum res colorata aptetur sub aquis, intuentibus forma interit, & visum intercipit, videbitur enim visus aciem sublimius attolli. At si rem coloratam humiliter submiseris, conspicias. Exemplo res clarior fiet.



Sit peluis aquæ plena C D E F G H, mergatur in ea astrolabium A I L B M, centro tenus O. Ponatur res colorata in B, pen deatq; ex libramento astrolabium, per A B pinnulas videbitur coloratum. At si obliquetur regula, vt in I L, coloratum existens sub L, eius visus perit: nam regulæ pars altera O L in subline tolli videbitur, & coloratū ex percusso obliquè accepto submittitur, scilicet res colorata M, rectè ad O veniens, non amplius in rectum extensa in V veniet, sed obliquè fertur ad I, à perpendiculari se contorquendo, sic res existens in M, ab oculo I existente conspicietur.


*Anguli ingredienti, egredientesq; semper æquales in refractione
reperiuntur. Prop. III.*

C LARE etiam experientia patet, angulos ex Solis radijs ingredienti, egredientesq; nunquam non æquales esse, vt & visus quoque anguli. Nam Solis radius si obliquè ad aquā fertur,

cta per D B E, sed ad F accedet, & sic conspicua erit. Quòd anguli ingredientēs, & egredientēs sint æquales. Sit Sol in astrolabio D, in medio quartæ, ad gradus 45 non veniet ad E, ubi est etiam 45 gradus, sed accedendo ad H B I in F, erit 35, gradus. At existens Sol in F 35 non veniet ad G, ubi etiam 35 sed ad D, ubi gradus 45: Remanent ergo anguli in medio æquales GBD, & EBF ex lineis se decussantibus orti, ad inuicē æquales.

Imago rei refracta visui occurrens, suo loco non videtur. Prop. IIII.

TEMPVS iam est refractionis accidentia vestigare. Inter prima referemus, quòd rei simulachrum refractum vi sui occurrens, nunquam suo loco videtur, & id quemadmodum fiat, ratione, & experientia demonstrabimus. Rationes iam supra exposuimus, quòd visus ex obliquatione refracti radij ex aqua progredientis in commissuris alterius diaphani aqua tenuioris rei simulachrum non videt in sui oppositione, nec illud rectè comprehendit, nec refractè illud se comprehendere cognoscit, sed illud nec suo loco, nec in sua forma, sed alio modo, quàm putat. Experimento vulgari apparet, & à multis adducto, ex pelui aqua plena. Capitur ergo peluis alicuius profunditatis, in cuius fundi medio agglutinetur argenteus nummus. Inde à vase discedat spectator, quousque latere eius obice, nummi imago intereat (nam discedendo superior, accedendo vero humilior videtur), ibiq; sistatur, mox in pelui aquam suffundi iubeat, & videbit iacentes imaginem ad summa aquæ cōscendere, & ibi suā imaginē conspicuā demonstrare. Exēplum.




In vas CDEGH nummus B. visus existit in A. radius tran-

transiens per altitudinem lateris, vel marginem FD, pertransibit in L, nec tangit nummum in B existentem, nam sublimior volat: repleto aqua vase vsque ad CED summa, radius frangitur in I aquæ superficie ex B, & inclinabitur ad oculum A: sic nummus, qui prius profunditate erat inconspicuus, refractionis ope, conspicuus euadet, nec radius ad I frangi putabitur, sed suo loco videri, quod nulli dubium esse potest. Vrinatores, & qui tridentibus venantur pisces, non vbi eos vident i&us dirigunt, sed infra, nam si aliter faciunt, falluntur, & incassum laborant, ex refractione enim alibi, quàm sint, apparent.

Imago refracta ad visum peruenit per rectas lineas. Prop. V.

QUOD imago ad oculos per rectas feratur, ratio est, quòd fractione res ad visum veniunt temporis momento, at si in linearum fractione temporis mora aliqua fieri deberet, & rei latione per rectas lineas velocissimè fieri non còtingerit: peruenit igitur ad visum per linearum rectitudinem. Præterea in reflexionibus etiam imago ad obtutum per rectas velocissimè fertur, est enim rectitudo lucis cognata motui, quod & in alijs Naturæ operibus conuiscitur, & id quoque instrumentis ad id opus concinnatis rimatum est. Mergatur astrolabium centro tenus in pelui aqua plena, & deorsum foramini coloratum opponatur, si centro obstaculum aliquod opponatur, peribit visio, à re enim ad centrum per aquas recta fertur imago, & si coloratum ita sub aquis locetur, & per foraminulum superius visatur. Si verò in centro sit obex, iterum & imago interit, quia à centro ad oculum rectè fertur.




In vas aquæ plenum C D E F G H mergatur astrolabiū A I M centrotenus I, & signetur in ore instrumenti in oppositione visus M. & si oculus A videbitur per lineas M I, & I A punctus M. Si opponatur obex in puncto. I. intercipientur visus rei M, nam ex M in I, & ex I in A rectè fertur punctus M. Si imaginetur, vel signetur punctus in linea M I, & posito in aqua instrumento quouis loco obex erit in linea M I, & quaquaversus te verteris ex illius recta oppositione, nunquam M videbis, quia ex M ad I recta meat forma. Idem eueniet in linea I M. Concluditur igitur per rectas lineas venientem formam conspiciari.

Rei imaginem ad aquæ summum perpendiculariter ascendere.


Prop. VI.

PROBABITVR id experimento, & aliter quàm à maioribus. Astrolabium, cui regula transuersa sit, atque aliquo puncto notata, aquis paulatim mersetur, & continget res maxime mira: nam ima regulæ pars ex suo loco prodire, & sustolli videbitur, nec tam malè hominem feriatum reperiri arbitror, quin partē perpendiculariter ascendente confiteatur. Exēplū.



Assumatur sueta peluis C D E F G H, inclinetur regula I B A in medio quartæ, & mergatur astrolabium paulatim in aquam, colore aliquo vehementer relucendi, notato imo puncto regulæ I, &

I, & videbitur brachium BI summa peti in N, & paulo amplius deprimendo B, semper I eleuari videbitur, & tandem I ad O perueniet, sic deprimendo, subleuandoque, voti demum compos fies, quia ascendere & descendere imam partem videbis perpendiculariter.




Satis tibi met ipsi verè facies, si astrolabium expelui extrahes, & regulam aliquam intra vas perpendiculariter erectam cõstitues, & in imo repones obiectum valdè relucens, inde oculos deprimendo, videbis coloratum per virgulam ascendentem perpendiculariter, sic sustollendo deprimi. Clarioris doctrinæ gratiâ exemplum apponã. Sit vas CDEFG, regula ad rectum constituta ABIO, visus primo M, & punctus A videbitur in B, mox elongetur à vase oculus, deprimaturque, veniat in N, hũc punctum I in O videbitur loco sublimiori, & sensibilibiter ascendere conspicietur.

Imago refractæ rei videbitur in concursu catheti, & lineæ refractionis extensæ. Prop. VII.

SI ergo res formam in summo aquæ perpendiculariter enatantem remittit, eademq; ad oculos perueniens, refracta à densiori aere elemento per rectam lineam sui infracti speciem oculis ingerit, eamque oculus videt in linea infracta, & in rectum

etum producta, necesse est eo loco videri, vbi vtriusque lineæ mutuus fiet concursus.



Sit vās aqua plenum C D E F G H, res visa in aqua I, peruenit ad summum per I B, refrangitur à pūcto B, veniet ad oculos per B A in rectumque producta, quousque occurrerit lineæ à re ipsa I perpendiculariter surgenti I L, in pūcto L, ibi ergo necessario videbitur imago rei I. vt in fundo steterit.

Res sub aquis refractè visa, quò magis ab oculo distat, eò sublimior videbitur. Prop. VIII.


N V N C visus fallacias aggrediemur, quæ ex refractione contingunt, & primum quòd ea, quæ remotiora sunt in plano iacentia sublimiora videtur, & quæ propinquiora humiliora, cuius rei demōstrationē à prioribus adductā, afferemus.

Esto visus A, pūcta sub aquis visa æquidistantia B C D E, quæ superficiei K F, perpendicularis à visu A F B, dico quòd maior refractione pūcti E, quàm D, & maior refractione pūcti D, quàm C, & ob id pūctū E sublimius videri, quàm D, & D quàm C, forma enim B non refrangitur, quia est in perpendiculari, sed pūcta C D E refranguntur ex varijs superficiei partibus, & quòd remotior pūctus, à remotiori superficiei parte refrangitur. Refragatur ergo forma E à pūcto I, & D à pūcto T, & C A G,

Stellæ ascendentes ab Horizonte, citius videntur, quàm verè sint.

Prop. VIII.

QUIA horizon semper densi aeris ascendentium vaporū & nebularum profundo mergitur, erigentia se astra citius nobis conspicua sunt, quàm verè adsint super horizonta. Exemplo rem reddemus clariorem.




Non dum oriens astrum sit M, sub horizonte B A H, transiens eius imago per densitatem Sphæræ vaporum F G L, in puncto G refrangitur, & ad oculum tendit existentem in A terræ globi superficie D A C, & venit fracta, quæ extendatur in rectum, quousque cum catheto erecta ex C M, occurrit in N. Vnde stella quæ adhuc sub horizonte latet M, erit nobis conspicua in N, ut de nummo diximus pelui aquæ projecto. Obid apud eos, qui tempestates prænoscent, quando Sol citius solito super horizonta apparuerit, signum est futuræ pluviæ, quia tunc inter oculum & stellam non pauci, & crassi vapores interijciuntur.

Plano rotundo perpendiculariter inspecto, concavus videtur, & maior.

Prop. X.

DISCVS magnus sub aquis iacens, & perpendiculariter inspectus, concavus videbitur: nam extremitates suæ circumse-

eumferétiz centro sublimiores videntur, & ob id se ipso maior. Ratio ex superiori pendet : nam pars quæ longius ab oculo distat, sublimior videtur, & centrum in suo loco, videbuntur semidiametri obliquæ, & ob id maiores. Afferemus exemplum.




Sit vas BCDE, discus in fundo iacens DHILMNE, oculus in perpendiculari respiciens A, aquæ superficies BGTQZXPC, linea perpendicularis AL. Punctus D venit ad G, refrangitur ad A oculum, extenditur AG in F, ibi occurrens perpendiculari DFB, punctus D videbitur in F. Sic punctus H propè D venit ad T, refrangitur ad A, extenditur AT in R, ibi occurrat perpendiculari ex H erectæ HRK: sic H videbitur in R. Eodem modo punctus I per Q in A, extenditur in S, semper humilior. Idem eueniet ex alia parte: nam punctus E per P venit in A, extendatur AP in O, & E punctus in O videbitur. Et N per X ad A venit, extenditur AX, peruenit in Y, & N videbitur in Y. Sic M per Z venit ad A, extenditur AZ in †, & punctus M erit †. Extensis lineis per puncta FRSL, & L†YO videbitur planus discus DHILMNE, obliquus FRSL†YO, & quia maior linea FL ipsa DL, & OL ipsa LE, videbitur maior & concauus.

Ex refractione sub aquis omnia maiora sua forma videri. Prop. XI.

ALTERA erit refractionis fallacia, quòd omnia, quæ sub aquis videntur, maiora videntur. Sed quia maiores no-


stri multipliciter falsi sunt, priusquā veritatem aggrediamur, eorum opiniones ad stateram expendemus. Aristoteles in Problematis, Euro spirante omnia maiora videri dixit, quòd eo flatu aer obscurior, & caliginosissimus reddatur. Idemq; in Meteoris dixit. Sed ratio reddenda erat, cur in aere obscuro, & caliginoso omnia maiora viderentur. Ptolemæus in Almagesto, & Alfraganus Solem & Lunam cæterosq; erroneos in oriente, occidenteq; maiores videri ex vaporibus, & humiditatibus: ut post pluias in diebus hyemalibus inter visum & sydera intercedentibus, immo quanto clarior, & profundior, ubi mersa sunt, maiora cōspici. Aphrodisiensis pomum sub aqua maius videri dicit, quoniam aqua submerso adhærens corpori, eadem afficitur qualitate & colore, quo oculū fallit quasi corpus amplius sit, quum vndique aqua contineatur. Et hac eadem ratione Solem, Lunam, cæterosq; erroneos, quum vel exoriuntur, vel occidunt, ampliores videri. Sed si ex accessione aquæ pomum videtur maius, peto cur non videtur quantum vas illud capit? Seneca ait omnia per aquam videri longè maiora, sic & poma per vitrum aspicientibus. Literas quamvis minutas, & obscuras per vitream pilam aqua plenam maiores, clarioresq; cerni, & poma formosiora vino innatantia, sydera ampliora per nubem. Rationem addit. Quia acies nostra in humido labitur, nec apprehendere multo fideliter potest, quod manifestum fiet, si poculum adimpleueris aqua, & in id conieceris annulum, nam quū in ipso fundo iacet annulus, facies eius summo aquæ redditur, quicquid videtur per humorē, longè amplius vero est, quid mirum videri maiorem Solis imaginem, quæ in nube humida visitur? quòd duabus de causis id accadat, quia in nube est aliquid vitro simile, quod potest pellucere, & est aliquid aquæ, quam si non dum habet, tamen iam apparet eius natura, in quam extra vertatur. Sed Seneca mathematicam artem ignorans, quid dicat, nō capit. Dicit quòd acies nostra labitur in aquis, nec rem certam comprehendere potest, cur igitur si veritatem comprehendere nequit, omnia minora non videt? Sed cur sub vitro, & aquis maiora videantur, aliam quoque habet rationem, ex rotunda vasis forma, quam reddemus, quum de vitrea pila loquemur. Macrobius hanc opinionem dilucidius aperit. In aqua simul achra maiora videri, quod genus apud propinatores ple-
raque

raque scitamentorum cernimus proposita ampliora specie, quam corpore. Quippe videmus in doliolis vitreis aqua plenis, & oua globis maioribus, & iecuscula fibris tumidioribus, & beluas spiris ingentibus. Et omnino ipsum videre, qua nobis ratione constet, quia solent de hoc nonnulli nec vera, nec verisimilia sentire. Aqua est densior aeris tenuitate, & ideo eam cunctatior visus penetrat, cuius offensa percussa videndi acies scinditur, & in se recurrit. Scissa dum redit, iam non directo ictu, sed vndique versum incurrit lineamenta simulachri, & sic fit, ut videatur imago archetypo suo grandior. Nam & Solis orbis maturinus solito nobis maior apparet, quia interiacet inter nos & ipsum aer, adhuc de nocte roscidus, & grandescit imago eius tanquam in aquæ speculo visatur. Sed hæc magis erronea sunt. Inquit enim, quòd quum aquæ densius aere corpus sit, ab eius densitate nostra acies refringitur, & in nos denuo recurrit, & dum reddit in se, non directo ictu, sed vndique ad nos refert simulachrū. Errat quòd visum per extramissionem fieri putat, & radios à corporibus diaphanis reflecti, quod non nisi à politis, dēsisq; corporibus euenit. Ptolemæus in suis Opticis rationem huius rei assignat, quam Theon in commentarijs Almagesti, Alhazen, Vitellio, & cæteri sequuntur. Assumit enim pro principio. Quæ sub maioribus angulis videntur, maiora videntur. Et si hoc in simplici visione minus verum, ut videbimus, multò minus in refractione verum apparet. Est ergo sua ratio.



Sit vasculum aqua plenum D E B C, sit oculus perpendicularis


ris in A, res visa in fundo vasis B C, aer in loco A D P H E. Punctus B peruenit ad oculum A, refrangitur ab aquæ superficie per punctum P. Sic punctus C per H peruenit ad A, extenditur A P vsq; ad L in rectum, & A H in K, trahaturq; L K, igitur L K est forma rei visæ B C. Videtur verè, & non fractè B C per lineas A B, A C, per refractas verò A L, A K, quia maior est angulus L A K, ipso B A C, igitur maior videbitur ipsa L K ipsa B C. Sed hoc falsum est. Quia B, vt diximus, videtur in puncto L, & C in puncto K, & K L non est maior ipsa B E, quia D B, & C E, perpendiculares sunt, & L K, B C æquidistantes. Et contra eius rationem adest experientia, quia res in fundo perpendiculariter inspecta modica maior non videtur. Et si aliquanto maior videtur, non sua ratione, sed longè subtiliori in rebus magnis, vt diximus. Sed falsam quoque eius rationem alia demonstratione confutabimus.



Sit semicirculus F A G M N, diuidatur bifariam per A Q, & quartæ eius F Q, Q G diuidatur, rursusque per medium in R, & I, & erit angulus I A R rectus. Diuidantur denuo partes I Q, & Q R bifariam in M, & N, erit angulus M A N semirectus.

Ex

Ex puncto Q extendatur linea D E æquidistans F G, extendaturq; linea A I, vsque ad P, & A R vsque ad H, mox extendantur lineæ A M, A N in profundum infra, quousque pertranscant puncta P H perpendiculariter descendencia, & sit in B, & C, erigantur mox ex B C perpendiculares ad D E, & extendantur A P in L, & A H in K, & copulentur puncta L K, linea L K, & à puncto P, & H extendantur rectæ B P, H C. Dico si in hoc casu linea visa erit B C, in vasis fundo iacens, vas B D E C, & per lineas B P, & C H refrangerentur ad oculum H A, & P A, extendanturq; A P, in L & A H in K, videri deberet L K duplo maior ipsa B C, quia angulus L A K duplo maior est ipsa B A C. Nos demonstrationem ad id indicandum concinnauius, sed quomodocunque eueniet, nunquã ad refractum angulum respondebit anguli directæ visionis proportio. Sed cur res obliquè in aquis inspecta per refractionem maior videatur, demonstrationem meam afferam, qua satis mihi ipsi facio. Quia rem in fundo iacentẽ rectam ex vno capite eleuatam cõspicimus ex refractione, obliqua diameter maior est recta, cui si orbis circumducatur multo maior erit. Exemplum.



Infundatur in peluim CDEFGH aqua, proiectus numerus, vel pomum in fundo vasis iacens sit I L, cuius diameter I L, perueniat L ad aquæ superficiem Q B P &, ex P refrangatur ad oculum, extendatur A P in rectum, & ascendat cathetus ex L, coincidet cum A P extensa in puncto N, & punctus L videbitur


bitur in L. Eodem modo I veniet ad aquæ superficiem in B, refrangatur in A, extendatur in rectum cathetus ex I, quousque occurrerit cum linea AB, & coibunt in M, copulentur puncta MN, per lineam MN, & eiusmodi diametro circumducatur circulus, qui maior erit circulo IL. Cuius ratio est. Quia inter duas æquidistantes MI, NL diameter IL rectè iacet, MN verò obliquè, sit æquidistans ipsi IL ipsa ON, & ex M trahatur MO, angulus MON rectus est, quia in semicirculo, potentia ergo ON, & OM æqualis est ipsi MN, ON æqualis est ipsi IL, ergo potentia MN superabit potentiam ipsius ON per ipsam MO. Igitur MN ipsa IL maior erit.

Sydera maiora in Oriente, & Occidente videri quàm cæli medio.

Prop. XII.

ARISTOTELES, vt diximus, dicebat, quòd astra orientia, & occumbentia, magis quàm in medio cæli existentia maiora videbantur. Rogerius Bacchon ex Ptolemæo dicit, ideo maiora videri orientia occidentiaq; sydera, quia orientia longiori interuallo videre putantur: nam quum visus per terræ superficiem feratur, & videat montes, turres, & ciuitates intercedentes, distàtia maior indicatur, secus autem in cæli medio, nam quum nullum adsit impedimentum, propinquiora putantur. Iudicant enim Philosophi distantias ex intersitis rebus, sed quæ longiora putantur, & maiora videntur multo maiora sunt re ipsa. Hanc eandè causam Cardanus vsurpat in suis subtilitatibus, sed nescio quibus principijs hæc innitantur, homo putat plus distare, ergo maiora ei videntur. Nos autem quæ æqualia sunt, & alia alijs plus distare videmus, remotiora minora & videmus & existimamus. Alij sunt qui dicant, aciem nostram in visione fatigari per densius medium illabentem, & quemadmodum qui titubant plus occupant spatij, sic titubans acies videt maiora. Alij verò. Sicut aqua diffunditur solidi corporis obiectione, ita species exiens, atq; in actum deducta per lucem, vbi in tenui aere nihil occurrit, æqualis sibi prodit, vbi verò quid sese opponit crassius, quasi retunditur, atq; propterea dilatatur, veluti fit in aqua, à cuius deinde superficie pingitur

gitur aer eadem, qua se in eam intulit quātitate. Sed vera causa est medij densitas, vbicunque enim aer fuerit hebetior inter visum & astra, semper eorum species crassior videbitur, ratioq; ex præcedenti pendet. Sed ne rudi fide oculis credas, sic ad demonstrationem procedemus.




Sit terræ globus D A E, oculus eius in superficie situs A, sit densitas medij aeris hebetioris inter oculū & stellam L M, ipsa sphaera F I G H, horizon B A H C stellæ diameter L M. Punctus M venit ad I, refrangitur ad A, extenditur in O. Eodem modo punctus L venit ad G, frangitur ad oculum A, extēditur A G in N. Ascendat cathetus ex M Q P centro occurret ipsi A I in O, ergo punctus M videbitur in O, ex præcedenti.

Altitudines in aquis per refractionem breuiores videntur.

Prop. . . XIII.

PROFVND A aqua inspecta, semper fundū sublimius videbitur, quum præcipue ex obliquo conspicitur, & id in causa fuit, vt multi viri submergerentur, nam ex inspectione ipsis videre videbatur, quodd vix guttur, aut pectus attingeret altitudo, at in ipsis proiectis multo ipsis altiores aquas fuisse experti sunt. Si quis igitur id clarius conspiciere velit, dimittat lignum, vel columnam in aquis, cuius dimidium super aquam
D emineat




Sit surgens astrum M, eadem terræ circumferentia D A E. Densiorumq; vaporum F G L, idem oculus A, ac terræ horizon B A H, perueniat ad circulum F G L ipsa M G, & refrangetur ad oculum A, tunc oculus A videt astrū in linea A G N, vbi scilicet coibit cum ascendente catheto Q M N, spatium ergo motus erit M N, breuius ipso vero : tardius ergo per spatium illud ire putabitur.

Magnitudo obliqua partim infra aquam, partim supra existens, ex refractione refracta videbitur. Prop. XV.

VITRUVIUS de ædificiorum proportionibus loquens, docet quòd in nauibus remi, quum sint sub aqua directi, tamen oculis infracti videntur; & quatenus eorum partes tangunt summam planitiem liquoris, apparent (vti sunt) directi, quum verò sub aqua sunt demissi, per naturæ perlucidam raritatem, remittunt enatantes ab suis corporibus fluentes imagines ad summam aquæ planitiem, atq; ibi commotæ efficiere videntur infractum remorum oculis aspectum. Hoc autem, siue simulachrorum impulsu, seu radorum ex oculis effusionibus (vt physicis placet) videamus, vtramque ratione videtur ita esse, vti falsa iudicia oculorum habeat aspectus. Sed falsum est id, quia species meris remi non ad aquæ superficiem summam suâ

imaginem mittit, sed infra aquam est. Alij sunt, qui remi fractam speciem dicunt. Sed hoc etiam falsum, nam species duæ sunt, & quæ ab aere, & quæ ab aqua. Sed ratio est quod remi pars sub aquismersa propinquior superficies aquæ apparet, quàm sit verè, at pars ea extra aquam, suo loco videtur, igitur duæ istæ partes in continuum directæ apparere non possunt, videntur ergo fractæ. Veritatem lineis explanabimus.




Sit aquæ summum $FBCDE$, baculus semimmerfus GBH , super aquam parsexans GB , sub aquis BH , imum baculi punctum H , veniat ad aquæ superficiem ad A oculum per D , extendatur AD in rectum in M , & eleuetur cathetus HM ab H , & occurrat AD in M , punctus ergo H erit M . Sit altera pars baculi in medio I , venit ad aquæ superficiem per IC ad oculum A , per CA , extendatur in rectum in L , & eleuetur cathetus ab I , & occurrat in L , igitur punctus I videbitur in L . Continuentur ergo partes MLB , erit pars sub aquis MLB , & sublimior videtur ipsa HIB , non continuatur in directum cum ipsa BG , ergo fracta in B apparebit.

Vasa aquis semiplena fundum minus ostendunt. Prop. XVI.

SVNT apud nos vasa quædam ex semidolijs confecta, ad diversos agricolarum vsus parata, quorum laterales costæ in summo

summo latiusculæ, in imo arctiores, vt commodius ligneis circulis constringi possint. Hæc eadem interdum aquis semiplena, fundum minus, quàm sit, ostendunt. Ratio est, quòd latera, quæ obliquè in aquam merguntur, pars immersa sublimior videtur, & infracta, infractio ad centrum vergit, vt diximus, quum igitur imæ partes & sublimiores, & in centrum còcurrentes videantur, fundum arctius ostendunt. Exemplum.



Sic vas A B C D, aqua semiplenum vsque ad E F G, & pars eius G M E F infra sit aqua plena, sitq; vna eius costa E M H, & E M extra aquam M H infra, igitur M H sublimior videbitur, & fundum ex hoc coarctabitur, & sic de cæteris intelligendum. Clarius loquemur. Sit aqua M F E, oculus A, latus obliquum semisubmersum E M G H, sit E M supra aqua, M H sub aqua H videbitur in L, G in I sublimus, magis ergo inclinatum latus M H sub aqua, eo supra aquam M E, magis obliquum, & minus.

Quæ longè in aquosis locis conspiciuntur, ex refractione profundius mergi videntur. Prop. XVII.

IN aquosis locis, palustribus, fluminibus, & mari è longinquo conspecta omnia, humiliora, & quasi profundiusmersa conspiciuntur. Huius rei naturalem causam reddere curantes, vt author sphaeræ, his probant aquæ sphaericitatem indicijs. Vt
si quis


si quis abeuntis navis signum in puppi ponat. ubi non procul abierit, huius signi diligentius visuro auferatur obtutus, & huius causam esse aquæ tumorem. Sed miror profectò istius viri rationem: quum in tam vasta mundi magnitudine viginti, aut triginta millia .p. impedire possint navis visum, sed eius causa est mediæ densitas, in qua navis est, ex eo nanq; vapores continuo eleuantur, ut rosçidum aerem reddant, ut navis ferè sub aquis videatur. Exemplum apponemus.



Sit naus altitudo AB , supra maris superficiem CFB , sit rotundus & vaporosus aer $EOFA B$, tenuis verò $EOFGHC$, ubi oculus I , à puppis signo A veniat linea AO , & si in longum produceretur veniret in G . Punctus refractionis O , ducatur perpendicularis super superficiem terminantem utrumq; medium EOF , & sit perpendicularis $HO L$, declinabit igitur à perpendiculari ad oculum, scilicet recedet ab OG , & veniet ad O I ad oculum existentem in I , extendatur IO veniet ad B , summitas ergo puppis naus A , videbitur in B , maris ima superficie. Consultius igitur Ptolemæus in primo Almagesti, non signum locat in naui, & minima eius elongatione, sed ad quæcumq; locum navigantes accedant, paulatim eorum magnitudines augeri videntur, quasi ab ipso mari emergentes, quæ antea ob nimiam longitudinem submersa videbantur. Diximus quoq; in 13. prop. omnia in aquis breviora videri. Posset & aliquis dicere, quòd densius medium de facili visum impedit; vt rectè naus videri possit. Vel quòd vndarum motus circa nauim intercipit visualem lineam, quæ & si circa nauem pauca, sub tollitur ad oculum longè existentem.

*Sub aquis existenti omnia quæ sub aquis sunt contrafactè videntur, vt in aere
sub aquis afficienti. Prop. XVIIII.*

S V B mari degentibus eadem illa accidentia eueniunt, quæ si in aere steterint, & sub aquis aspexerint. Causa, vt videre videtur, est nostri oculi albugo, quæ a deò tenuis & pellucida est, & marina aqua hebes, turbidaq; vt humor ille aeris vicem, & marina aqua communis aquæ sustinere videatur, vt latius postea explanabimus. Lineis clariora hæc reddemus.



Sit oculus sub aquis existens I H G, mare autem infra A C D pars lineæ A D, veniat ad oculum A B, penetrat irrefracta, suo loco videtur. C venit per pupillam H, transiret in E si rectè procederet, sed quia ex densiori ad tenuius venit, fugit à perpendiculari per B H, & refrāgitur in H F, extendatur H F, peruenit in D, igitur pars A C, videbitur C D, scilicet maior.

In librationibus locorum accidit fallacia ex refractione.

Prop. XXVIII.

D V M aqueductus struuntur, è longinquo libratur planities, vt inter sexagenos, aut cētenos pedes in sesquipedem sensim inclinetur structura, vt vim currendi habere possit aqua. Librantur autem loca dioptris, aquarijs libris, aut chorobate, & quia summo mane plerunque opus aggrediuntur operarij, in caliginoso aere, & adhuc roscido, dum ex pinnacidijs transmittitur acies in densiori medio, quasi sub aquis existenti, regulæ & foramina, vti non suo loco visa, aliam atque aliam demonstrabunt

*Si pura omnino fuerit, tu crede serenum
Venturum tempus, ventos, si plena rubore:
Si nigrans, pluuias ruituras æthere ab alto. &c.*

Commoto medio ex refractione res moueri videntur. Prop. XX I.

DE stellarum scintillatione disquirentes maiores nostri, multipliciter falsi sunt. Aristoteles dicit stellas fixas scintillare, & Solem orientem, occidentemq; , atque id euenire ex maxima distantia, nam visus ad sydera vsque porrectus mutatur, caligatq; , vnde scintillatio ipsa causatur, nam planetis non contingit propter propinquitatem. Sed hoc falsum: nam Venus, Mercurius, & Mars scintillant, & si non ita euidenter, vt stellæ fixæ. Præterea oculi facultatem ad stellas ferri affirmat: quod est quoq; falsum. Et si ex distantia fuerit, cur Saturnus non ita scintillet, quàm octauæ sphaeræ propinquior fuerit, & præ cæteris minus scintillet? Alij sunt qui scintillationis causam stellarum fixarum rapidæ celeritati ascribant. Sed id coarguitur falsum, quod stellæ, quæ iuxta polos sunt, tardiùs moueantur, & tamen vt illæ, quæ in æquinoctiali sunt, scintillant. Vel fortasse triplex octauæ, & multiplex planetarum motus, quippe diuersis motibus mouetur, ad dextrum, sinistrum, sursum, deorsumq; , in varijs axibus titubare, tripudiareq; videntur, quum titubatio, & tremor ex contrarijs motibus gigni videantur. Cantuariensis scribit causam esse, quòd stellæ vices speculorum obtineant, & radios Solis reflectant, & quum cælestia corpora continuo moueantur, angulus incidentiæ varietur. Sic & reflexionis, hæc igitur variatio facit quandam vibrationis speciẽ. Nos autem causam medio ascribemus, quippe semper ventis obturbatur, & inconstans est, quodq; nubes densas, & roridos vapores excipiat, facitq; vt linæ, quæ ad oculos perueniunt, hinc inde moueantur, & varia iaculatione oculis verberent, & quanto longius distant, plus linæ refractionum longius, & notabiliùs mouentur. Id conspiciere licet in lapillis fluuiorum fundo iacentibus, qui ob rapidum superfluentis aquæ motum tremere videntur. Aqua Sole percussa, & mota, quò longius lumen iaculatur, eò latius, crebriusq; mouetur, in proximis locis mi-

E nus.

nus. Stellæ quo maiores clariùs, & magis scintillare videntur, ut Venus, & stellæ primæ magnitudinis. Accedit ad hoc quòd ascendentes, & descendentes stellæ magis lumen vibrant, quia ibi crassiores vapores, rorulentiores, crassioresq;. Idem euenit quo venti strenuiùs perflant, magis stellæ crispant lumen, immo ex eo prognostica ventorum cognoscuntur: nam ea cœli parte, qua plus tremere videntur, & plus radios suos stellæ mouent, & tremulæ aerem quatiunt, ex ea parte venti veniunt, & perflant. Extat etiam experimentum in nostra naturali Magia stellæ per fumum visæ moueri videntur.

Ex refractione Solis radij in vicinia lucis & umbræ tremere videntur.


Prop. XXII.

ARISTOTELES in problematibus quærit, cur extremum umbræ tremere videatur? Vel quia Sol rapidissimè fertur? Sed hoc falsum: nam tremor est motus in cōtrarias partes, & Sol non ita mouetur. Vel quia mouentur corpuscula in aere, vt atomi, transmeantes enim per fenestras modò de umbra in lucem, modò de luce in umbram mouentur assiduè, vnde terminus lucis & umbræ communis continuò moueri videtur, quum non hæc, sed illa hunc in modum soleant agitari? Sed hoc falsum est: nam mundo in loco, vbi atomus nulla, aut vix paucæ etiam umbrarum confinia mouentur. Sed vera causa est medij motus, quod varijs, diuersisq; vaporibus repletum, vt diximus in superioribus, figuram omnem distubat: aer enim qui rapitur non dat potestatem, vt confinia rectè possint conspici.





LIBER SECVNDVS.



PROOEMIUM.


DE refractione iam visum est in præcedente libro, subnectam speculationes quasdam de crystallina pila, scilicet quomodo solares radij in extimam eius superficiem proruentes suis statis locis refrangantur: ab antiquis enim præcisè neq; loca, neq; rationes memoratæ sunt. Hæc enim pila oculi specimen refert, nec verà à nobis loca visionum in oculis decerni possunt, nisi de ea paucula quedam præstrinxerimus, sic de visione sermonem absoluemus. Sed quia pilæ refractione reciprocatione, et conuenientiam quandam cum cõcaui speculi reflexione habet, ideo de eius reflexione nonnihil attingemus, mox ad ea, quæ polliciti sumus, reuertemur: perpulchra etiam ad ignis accensionem ostensuri. Sed aliqua sunt nobis subroganda ab omnibus Perspectivæ authoribus accepta. Solis radios aliquos ab eo emergentes sibi inuicem parallelos esse. Præterea radios veluti rectas lineas

se habere, & in geometricis demonstrationibus eam vim, quam mathematicae lineae habent retinere. Etiam solares radios in conuexam, concavam, aut planam speculorum superficiē incidētes, semper incidētis angulos reflexionis aequales efficere. Iisq; acceptis iam negotiū auspicemur.

*Vera loca reflexionum solaris radii in speculo concavo sphaerico
refrigere. Prop. I.*

REFRACTIONVM loca in crystallina sphaera exploraturis, consultius visum est, vera loca in concavo speculo sphaerico determinare. Vnde de ijs ordine referemus.


*Solis radius in speculo concavo sphaerico tangens latus exagoni,
reflectitur ad diametri calcem.*



Sit concavum speculum, D A B C, & linea A B exprimat Solaris radij B punctum tangentem, circuli sextantem à diametri fine D C, dico reflecti ad circuli diametri calcem C. Porrhatur linea ex E ad B, & ex B ad C. Quoniam triangulus E B C, parium est laterū, per ea, quae in 4. Euclidis libro ostensa sunt, angulus C E B par erit angulo E B C, sed angulus C E B par est ei, qui sub E B A, quia subalternus (nam incidentes solares radij cum speculi diametro in pari distantia mutuò supponuntur) ergo C B E angulo E B A æqualis erit, & linea B C erit linea reflexionis, quia pares sunt anguli incidentiæ & reflexionis.


In re-

*In reflexionibus speculorum concauorum sphaericorum radius reflexus
semper est æqualis diametri parti interceptæ à circuli
centro, & vtriusq; concursu.*



Esto Sphæricum concauum speculum CFBA, radius Solis incidens AB, feriat punctum B, reflectatur ad diametri punctum E, dico lineam reflexionis EB, semper esse æqualem lineæ DE, scilicet interceptæ inter centrum D circuli, & E contactum lineæ reflexionis. Quoniam in reflexionibus speculorum semper incidetæ angulus ABD reflexionibus angulo æqualis est, & angulus ABD, æqualis EDB, quia subalternus, ergo angulus EDB, æqualis est sæper angulo DBE, & æqualibus angulis æquales bases oppositæ sunt, igitur semper reflexionis linea BE par erit semidiametri parti à cetro ad vtriusq; cōtactum E.


*In reflexionibus speculorum concauorum, radius Solis incidens super latus
oclogoni, reflexus cadit super diametrum perpendiculariter.*



Esto

Esto Solis radius AB, tangens punctū B speculi concaui, distantem à diametri fine F per octauam circuli partem, dico radium BE reflexum super semidiametrum DF esse perpendicularem. A centro D extendito lineas ad puncta A B, & à puncto B, fiat angulus DBE æqualis angulo DBA, & extendatur BE, quousq; coeat cum semidiametro in E. Quoniam angulus BDA rectus est (quia quadrati diametri in centro ad rectos angulos decussantur) & DA, DB æquales sunt, ergo anguli ad A, & B, æquales sunt, & semirecti, & DBE æqualis est DBA, quia reflexionis, ergo semirectus, & semirectus quoq; EDB, quia subalternus DBA; remanet ergo DEB rectus per ea, quæ constituunt ternos trianguli angulos binis rectis æquales, ergo BE, perpendicularis.


In reflexionibus speculorum concauorum sphaericorum Solis radius quanto sub latere exagoni inferius inciderit, tanto supra à diametri fine refluitur.



Quanto enim radius Solis incidens sub latere exagoni inferius tetigerit, tanto reflexus radius à diametri fine supra ascenderit: cuius ratio est, quòd incidens radius quanto magis diametro hærebit, semidiameter ex centro tangens punctum incidentiæ, & diuidens vtrinque angulum incidentiæ, & reflexionis, tanto magis anguli angustabuntur, & reflexus radius supra ascendit. Esto incidens radius AB, tangens punctum B, latus videlicet duodecagoni, trahatur diameter DB, & à puncto B, fiat

fiat angulus DBE, æquali D B A, dico lineam B E ascendere supra latus octogoni, quod erat perpendiculare supra D F. Angulus reflexus exagoni erat $\frac{2}{3}$ duodecagoni verò $\frac{1}{3}$ scilicet dimidium, sic octogoni $\frac{1}{2}$ sedecagoni vero $\frac{1}{4}$ & sic angularum cuspides semper angustabuntur.


In reflexionibus speculorum concauorum reflexionis linea non ascendet ultra quartam diametri.



Esto speculum C A B, incidens radius Solis A B, reflectatur in E, dico E esse infra quartam partem diametri, nec vnquam posse ultra quartam diametri partem ascendere. Cuius ratio ex superioribus patet. Diximus enim quòd reflexionis linea EB semper est æqualis diametri parti à centro ad vtriusq; concursum, si reflexionis linea ultra quartam diametri partem ascenderet, nunquam esse posset æqualis illi diametri parti à centro ad vtriusq; concursum, nō igitur ultra ascendet. Hinc est quòd in concauis rotundis speculis incensiones non fiunt ultra diametri quartam, nam puncta incidentiæ infra exagoni latus à circuli axe circumuoluta, circulos describent in speculi superficie, à quibus lineæ reflexæ in diametri quarta concurrunt, quarum concursu incensiones fiunt. Hinc patet multorum, & Euclidis error, qui in sua catoptrica in circuli centro incensiones fieri pronunciauerit, quod est falsum, & impossibile.


In re-

In reflexionibus speculorum concauorum Solis radio feriente supra latus exagoni, linea reflexionis inferius vltra diametri finem cadet.



Esto speculum concauum C E B, radius Solis A B, feriens B punctum, quod ab E per pentagoni latus distat, & est supra latus exagoni, dico lineam reflexionis B F cadere extra finem diametri C D E, vltra E, inferius in puncto F. Quoniam pentagoni angulus maior est exagoni angulo per ea, quæ probata sunt à Campano supra 12. primi Euclidis. latior igitur angulus vltra diametri finem reflexionis lineam iaculabitur. Hinc specula, quæ ex ea semicirculi parte parantur, quæ supra exagonum est, vltra speculi fundum incensionis punctum habent, vt libro naturalis Magiæ demonstraui.

Dato incidentiæ puncto in speculis sphaericis concauis, punctum reflexionis in diametro reperire.




Esto

Esto speculum concauum E B A C, punctus in circumferentia speculi B, volo reperire punctum reflexionis in diametro CE. Porrigatur ex centro circuli D, ad punctum incidentiæ B, linea DB, diuidatur per medium in puncto F, & ex F excitato perpendiculararem FE, & producito diametrum DE quousque coeat cum linea FE, dico in E esse punctum reflexionis, quia ibi FE diametrum decussabit. Quia duorum triangulorum anguli DFE, & EFB, æquales sunt, quia recti, & linea FD, FB æquales, & anguli FDE, FBE, æquales, ergo DE, EB, æquales, & ubi duæ hæ lineæ concurrunt, ibi punctus reflexionis.

Vera loca refractionis solaris radij in Sphæra crySTALLINA reperire.

Prop. II.

AD Solis refractiones in crySTALLINA pila radiorum vestigandas, organico experimento utemur, unde oportet primo eius structuram explicare. CrySTALLINA, vel vitrea tabella paretur nitidæ perspicuitatis, pedalis longitudinis, latitudinisq; , & digitalis crassitudinis, quæ tota ex utraq; parte rotam quam exquisitè expoliatur, læuigeturq; , mox circini ope rotundetur, atque exæquetur torno, marginibus rectis, integris æqualiter seruatis: eius extimæ superfici ei ministerio ad explorandas Solis radiorum refractiones utemur. Supra tabulam ferreis anconibus firmetur, mox tabellula superponatur incisuris, vel foraminulis peruiis, solarium radiorum suscipiendorum gratia, eius circuli quarta vna figurarum latera notentur, notulisq; insigniantur, è cuius regione tabellulæ foramina respondeant, & sic paratum erit instrumentum, quod Solis oppositum refractiones ostendet.



Esto sphærica crySTALLINA pila GHILMN, aut cylindri pars plana explanata, supra locata tabellula A F, exiguis foraminulis peruia A B C D E F, quæ radios Solis transmittat A G, B H, C I, D L, E M, F V. Exploraturus igitur Solis refractiones in crySTALLINA pila, Soli tabulâ eleuet, opponatq; donec radius Solis per A, transiens & per V centrum firmus, & irrefractus permeet in infinitum, & diametri vicem obtinebit.

Mox Solis radiû per E foramen pertranseuntem scrupulosius obseruabit, nam M punctum sphæricæ superficiei crySTALLINÆ feriet, & erit G M latus exagoni, refrangetur igitur radius E M ad diametri finem in puncto P E T, erit M P.

Deinde obseruabit radium C I, & erit punctus I, latus duodecagoni, scilicet latus G I, dimidium lateris exagoni, & refran-

frangetur eius radius infra latus exagoni, scilicet extra diametrum in puncto R, nam quantum in concauo speculo supra diametri calcem feriebat in semidiametro, tatum hic infra extra diametrum descendet.

Deinde obseruabimus DL, tangentē L, à puncto G latus octogoni, refrangetur eius radius ad Q punctum, scilicet L Q, & descendet infra punctum P, quantum diximus.





Mox radium obseruabimus B H, latus scilicet sexdecagoni, dimidium octogoni, & refrangetur ad punctum S, extra diametrum inferius, & quanto diametro propius hærebit, tanto inferius descendet, secundum quantitatem, quam diximus.

Postea obseruabimus radiū F N, qui tanget pentagoni latus G N, & quia infra latus exagoni est, ideo supra finem diametri ascendet, contra quam obseruauimus in concaui speculi reflexionibus: ibi enim descendebat, hic verò ascendit, tantumq; supra, quantum ibi descendebat, nisi vitri crassities vetuerit, nam ægrius obseruabitur.

Sed hæc irregularitas hanc habet regulam, vt contraria sint ijs, quæ de speculo sphærico diximus concauo, nam vbi in concauo ascendebant, hic descendunt, & vbi ibi descendabant, hic ascendunt, solum in vtroq; latus exagoni metā habet, nam vtrunque diametri finem ferit, cuius rationem assignat Aristoteles libro Mechanicorum concauum esse conuexo contrarium.

Vera loca determinare refractionum Solaris radij in concaua sphærali superficie. Prop. III.

AD hæc vestiganda prius crystallinum instrumentum comminiscar parare, in hunc nempe modum. Tabella crystallina paretur tantæ longitudinis, quanta opus erit, scilicet pedalis longitudinis, & per transversum latitudinis ferè semipedalis, crassitudinis digitalis, totaque exactissime explanetur, vt parallelis sit superficiebus. In media longitudinis extremi marginis linea pes firmus circini statuatur, vāgās circumducatur, donec in eius superficie designetur semicirculus, vndiq; relinquatur solidum digitalis magnitudinis, vt firmum, integrumq; permaneat instrumentum, inde rotis ex



cauetur semicirculus, vt latera ad rectum angulum excidantur, illæ sis, & illibatis marginibus. Mox tabellam cupream, vel ligneam supra firmabis, vt crystallino incumbat, modicæ crassitudinis, sed tantæ longitudinis, quantæ instrumenti: modicæq; ab eo distet, & in tot exigua foramina perforaueris, quot volueris, vt solaribus radijs peruiū, expeditumq; iter præbeat. Hactenus parato instrumento extollatur Soli, qui per foramina illabens, tangat latera figurarū. Exemplum infra descripsi.

Esto instrumentum vitreum excavatum V X Y Z, tabellina foraminibus laceßita A B C D E. Radij Solis refrangūtur in contrariam partem eorum, qui in circulo conuexo diuarcabantur, diximus enim conuexo contrarium concauum, radius ergo E L per centrum transiens circuli L I H G F, penetrat irrefractus E L.

Radius A F, illabens per A foramen tabellæ tangit circuli concavi punctum F, latus exagoni à puncto L, refrangitur ad finem diametri, vt diximus: ideo circulum appinxiimus M N, cuius diametri finem N, refractus radius ex F attingit.

Sic quoque radius C H, tangens punctum H latus duodecagoni, refrangitur ad punctum R extra diametrum, vt videtur in eius circulo Q R.

Sic radius B G, latus octogoni tangens G, refrangitur ad punctum P, vt suo circulo apparet.

Eodemq; modo D I, latus sedecagoni ad punctum P.


Solus radius E L, transiens per circuli centrum, transit irrefractus in infinitum, vt diximus.

Vera loca determinare refractionum Solaris radij egredientis ex concava sphaeræ superficie. Prop. I I I I.

SI præfatum instrumentum Soli obuertes, voti compos fies, nam refractiones Solis ex superiori parte in concavam superficiem incidentes, & exeuntes experieris: ijsdem enim angulis, quibus ingrediuntur, egrediuntur, vt eiusmodi schemate videre est.

Esto instrumentum obuersum V X Y Z Soli oppositum, & ex tabellæ foraminibus radij Solares ingrediantur, refrangantur.

Primus



Primus ex E foramine ingrediēs, per L R G irrefractus labitur.

Mox radius A F, ingrediens, tangit latus exagoni, quia ingrediens prius ad diametri calcem perrectabat, nunc in contrariam partem labitur, ijdem angulis, ex F enim in C labitur, & angulis T F S, æqualis fit angulo S F R.


Deinde obseruabis radium C H tangentem latus duodecagoni, & in contrariam partem pergit H N. Sic angulus N H M, æqualis erit N H L.

Mox obseruabis B G radium etiam tangentem latus octogoni, labiturq; in Q, & angulus Q G P, æqualis erit P G O.

Postremò radium Solis D I, latus sexdecagoni, labiturq; in H. Sic angulus H I K, æqualis erit K I O. Animaduertendo quòd radij D I, C H, B G, A F, irrefracti permeant, vsq; ad I H G F, quia perpendiculares.

*Vera loca determinare Solaris radij refractionis egredientis ex conuexa
sphaerali superficie. Prop. V.*

HI anguli sunt æquales illis, qui ingrediebantur in superficiem vitream conuexam, attamen contrarij, nam radij, illi Solares in contrariam partem labuntur, vt videbimus in subiecto exemplo.



Esto tabella Soli opposita, & perforata A B C D E, semicirculus vitreus Soli oppositus F G H I L, cuius recta diameter Soli obuersa, circumferentia aduersa.


Pergat radius E L, transiens per semicirculi centrum, penetrat irrefractus.

Deinde A F tangens F punctum, latus exagoni à puncto L, non ab A ad F penetrat perpendiculariter, & irrefractus, deinde foras egrediens ex F, in contrariam partem labitur in R, quãdo enim superficiem tangebatur connexam, veniebat per F Q, rectus radius F M, nunc labitur in R, & angulus Q F M, erit æqualis M F R.

Sic radius C H, tangit latus duodecagoni, in superficie conuexa veniebat per H T, nunc per H Y, & angulus D H O, æqualis est angulo O H Y.

Sic radius B G tangit latus octogoni, labitur in X, veniebat G S, & D J, latus sexdecagoni labitur in Z, veniebat enim per I V.

Dato




Est magnitude opposita GF , pila $BCELD$, oculus A , non insinuabitur punctus F ad oculum, nisi vertatur ex sinistro ad dextrum: veniet ad D , & ex D refrangetur ad B per secundam huius, & egrediendo veniet ad oculum A per quintam. Eodem modo G ad E , mox ex E ad C , & demū ad oculū A cathetus ex F per M centrum occurret lineæ venienti ad oculum in B , vbi videtur

G

bitur

bitur punctus F Sic G ad C, & inuerfa videbitur, est enim inuerfionis punctus L.


Magnitudine, & oculo pilæ propinquis, recta videbitur, at recedente oculo obuertetur. Prop. XVII.



EST O primò oculus A, respiciat magnitudinem G H propè pilam, & sit quoq; A oculus ex opposito propè pilam. Pūctus G insinuabitur oculo per E ex secunda, refrangitur in C, & egredietur ex C per quintam in A. Idem ex alia parte H per F perueniet ad D, & ex D in A. At elongetur oculus in B, G non insinuabitur oculo B nisi per O, & ex O refrangetur in M, & ex M egre-

Megrediendo veniet ad B. Idem ex alia parte H per N perueniet ad H, & ex L ad B, inuertetur ergo in puncto I. H igitur sinistra pars videbitur in dextra, & G in dextra videbitur in sinistra, recta igitur in C D videbitur, obuersa verò in Q R, & maior. Imago in Q R non verè extra videtur, sed satis obscurè vbi vbi sit, & fixè intuentibus ibi apparet.

Magnitudo propinqua pilæ intra punctum inuersionis recta videbitur oculo & proximè, & longè seposito. Prop. XVIII.




EST O conspicienda magnitudo G H, adeò propè pilam, ut se oculis insinuando, inuerti haud possit. Veniat primò H
H 2 per

per F per secundam refrangetur ad D, & per quintam ad A, vbi inuento oculo, videbitur recta. At seponatur oculus in B, idem punctus H, vt se oculo insinuet veniet per O, refrangetur ad M, relabetur ad B per decreta angulorum egredientium, videbitur igitur à B oculo etiam recta, nec tam propè pilā inuerti valet.

Oculo pilæ propinquo, magnitudine, & proximè, & remotè posita semper recta videbitur. Sed remotior breuior videbitur.

Prop. XVIII.



INTRA punctum inuersionis oculo, vel magnitudine positus semper recta videbitur magnitudo. Nunc esto oculus pī leproximus A magnitudo proximè posita O, P, insinuet se P per M, re-

M, refrāgatur ad F, per secundam, egrediatur ad A oculum per quintam ex altera parte, O per L veniat ad B, & inde ad A videbitur magnitudo O P recta, & punctis T V, ductis cathetis per centrum. Longè igitur seponatur eadem magnitudo, & sit G H, veniet H, ad N, vt se oculo insinuet, refrāgatur in E, egrediatur ad A oculum. Sic ex altera parte G punctus per I veniat ad C, & ad oculum labatur A, etiam recta veniet, nec datur alter concursus præter illum, videbitur ergo magnitudo G H R S, oculo propinquior, sed breuior, ductis ex centro cathetis, quod de monstrare nitebamur.

Quanto remotior erit magnitudo à pila, eò breuior conspicietur.


Prop. XX.



SIT primò magnitudo QR pilæ proximior, & insinuans se oculo R per N, venit ad F, & mox ad A oculum, sic Q ad O, & ad H ad A oculum, tractis cathetis occurrent lineis deferentibus imaginem FA, IA in punctis DE. Sit magnitudo remotior VX, veniat X ad M, mox ad G, inde ad oculum A & V, item ad P, mox ad H, demum ad oculum A, ducantur catheti ex VX, per L centrum occurrent lineis imaginem deferentibus ad oculum GA, HA, in punctis BC, minor erit BC ipsa DE: quia quantò longior magnitudo abibit, tantò angustatur linearum anguli deferentium ad oculum simulachra, & angustius suis occurrent cathetis.

Magnitudo obliquè pilæ veniens longè à suo loco, & aliter videtur.

Prop. XXI.




SIT magnitudo triangularis EFD, veniens ad oculum A, & veniat obliquè, scilicet non ex opposito, punctus D venit ad G, refrangitur ad N per secundam, egreditur ad A per quintam, cathetus ex D & per O centrū secabit propè oculum in A, sic punctus E venit ad H, mox ad M, inde ad oculum A, cathetus secabit MA in pūcto C, demum F punctus venit ad I, ac refrāgitur in L venit ad A, cathetus occurret ex F ipsi LA in B, vnde punctus F in B erit, sic BCA, & DEF, obuersus triangulus, vt promissimus.

Pila

Pila crystallina Soli opposita ignem accendit propè pilam.

Trcp. XXII.

RADII perpendiculares supremam extimam pilæ superficiem inuadentes, refranguntur, vt diximus, & egredientes etiam refranguntur denuo, vnde decussantur propè pilam, in decussationibus igitur radiorum ibi concursus, & combustio. Exemplum damus.




Sint radij æquidistantes Solis extimam pilæ superficiem inuadentes A B C D E F G. Radij B F, qui latera egaxoni tangunt, refranguntur ad calcem diametri D I, per secundam, radij item A G, quia latera pentagoni tangunt, refranguntur intra pilam M N, & hi sunt inutiles combustioni, radij verò, qui intra B F omnes extra pilam incendunt foris, & ibi producunt incendium, vt radij C E percutientes latera duodecagoni refranguntur in L.

Cantuarensis in hac propositione duplici errore notandus venit: putat enim radios à Solis centro progredientes supra pilam igne accendere, quod est falsum, nam à Solis perpendicularibus ignis excitatur: nam perpendiculares & ex centro eadē sunt. Præterea nec si à Sole oriuntur à centro radij, sequeretur propè pilam ignem accēdi, nam tam longè dimissi radij à Sole,
etiam

etiam longissimè accenderent, quod est falsum, si vera sunt, quæ priùs probauimus.

Maximè errat Vitellio, qui putat Solis radios superficiem pilæ inuadentes perpendiculariter, refrangi ad cêtrum, & quia ibi experimentum videri nequit, optat sphæræ portionem semicirculo minorem, vt videret an in centro illius ignis excitetur, quod est falsissimū. In vniuerso enim opere suo quidquid ex se supra illud Alhazeni est, falsum ferè est, semicircularis sphæræ portio, vel minor accedit loco prope finem diametri, & ex secunda refractione paulo propinquius, non autem in centro, ratio ex his quæ priùs diximus, deducitur.


Lumen eminus pila crystallina eiaculari. Prop. XXIII.



RA DII, vt diximus, decussantur singuli propè pilam retro in diametro, propius, & longius, diffundunturque à puncto illo, vt à centro ad circumferentiam. Si ibi igitur locetur candela ardens noctu, radij, qui à candela egrediuntur à centro ad circumferentiam, atque per pilam refringentes, paralleli euadunt, & longius lumen iaculabitur. Possumus & ibi concauū speculum accommodare, vt ignem non lumen iaculetur. Sed memento proportionis sphæræ & speculi. Radius CE decussatur in L, inde spargitur, si lumen ibi sparsum à centro iaculabitur perpendiculariter.



LIBER TERTIVS.



P R O O E M I V M.



Refractione, eiusq̃s passionibus initio libri, pro nostri ingenij captu, vt decuit auspicati sumus, nunc antequam ad visionem accingamur, operapretiũ visum est, oculorum constructionem, eorumq̃s munia aggredi: frustra enim alicuius rei cognitionẽ assequi tentamus, cuius partium cõstitutionem ignoramus, Unde insimulandum; aut pratereundum non duximus. Sic ijs præcognitis ad vltiora gradatim ascēdemus, ne quid ad exactam visionis cognitionem deesse videretur. Quorum maiorum quæpiam correximus, alia de medio sustulimus, & nonnulla addidimus noua. Nunc rem aggre diamur.

Oculum quatuor tunicis, & tribus humoribus compaginatum.

Prop. I.


STVPENDA, ac admirabilis oculi constructio hæc est. Oculus, vt è cõcaua caluariz ossis sede exemptus est, exa-

Et sphaera orbitam imitatur, & tuniculis, & humoribus simul compactus est. Extima eius tunica oculum obducens, & orbiculatim conuestiens dura est, & à dura substantia cerebri orta, Græci *σκληρότης* dixerunt, neoterici, barbarè quidem, consolidatiuam, quòd ossi oculum còsolidet, vniatq; & vniuersa oculi constitutio præstantissimè confoueat. Hæc non sibi semper persimilis, nec simplici donata est nomine, sed posteriorem oculi sedem constituens, crassa est, quæ in anteriori ad pupillæ regionem peruenit, illic tenuis euadit, & in cornu faciè abit, non solùm quod pelluciditate, verùm quòd cornu instar dura in laminas desquametur, Græci *κερατοειδής*, nobis cornea dicitur: tenuis, vt cornu, ne eius crassitie præpediretur visus, dura, loricataq; vt si quid extrinsecus occursum expelleret, cùm cuiq; oblæioni obuia futura esset. Hæc in fine visorium neruum conuestit, & tandem se explicans, cerebrum, ex dura meningē ortum habet. Intèrna huius tunicæ superficies, tota ea sede, quæ non pellucet (qua scilicet oculi album ab nigro distinguitur) alteram tunicam ambit, ipsiq; ad cubat, quæ verò parte lucida cernitur, ab ea subducitur. Id ei peculiare accidit, quod mediam fenestruit pupilla, nam fenestram illam pupillam dicimus, comprimiturq; vsque ad acutē tenuitatem, dilatatur verò vsque ad lentis magnitudinem, instar loculorū, vt lucis accessu, recessuue, commodiùs visibilia se species insinuarent. Vniuersam hanc tunicam fuscedo quædam obnubilat, ne incertam aciem vagari sinat, qua parte corneæ substernitur, variè tingitur, glauca, nigra, cæcia, fuluaq;. Totam hanc tunicam à conterminis vulsam si contempleris, vix nigro folliculo simillima est, à quo pediculus exemptus sit, foramen, quo pediculus visebatur, ipsi pupillæ comparabitur, si ex eo euacuari intelligas, ob id Græcis *παγοειδής*, nobis vnea dicitur. Membrana hæc vsque ad visorij nerui ortum comes producit, mox neruum subiens, in tenuem meningem definit, quæ quia *χοροειδής* dicitur, Græci quoque illam *χοροειδῆ* vocant. Sed spatium, quod à concava corneæ superficie continetur vsq; ad crystallini humoris sedem, liquore quodam completur, qui quum tenuis, limpidus, fluidusq; sit instar aquæ, à Græcis *υδατοειδής*, à nobis aqueus dicitur. Antiquiores Medici albuginem nominarunt, non quòd oui albo collatus par sit, sed qualis cernitur

nitur

nitur in recentibus ouis transudare, quum igni admouetur. Vnea in medio natat, ac hiatu, quo in medio pertusa est, humor in anteriorem corneæ sedem adlabitur, vt liberiùs spectra obiectorum commeent. Hic globi portionem explicat, anteriori parte gibba corneæ parte concluditur, posterior tantum à plana superficie se subducit, quantum crystallini pars protuberans in eum se insinuat. Paulò supra oculi centrum humor, qui à nimia similitudine, quam cum mediocriter concreta glacie obtinet, Græci *κρυσταλλοειδής* vocant, construitur, non corporis habitu, soliditateue, sed luce potius, qui & si humor dicatur, non defluit, sed molliculus cææ substantiam refert, globuli speciem, sed non adamusim refert, ac si duabus sphaeræ sectionibus compactus fuerit, lentis formam retinet, vnde etiā Græcis *φακοειδής* vocari arbitror, superficie constans læui, lubricaq; . Ipsi membranula circumtectæ est, instar tenuissimæ cæparum tunicæ (quæ inter earum orbes reperitur) exactè transparens, quam à telarum araneæ similitudine *ἀραχνοειδής* vocant Græci, sed non robore, & duritia, sed tenuitate, expanditurq; vnde quaque ad latera oculi ad vneam, at veluti interseptum humorem aqueum à vitreo disternat, ne laxioribus sese meatibus commisceretur. Cæterum posterior crystallini sedes alio humore sulcitur, qui non lucidus, vt crystallinus, neque eiusdem consistentiæ, duritiæq; , nec vt aqueus diffusus, sed quia liquati ab igne vitri consistentiam, & colorem referrat, ob id à Græcis *ύχλοειδής*, à nobis vitreus nominatur, ex inferiori parte, dum in membranis continetur semiglobi formā refert, sed vbi crystallino adiungitur, planam superficiem habet, si in eius medio sinus non imprimeretur tantus, quantus crystallini humoris globus in eo mergitur, innatatq; , nil aliter inter ipsum, & vitreum intercedens. Reliqua pars, quæ à crystallino non occupatur, ex tenui membranula (si membranula, & non mucor dici meretur) quemadmodum oui pellicula albuginem cōtinet, vitreus humor circumsepitur, quæ Græcis *ἀμφιβλεβρωειδής* dicitur, eo quod *ἀμφιβλέβρω*, idest reti similis non formā, sed plexum referens. His tunicis, hisq; humoribus, natura oculum machinata est, qui vt lucidissimè nostris oculis exponatur, ipsum depingemus, ac si per medium secuissemus, cum medietate nerui optici, eo modo, quo Astrologi cælestes

sphaeras visui obiectant, vt vnico intuitu totius fabrica contempletur.



A B C D dura tunica, cuius pars A B instar cornu pellucet & degenerat in crassam meningem C D.

E F N H vnea, cuius pars I, fenestrata pupilla est, & degenerat in tenuem meningem T Y.

O R S aranea tunica.

& V X retiiformis.

L R M humor aqueus.

G humor crySTALLINUS.


P Q humor vitreus.

C D neruus opticus.

Oculum necessario fuisse sphaericum . Trop. II.

N V N C oculi singulas partes exactiù s perpendamus, nam quæ intus à natura conclusa sunt, ita locata sunt, vt nil eorum superuacaneum sit, nihil ad perfectam visionem non necessaria-

cessarium. Sed demonstrabimus primò necessariò fuisse rotundum. Primò ex capacitate: aliter enim capiendæ quantitati suffecturus non erat. Est orbicularis figura isoperimetricorum omnium capacissima, quum etiam ex omnium partium corporis multis particulis ad multa munia obeunda indigeret, humoribus, & tunicis, easq; angustissimo spatio coarctarentur, ne caput grauarent, ex nunquam satis laudatæ Naturæ munere largitum est, vt orbicularis constitueretur. Altera ratio ex necessitate, oportebat enim oculos sursum adducti, deorsum abduci, illuc, huc circumuolui, & deflecti; nam si alterius figuræ triangularis, vel quadrangularis fuissent, horû motu oportebat partes mutuò contundi, dilacerariq; & interceptas partes vacuas relinqui, vnde quo visus aboleretur, insignes noxas motus his partibus inferret. Vel si immoti essent, caput illuc, huc circumuoluendo, maximè hominem defatigari contineret, quod erat inconcinnum. Addimus præterea rotundationis illam rationem, vt liberiori motionis munereungerentur, vt nostro arbitratu celerrimè multa visu apprehenderemus, quum omnium figurarum sphærica minus reuolutionibus obnoxia, globosisq; summa inest reuolutionis agilitas. Necessarium quoq; erat oculum circumacta, globataq; figura esse, vt rectæ lineæ super eum orientes perpendiculares, & in centro concurrentes, quanto longius distraherentur, maiorem basim interciperent, quæ solæ veritatem ostendunt, quod nulli, nisi sphæricæ figuræ contingit: si planus enim esset, non perciperet vnico intuitu nisi æquale sibi spatium. Sit visus AB , à puncto A & B oriantur binæ perpendiculares AC , BD , interceptum solum spatium CD videret æquale ipsi AB , per 23. & 25. primi, & si CD longior esset vsque ad E , oporteret vt oculus ad dextrā moueretur, & si proprius, vel longius superficies obiectaretur.



At si concauus, contrariæ functionis opifex fuisset, nam multò minus, quàm ipse est videret. Est oculus A B C D L I, & occurrat ei res videnda E F, cadit radius E A, refrangitur in C, per tertiam primi nostri, extendatur, perueniet in G. Eodè modo F, venit in B, refrangitur in D, relabitur in H. Sit oculi centrū foris K, ex E, & F trahātur catheti, occurrēt lineis formā referentibus in G H, erit igitur G H forma minor re visa E F.



Plerunque etiam dextra sinistra, & sinistra dextra & quæ sursum deorsum, & quæ deorsum sursum viderentur. Est oculus I A B L C D, visibile obiectum E F veniant ad pupillam A B, lineæ E A, & F B, ipsa E A refrangitur ad C, per tertiam primi, relabitur in H. sic B refrangitur in D, relabiturq; in G. Occurrant cathetis ex F E per centrum K transeuntibus in G H. Sic videbitur punctus F dexter in sinistram G.



Vnde in sphæricam figuram animaduersus sis, nullam nisi sphæricam exclamares, quæ tot munijs sola præstat, è centro enim per per pupillam, & si per angustissimum spatium lōgius exporrectæ lineæ, totum ferè hemisphæriū intercipiunt. Neq; est, quòd huic corroborando prolixius insitam. Gentilis Aui-cennæ interpres, medicam oculi rotūdationis rationem affert, ob id globosum fuisse, quòd figura ipsa sola quicquid impedi-menti, vel noxi se ingerentis declinare potest. Sed Vitellio-nis opinionem nō probo, oculum inquiētis sphæricum propte-rea esse, quia aquæ naturæ est, cuius proprietas est rotūdari sem-per, sentētiam Ioannis de Sacrobosco sequuti, qui aqueum ele-mentū rotundū dicit, quia gutta in terram cadens rotundatur.

Organum visus, necessarium aqueum futurum. Prop. III.

ORGANVM visus vtrum ex igne, vel aqua esset, haud parua fuit inter principes philosophos cōtrouersia. Empedocles igneum oculum existimauit, quatuor enim elemen-tis, quatuor sensus assignauit, tactui terram, gustui aquam, au-ditus aërem, visui verò ignem. Inquiens.

Conspicimus terram tellure, liquore liquorem,

Aere naturam aeream, igni cernimus ignem.

Galenus etiam igneum dixit oculum, Platonem sequutus, & opticos sui temporis, qui per emissionem visionem fieri existi-mabant. Tautos viros decepit splendor in oculis conclusus, vt videbimus. Democritus aqueum oculum dixit, & hunc se-quitur Aristoteles libro de animalium partibus, & de sensu, & sensili. Tradit enim oculū aqueum potius, quàm aereum ab rerum opifice solertissimè constructum, quòd aqua non solum diaphana, sed euphana esset, nam & si pellucidior sit aer, a qua tutior vallari, conseruariq; potest, quum aer sua tenuitate fa-cilè diffletur, oportebat oculum densis, solidioribusq; tunicis construi, quod si ita factum esset, transmissioni fuisset inoppor-tunus, neq; constructionem suo muneri idoneū obtineret, nam animalia densam oculi tunicam habentia obtusi sunt visus, vt locustæ. Præterea euphana est, quo visibiles formæ meliùs insi-nuari, suscipi, conseruariq; possint, quod est oculo proprium, nam si aer suscipit, non retinet. Additq; meliùs terminari aquæ

Humorem aqueum tenuem, & pellucidissimum esse.

Prop. IIII.

AQVEVS humor intaminata pelluciditate, tenuitateq; visendus venit, interuallum intra crystallinum & corneam implet, nec aliter fieri poterat. Oportebat enim visus instrumenta lucida futura, quia colorum dignotionem habitura erant. Natura enim comparatum est, ut sola eiusmodi corpora à coloribus afficerentur. Diximus lucem omnium colorum expertem, quia omnibus coloribus tingi oportuerat, ut veros colores oculi repræsentaret, sic aqueum, vel albugineum humorem (quod guttæ ex ovo igne transudanti par dictus est) nullum colorem habere necesse erat, alioquin difficulter alienos admitteret, neque crystallino colores, & lineamenta visibilius ostendere potuisset. Argumento icterici esse possunt, quibus bilis vaporibus oculis sese ingerentibus, omnia videntur citrina, vel si nubeculis, & fumositatibus conspurcaretur, fumosa, & defædata obiecta cerneremus, ut in senibus, & defluxione laborantibus est videre. Imitatur tenuitate sua roridum laticem illum Maio mense olerum folijs illabentem, irrorantemq; , & in argenteas guttulas coeuntem. Argumentum suæ tenuitatis est, ut statim dissecto oculo in tenues auras facile diffusetur. Purissimus igitur, & ex omnibus defæcator à rerum opifice excolatus est, & aeri ferè par, ut per eum lux deferens simulachra, & intromittens, rerum veritatem inhibere non possit.

Per pupillam rerum simulachra intromitti.

Prop. V.

DIXIMVS de aqueo humore, sequitur de pupilla dicamus, per eam namque simulachra crystallino intromittuntur, quasi fida ianitrix oculo adfidet, ibiq; sua munia exercet. Sed veritatem medicis experimentis probabimus. Morbus est vnguis Latinis, pterigion Græcis dictus, carnosæ excrementa est, corneæ, vel duræ, quam diximus membranæ obueniens, hæc ab oculi cantho exoritur, & pupillam ad usque peruenit, quam ubi attigit, tenebris offunditur, & visu orbamur, sic Chyrurgi ma-


K num

num passa, redit amissus visus. Hypochima supra pupillam est humor congelatus, quo visu homo destituitur, acum admit- tendo ex oculi angulo per obliquum vsque ad pupillam, com- pactum humorem illum in infima parte deducit, & statim visus restituitur.

Pupillam accessu, recessuue luminis arctari, laxarique.

Prop. VI.

VISVS instrumentum fulgidum, transparens, & tenuissi- mum diximus. Ob id immoderato lumini obnoxii: oportebat igitur tunica quadam circummoniri, foraminulo peruia, cuius famulatu ad lucis accessum obtenderetur, remitteretur verò ad eiusdem abscessum, vt in incerta luce rectius quid conspiciare valeremus. Pupilla igitur in die in oculi vestibulo huic muneri præficitur, immoderato lumini obstaculo futura; in crepusculis verò retinacula relaxaret, vt spectra per latiore[m] fenestram intro liberiùs cominearent. Vnde vnea circa foramen rugosa est, ac loculorum instar comprimitur, laxaturq; , noctu verò post obitas functiones quiesceret. Sed prius rei veritatē, post artificium à Natura excogitatū enarremus. Si amici oculos apertos, intentosq; vehementiùs Solis lumini obiectos cōtemplaberis, adeò pupillam coarctari videbis, vt per angustis- simum foramen vix tenuis acus aciem admitteret, eosdem si in obscuro cubiculo conuertat, paruo temporis curriculo fora- men adeò dilatari conspicias, vt fere lentem capiat. Huius rei instrumento certius fies compos, quod Archimedes in digno- scenda Solis quantitate vsus est. Sit regula lignea pedalis longitudinis, & digitalis latitudinis $ABFD$, in medio linea EC , excauetur ex capite vno AEB , vt oculum commodè excipiat, eligatur cylinder ligneus torno politus minor C propè oculum, maior G longiùs, appositoque vno oculo aper- to, altero clauso in AB , conuerso contra Solē, tantisper cy- lindri accedant, recedantq; , quousque radij per pupillam in- troeuntes latera vtriusque cylindri contingant. Hoc facto re- moue oculum à regula AB , & protractis lineis contingentibus cylindrorum circulos, iterum eandem regulam in obscuro loco conuer-



conuertat, appositoq; oculo eodem loco, iterum cylindros appropinquet, remoueatq; donec visuales lineæ latera contingant, sic videbis lineas circulos contingentes in obscuro latiores esse. Causas constrictionis, & dilatationis nos plures excogitauimus. Prima in Luna est, nam huius syderis auctu, nostri corporis humores augefcunt, crassescuntq; oportet igitur, vt luculentius oculus illuminetur maioris luminis inuassione, in defectu verò, quia humores tenuiores, defæcatioresq; fiunt, minori lumine indigi sumus. Vnde si quis eodem lumine constitutus, vtraque tempora obseruauerit, veritatem inueniet. Hoc clarins in Aeluro, perspicere licet, nam lunaribus quotidianis incrementis, decrementisq; pupillas maiores, minoresq; habet. Ob id Isidis numen tota in se complecti naturam Aegyptij credentes, illi hoc animal dicarunt, quod Lunæ imaginem quandā in oculis repræsentet: vt ex Oro Apolline patet. Cardanus verò pro arbitrio selem contrahere, ac relaxare pupillas dixit, si ne ratione, si enim ex libitu contrahere, aut relaxare possemus, essent à Natura muscoli ad id opus constituti, at nulli apparent ex dissectione, non igitur ex voluntate, aut constringere possumus, aut relaxare. Altera ratio est ætatis. Senibus humores crassescunt, & fæculentiores fiunt, maiori lumine indigent ad inspectionem, ob id eis relaxatur pupilla, iuuenibus verò quia tenues, purissimique arctius coarctatur pupilla, ne validæ lucis intromissu læderentur. Præterea quod nimio Solis, vel alicuius fulgidi obtutu lædatur visus, patet in ijs, qui diu in Sole deambulant, vel locis niue obsitis, nam tenebricosi euadunt, & diu illatam oculis affectionem seruant. Tandē si quis apertis oculis

aliquantisper Solem intueretur, & pupilla panderetur, ex Solis illapsu, ignem in oculi sine accenderet, vel ibi maximum ardorē ingereret, causam iam explanauimus superiore libro. Prop. 21. Sed maiorum nostrorum errata dissimulanda non sunt, ne & nos ipsi posteritati imponamus. Alhazenus doctissimus Arabs, dicit corneam, & vucam sphæras eccentricas esse, ac se mutuo secari in contactu, & si sphæra, sphærâ secet, sectio circulus erit, ex Theodosio II. ob id pupillam sphæricam esse. Ab eo eadem simia Vitellio refert. Sed vterque fallitur. Horum fallaciâ coarguit oculi anatomē, vt diximus, nam externa vucæ superficiēs internæ corneæ adamussim adcubat vsq; ad corneæ pellucidū, vnaq; sit, in eo loco, ab illa recedit, & plana distenditur, & in medio paruo foramine scinditur, nec vsquam interfecantur, neque eccentricæ sunt, difficultates ponentes vbi nō sunt, vt scientias admirabiliores faciant.

Subitam pupillæ dilatationem, & constrictionem non fieri sine dolore. Prop. VII.

ANIMADVERSIONE quoq; dignū videtur, hiulcas aut obstrictas pupillas repentino lucis occurſu non fieri sine dolore. Repentina luce illata ijs, qui in tenebris commorati sunt, non sine læſione euadunt, sic per Solem deambulantes, si ad tenebricosos locos illicò diuertant, cæcutiunt, nam pupilla Solis præſentia coarctata, repentino tenebrarū occurſu dilatari nequit. Dionysius Siciliæ tyrannus domum super carcerē construxit clarissimam, ac longè splendidissimam, calce illicitā, vt homines, qui diutissimè carcere fuissent conclusi, vinctos ipsos sursum e ducebat, qui ex multa profunda caligine in splendidiorem lucem egressi, quàm cupide erant intuituri, occæbantur. Quod etiam oculi præpropera coarctatione oblædantur, argumento sunt sternutationes, nam subita pupillæ restrictio, ad se telam trahit, intenditq; , quæ oculi latera ad se abducit, lancinatq; , quibus adhæret tunica, latera intra nasum respondent, & in vicinia sunt loco, qui delicatulus & pruriginosus est, vnde si quis filo, vel molliculo aliquo paxillo scalpet locum, ex ea tentingine sternuimus. Vnde obiter adnotanda venit

nit Aristotelis ratio in problematis. Nos ideo talis occurſu ſternutare, quia Sol caleſcens mouet, perinde atq; qui penna nares ſollicitant, eumq; caleſcientes ocuſ ſpiritum ex humore eliciunt, cuius ſpiritus excuſſio ſternutatio eſt. Sed Ariſtotelis propoſitum falſum eſt, nam non qui Sole ambulant ſternutant, ſed qui è tenebris excentes ſplendenti Solis lumini fiunt illico obuiam, vbi nulla calefactio intercidit: quod non alio euenit, quàm ſubita pupillæ conſtrictione. Mox quæ calefactio ex ſili impoſitione in naribus? Multi ſunt, qui Solis eclipſim ipſconniuentibus oculis obſeruantes, vt effectum illum aſſequerentur, imprudenter occæcati ſunt. Ob id ſummus rerum opifex diei, & nocti crepuſcula intermedia conſtituit, vt conſtricta diurnæ lucis pupilla, tenebrarum aduentu in crepuſculis dilatetur, vt noctu ſatis hiulca ſit, ſic aduentu Solaris lucis in matutino crepuſculo iam iam ex tenebris arctata, dilatari condiſcat.

Qui colores pupillam referent, qui conſtringant, quiue mediocriter ardeant. Prop. V III.

NE C ſolum lux pupillam coarctari cogit, ſed colores fulgidi, & qui maximè viſibiles, vt albi, crocei, ſic & pulita metalla. Lædunt maximè candidæ res viſum, candidum enim luci aſſine, vnde quum lux cum multò candido ſe offert viſui, oblædit illum, & lancinat. Xenophontis milites læſi oculis fuerunt, quum per multam lucem iter fecerunt. Fabri, & aurifabri ſæpè cæcutiunt ex continua horum ignium inſpectione. Sed fabuloſo, puto Philoſophos Indiæ, quos Gymnoſophiſtas vocant, qui ab exortu ad uſq; Solis occaſum contentis oculis orbem candidiſſimi ſyderis intuentur, in globo illo igneo rimantes ſecreta quædam. Cõtra verò nigri colores, vel ad nigrum tendentes, vt cærulei, halurgi viſum hebetant, pupillam relaxando. At mediij colores, vt, viridis, qui ex ſtauo & cæruleo conſtat æquis partibus, viſum refocillat, & cõſouet, quia neq; conſtringunt, neq; dilatant. Ideo permagnus ille rerum opifex arbores, herbas, & terram ipſam amæno virore amicit, & decorat, vt continua horum inſpectione affectus viſus refocilletur. Smaragdo nihil iucundius, nihil vtilius videt oculi, in primis virent vltra irriguagami.

gramina, vltra amnicas herbas. Defatigatos obtutus coloris læuitate reficiunt, visus, quos alterius gemmæ fulgor retūderit, Smaragdus recreat, & exacuit, nec aliam ob causam non scalpitur, ne offensum decus imaginum lacunis corrumpetur. Rectè igitur Aristoteles se habere oculum in coloribus, sicut auris in consonantijs, nam sicut ex proportionē sesquialtera nascitur diapente, sic colores ex proportionalibus compositi adinuicē, sunt delectabilissimi, vt ex croceo & cæruleo viridis. Sed id aliquo experimento comprobemus.



Sit quadrata tabula cubitalis F D G E, eam nigerrimo colore tinges, centro H infige clauum, vt semipede à tabula distet, pōne oculum supra H, & immota acie, quousq; visus extendatur, lapillos circumpones, mōx amoue visum & in circumactu lapillos dispositos inuenies, quia pupilla rotunda est, vt videbimus. Eandem tabulam albisimo colore illines, eodemq; loco oculū accommoda, & iterum quousq; acies extenditur, lapillos dispones, & amouēdo oculum, paruum inuenies. Circulum C. Deum colore viridi tabulam superlines, & oculum eodem loco constituendo, eodemq; modo operando, circulum tertium B inter vtrosq; extremos medium cadere conspicias. Sed interim falsa eliminemus è Mathematicorum familia. Stoici, referente Plutarcho, tenebras cogere visum, aggregareq; & propterea hebetare dicunt, contra lumen disgregare. Sed satis improprie loquuti sunt, vt oculorum acies disgregari possit, vt gallina pedibus tritici aceruum, & congregari, vt gallina pullos suos. Aristoteles in problematibus dicit oculos ad omnium rerum colores fatiscere, & deteriores reddi, sed quum ad virides declināt, optimè

optimè se habere. Albi enim colores & nigri, viribus suis efficiunt, at viridi, & medijs coloribus refocillantur, corroboranturq; . Et quemadmodum quum corpora nostra laborant, deteriorius se habent, quum mediocriter, optimè efficiuntur, ita oculi ad res solidas offendentes, laborant, ad humidas, quia nil obstat, oberrant, quum verò ad virides, qui a solidæ mediocriter sunt, & aliquid humoris continent, facilliter acquiescunt. Bone Deus, quid commune habet visus cum solido, & liquido?

Qui lata pupilla sunt noctu melius, interdiu hebetiùs, qui arcta interdiu acutiùs, noctu caligant. Prop. V I I I I.

SVNT qui arcta, & qui lata donati sunt pupilla, quorum Physiognomoniam suo loco diximus, sed qui lata sunt pupilla noctu melius, interdiu hebetiùs, qui verò arcta interdiu acutiùs, noctu verò nil penitus vident. Noctiuaga animalia, vt bubones, noctuæ, feles, & lupi lata pupilla donati sunt, vt & vespertiliones, at gallinæ, columbæ, & passerres, & eiusmodi nil penitus noctu, interdiu acutissimè vident, & illa in die cæcutiunt, & hæc parvis pupillis prædita sunt. Aphrodiseus ob id animalia quædam interdiu vident, noctu nequeunt, dicit quia spiritum vsui visus accomodatum habent crassiores, quàm vt aerem permeare ad rem vsq; videndam valeat, crassescit enim per noctem, quum Solis absentia refrigeretur, interdiu extenuatur aeris beneficio, qui tenuis, & calidus est: feles tamen, hyenæ & vespertiliones contra se habent, quum enim interdiu, nil ferè videant, acutè omnia per noctem conspiciunt, spiritum quidem illum visorium, & tenuissimum, & dilucidissimum habent, ita vt per noctem hic modicè incrassescens idoneus ad rerum conspectum reddatur, per diem luce præclara supramodò extenuatus expandatur, & evanescat. Leones per acriorem Solem ingredi non patiuntur, sunt enim oculorum acie acutiuscula, & ignem interdiu eamobrem fugiunt, constat talem Leonis aciem esse argumento pupillæ, quæ præfulget, atque etiam partis humidæ oculorum, quæ dilucidissima est. Hæc eadem ab eo Rogerius Bacchon. Sed hæc mihi falsa videntur: qui enim lata sunt pupilla interdiu lumine multo, splendoreq; offenduntur, ac noctu ob

Et ob sui amplitudinem rerum simulachra facillè subeunt, & videntur, contra verò qui arcta sunt oculorum acie, quia lumine non offenduntur, acutiùs vident, noctu rerum simulachra penetrare nequeunt.

Pupillas ad usum animalium accommodatas varias esse.

Prop. X.

OB id prouida Natura secundum animalium usum, & necessitatem pupillas construxit, noctu agis, vt à summo ad imū referentur, quasi fores, vt citiùs, & liberiùs suo fungi munere possint, oportebat enim vt vniuersa pupilla operiretur, & oculi semiglobus foras prominens vndique apertus, & fulgentissimus foret, non enim in eorum oculis albugo est, sed quicquid intra palpebras continetur, id totum pupilla sit. Contra se habent homines, & diurna animalia, columbæ, gallinæ, & huiusmodi, nam quò die ab eis res gerendæ sint, paruo pupillæ hiatu contentæ sunt, nam si laxiùs aperirentur, hebesceret potius nimia luce visus, & cæcutiret. Noctinaga hæc, quia sursum, deorsumq; conspiciendi vsus erat, ab imo ad summum pupilla scinditur. Contra autem in quibusdam piscibus, quorum vsus ad latera erat, à dextris ad sinistra hiatus erat, sic pro vniuscuiusq; officio pupilla, & eius scissuræ animalibus est accommodata.

Pupillam necessariò rotundam fuisse, magnitudines sine impedimento oppositas rotundas videri. *Prop. XI.*

PUPILLA nostra rotunda est, & ex omni parte radij exeuntes, & liberè vagantes, rotundum spatium intercipiunt, quod crystallini centrum in medio pupillæ sit. Vnde si quis humo supinus iacens, & vno oculo cælum contueatur immoto, intuitum spatium rotundum erit, à puncto enim crystallini exeuntes radij, & oppositam superficiem ferientes, non nisi rotundum spatium intercipient. Sed si propè res contuenda erit, hoc experimento te ipsum docebis, vt diximus in 8. huius. In plana tabula fac oculus in centro immotus mapeat, & dextra manu lapillos consti-

constitues, vbi radij oculares plus extendi non possint, sic remoto oculo, circumactum lapillis spatium reperies. Idq; hoc modo demonstrabimus.




Sit crystallini centrum I, & pupilla A B C D rotunda, opposita ei superficies E F G H, Linea I M erecta perpendiculariter super superficiem E F G H, & transiens per centrum crystallini I. Protrahantur lineæ à centro crystallini I ad pupillæ extremitates ad subiectû planum, & erunt I B F, I C G, I A E, & I D H. Sunt ergo æquales I B, I A, I D, & I C, & quia subiectum planum æquidistat ei, erunt quoque lineæ A E, B F, C G, & D H, æquales, & quoq; simul iunctæ I B F, I A E, I D H, & I C G, trahantur mox à centro plani M, ad linearû extremitates lineæ M G, M N, M E, M F, quæ quoque æquales erunt, nam anguli omnes ad M planum recti, & æquales quoque qui ad I, erunt quoque iam dictæ M N, M E, M F, & M G, pares, ergo M centrû circuli E F G H.

Planum pupillæ non æquidistans oculi videbitur.

Prop. XII.

L

Secus



SECVS autem eueniet in plano obliquè pupillæ opposito, nam & si lineæ $IB, IA, IC, \& ID$ æquales erunt, quia planum ex vna parte longius distrahitur, vt FE , & altera pars proprius accedet $G H$, lineæ productæ inæquales erunt, vnde AC, BF longiores, breuiores verò CG, DH . Sic subtenfa latera inæqualia erunt, nam MH, MH breuiora, ME, MF longiora, igitur M non erit centrum $FE G H$ figuræ circularis.

Crystallinum humorem præcipuum esse in visu.
Prop. XIII.


ARISTOTELES nō inefficaciter probauit cor primariam esse corporis partem, quod Natura illud in animalis medio locauerit, sic nos crystallinum humorem, quia suam regiam in oculi ferè medio habet, non ineptè præcipuum visionis instrumentum dicemus. Medius locus declarat, quod ab omnibus custoditur, iuuaturq;: aliæ circumadstitæ partes eius gratia factæ sunt, à vitreo namque tanquam gemma continetur, committi-

mittiturq; in eo, nam sanguis à cerebro veniens ad eius nutrimentum à vitreo excipitur, & in vitrū primo conuertitur, mox crystallino ministratur, nam proximior est vitri natura crystallo, quam sanguis, si enim illicò in crystallum abiret, eius pelluciditas cruore inficeretur, vnde eius colluuias recipit. Aqueus humor euni humectando prohibet ne calore, aut rigore, vel eū ambientis aranæ siccitate obladeretur. Ipse humectus est, vt fuscipere possit visibiles formas eximia perspicuitate, & affici à luce possit. Est alicuius spissamenti, vt in eo figi, sistiq; simulachra queant, aliter euanida aboleretur. Sed verissima ratio est, quod constans & firma est Medicorum opinio visionem in crystallino fieri: quia si coit, densaturq; humor, quē intra corneam, & crystallinum statuunt, illicò visus aboletur, sed vbi in alias partes adlabitur, & liberū præstat à pupilla ad ipsum aditum, liberabitur. Sed quoties ipse ex aliqua intemperie laborat, omnis aboletur oculi functio. Tandem Mathematicorum nos admonent rationes, quod vbi lineæ non directę aduenerint, refractionis ratione illum contingunt, visionem causant.


Crystallinum humorem extra oculi centrum esse.

Prop. XIII.


HVMOR crystallinus extra oculi centrū locatus est, propè pupillam, vt clarior, & vberior fieret visio. Clarior, quia simulachra si profundius mergerentur, obscuriora viderentur, vt ea quæ in aquis mersa videmus. Fit & vberior visio, nam si in centro esset, maior pars eorū non videretur, quæ nunc



videtur. Huius rei exemplū erit. Sit oculi pupilla AB, cadat punctus C in B, prodibit directè ad E, lex refractionis facit, vt crystallinum tangat FK, qui propè est.



Præterea si in centro esset, & difficilior lineæ illuc pervenirent, & maior pars visionum amitteretur. Punctus H perveniat ad pupillam B, lex refractionis cogit eum in O, satis longè à crystallino F K. Concedamus ut tangat eum in puncto F, relabitur in G, totum spatium G H non videbitur. Sic eorum maior pars non videretur.



Præterea si in centro crystallinus esset, pyramidales lineæ ad eum pervenientes perpendiculariter, & in centro se decussantes dextra viderentur sinistra, & sinistra dextra, & quæ sursum deorsum, & quæ deorsum sursum, & demum omnis visio conturbaretur. Rei visq; dexter punctus B, pervenient ad centrum C, laberetur ad D, & A ad E, sic dextra sinistra videretur. Sed Vessalius suis in anatomicis administrationibus, & pleriq; medicorum humorem crystallinum in centro oculi locatum dicunt, putantes, ut nil referat Medicis, ita & Mathematicis, vel aliis artificibus: quod est valde erroneum.

Vtramq;

Vtramq; corneæ superficiem, humorem albugineum, aqueum, vream, & crystallinum concentricos esse omnes. Prop. XV.

DIXIMVS vtramq; corneæ superficies mutuo æquidistantes esse, vnde & si extima circularis, quoque interior circularis erit, nam eiusdem soliditatis orbis perpetuus est. Continet interior cornea albugineum humorem, contenti pars cum suo continente eandem superficiem habet, impletq; oculum vsque ad crystallinum, sic vitreus humor concavum quoq; corneam replet, vt vna sphaera cum albugineo sit. Sic vrea quæ anteriorem etiam tunicam corneæ conuestit, sequitur eius formam, & illa quoque concentrica, nisi tantum ea pars, quæ à lucida corneæ parte se subducit, vbi fenestratur. Crystallinus etiam humor, & si longè à centro abest, eius tamen suprema superficies oculo est concentrica, oportebat enim & concentricam esse, & propè vream, ob id summa Dei prouidentia factum est satis vtriq; , vt & concentrica, & longè à centro absit. Pyramis igitur visua per corneam, & pupillam, per aqueum humorem vsque ad crystallinum infracta peruenit; hoc modo,




Esto visua pyramis quadrilatera CBAD, dirigens se ad cetrū oculi M. transit corneam GH, pupillam EF, & aqueum humorē EF, sic vsq; ad crystallinum IL, vnde tota pyramis irrefracta, & incolumis peruenit, & rem, vt est, repræsentat, non conturbatur visio, seruatur in ea partium ordo, & concinnitas, sine confusione rei visæ. Hæc videtur germana visio, & ita ex anatome apparet.

paret. Vnde me nescire fateor quæ infania, vel furor sit Alhazeni, Vitellionis, & reliquorum perspectiuorū, inquentium vucā sphæram eccentricam esse, eiusq; centrū ad auterius oculi plus accedere, sic vitreum eccentricum, & centrum eius ad anterius oculi plus adhærere, vt Astrologi nō tot eccentricos & epicyclos in magno mundo confinxerint, quot isti in tam paruo oculi corpusculo. Cur in re tam clara, & perspicua tot ambages? vt potius ad puerorum terculamenta, quā ad veritatem indagandam conficta esse videantur, vt tyrones scientiam prius odisse, quam amasse incipiant?

In crystallino visionem non fieri nisi aliqua rei latitudine intercepta.

Prop. XVI.

OCVLVS nunquam rem visam comprehendit in suo esse, nisi quum pyramidis cuspis ad eum perueniēs depingit in eius superficie rem, vt est ordinata in suo esse. Igitur vt crystallinus rectē diiudicare possit, oportet, vt pyramidis conus aliquis sit in eius superficie quantitatis, aliter enim nil videret, aut satis perturbatē. Quomodo autem id animaduertere possimus, instrumento, quod in sexta huius propositione descripsimus vtetur.




Assumatur regula decem, vel octo pedum, quæ sit AB, sint duo cylindri inæquales CD minor, EF maior, erigatur minor circa oculum, regulæ pars, quæ oculo accommodabitur, excavetur, vt commodè oculum excipiat, sic tandiu cylindrum accedes, & remouebis, quousq; pyramidales oculi linæ per eius latera excurrant, tunc amoue regulam ab oculo, & per extrema cylindrorum linæ protrahantur, & videbis circa oculum tantæ latitudinis, quantæ ad crystallinum productæ super eius superficiem ad rem depingendam sint suffecturæ.

LIBER



LIBER QVARTVS.



P R O O E M I V M.



Ostquã oculum construximus, singulares eius partes, & partium munia exequuti sumus. Ingerit se nunc in hoc ordine demonstratio, an fiat visus per intromissionem, & optimè quidem fecerimus, si vnã visionem partim obliquè, partim refractè fieri declaremus, & vera loca, in quibus res videantur demonstramus, quæ maioribus intentata, & obscura fuere, sic passim ad alia progrediendo vniuersam videndi formam absoluemus.

Visionem fieri per imaginem receptionem. Prop. I.

INTER vetustiores, & recentiores Philosophorum, & Medicorum proceres ad facietatem vsque de videndi ratione exagitata quæstio est, num radiorum ex oculis emissionem, vel illationem fieri contingeret. Res aded ambagiosæ difficultatis, vt plerique rerum scientia nō incelebres, sigillatim rationes reddere non sunt ausi, nos ab alijs prætermittas mathematicas rationes

tiones afferre, & alia ad veritatem indagandam, quantulacunque fuerint, referre iam tentabimus. Democritus, & Epicurus (ex Macrobij recensione) è corpore opinati sunt simulachra quæpiam iugi fluore manare, quæ quasi corporum exuuiæ ad nostros oculos veluti receptacula, & deputatas à Natura sedes remeare. Argumento, vt Aristoteles refert, quia rei visæ simulachra in oculo apparent: nam quum pupilla sit corpus læue, tersum, terminatumq; ab aqueo profundo, potest idolum repræsentare. Sed hi falsi sunt, vt posteriores probauere. Putabant enim sicut vox ad aures vltro venit, odor in nares influit, & sapor palato ingeritur, sic imagines rerum in oculos penetrare. Sed res aliter se habet, nam facies nostra oculo obiecta, recto meatu profluit, vnde posteriorem sui partem respicere deberemus. Histrio personam sibi detractam ea parte videt, qua induit, scilicet non faciem, sed posteriorem cauernam, sed nos aduersam videmus in speculo imaginem. Alia ratio. Si imagines, quum inspicimus, è rebus euolant, vel vndiq; nullo inspiciente simulachra emicant, si quis teneat, quum inspicit, quæro cuius imperio simulachra præsto sunt intuenti? Si perpetuo fluore rerum manant simulachra, quæro quo vinculo ad permanendum vincta permanent? & quomodo spectra colorem retinent, si color è non nisi corpora retinere possunt? Tertia ratio. Quomodo tot rerum imagines, cæli, montium, maris, pecudum, quas vno oculorum iactu oppido quam paruo videre possumus? Alij sunt, qui dixerunt, per radios ab oculis egressos res contueri, sed posteriores tanquam falsissimum redarguerunt. Nam vel illi radij corporei, vel corporis expertes sunt, si corporei sunt, si lumen ex oculo ad rem obiectam egreditur, homo ad astra aspiciens, lumen ad astra vsq; pertingeret, si corporei essent, vniuersa oculi quantitas quantacunque exinaniretur, nec ad ea pertingere posset. Præterea si per æra transeundum esset, daretur corporis penetratio, si absque corpore sunt, radij non sentirent rem visam, quia non sunt sensus nisi in corpore, neq; corporeus oculus incorporeas res contuetur. Subsequentes ætates Philosophi vtraq; opinione coacti sunt vti, putantes has ambages euadere. Democritus, & Epicurus, Plutarcho referente, per quosdam radios ex oculis exertos subiectam rem ferientes, rursusque redeuntes, & in eisdem resiliens, per hos incursum visualem potentiam

tentiam fieri arbitrabantur. Empedocles imaginibus radios admiscuit, & id coniunctum radios vocauit. Addit Aristoteles ignem in oculis adnatum esse, ac foris emicare, vt lumen de laternâ, quod si tunicis non clauderetur, fortius extramitteri. Hipparcus ab oculis ad corporum lineamenta radios exporretos perinde ac manuum admotu summa corpora perrectare, eorum apprehensionem ad eosdem referre. Stoici per radiorum ex oculis in ea, quæ videri querunt, emissionem, aerisq; simul intentionem. Addit Galenus per circumfusum aerem, quasi per baculum, neq; visile ad spectatricem facultatem traduci. Plato in Timeo per *αἰθέρας*, vel corradiantiam fieri existimauit. Lamine quidem ex oculis exerto, ad aliquantulum interualli per cognatum sibi aerem effluere, à corporibus verò illato occurrente illi, aeremq; intermedium diffusum, amolituq; facilem cum visuali igne intendente. Galenus Platonis opinionem sequitur, roboratque, vt libro de placitis Hippocratis, & Platonis. Ait enim, Ignis, qui mundum suauiter illuminat, similis & congenitus oculorum nostrorum igni, quum diurnum lumen se visus radio applicat, duo lumina inter se similia, & conuenientia, quo oculorum acties dirigatur, ibi minus externi, interniq; luminis fit concursus, id totum igitur eandem passionem sortitum, quum aliquid tangit, vel tangitur, sensum efficit videndi. Et his rationibus persuadet. Corpus, quod videmus duorum alterum erit, vel ex se ad nos aliquid mittit, vel vis aliqua sensitiua à nobis ad se vsq; peruenire expectat, si aliquid mittit, per pupille exiguum foramen pertransundum erit, quomodo igitur alicuius montis, vel vastæ rei spectrum in oculos ingreditur? quod est absurdum. Et si innumerabiles sunt, qui id vident, quomodo ad singulos eodem feruntur, & si spiritus intuitiuus exit, quomodo in tanta diffusionem dilatari potest omnes visui res expositas circumfusus complectatur? Euclides philosophus Platonicus per radios ex oculis egressos visum fieri dixit, probauitq; his rationibus. Sensuum receptacula alia concava, alia non concava constructa sunt, auditus, olfactus, & gustus concava sunt, & extrinsecus vltro procedentia corpora locum aptum inuenirent, & permanerent, nec è vestigio transirent, visus contrariam habet formam, nempe conuexam, vnde in eo radij recipi non possunt. Præterea falsum esse è corpore continuo simulachra pro-

fluere, & nostros sensus laceffere, nam si id verum esset, quærentes acum, illicò nostro obtutui ultro se offerrent, & librum legenti omnes literæ occurrerent. Heliodorus Larissæus, quod eiecto lumine, emissôq; fieret visio hoc argumento innititur. Quod oculis insit fulgor, splendorq; , vt eum noctu ad cernendum nullo extrinsecus lumine indigent, & in tenebris eorum coruscant oculi, exemplum bubo, felis, & alia noctuaga animalia. Et Tiberius ille Romanorum Imperator paulisper haud alio modo, quàm luce clara contueretur omnia, paulatim tenebris se offundentibus. Addunt ad id Platonici, animalium quorundam vires, quæ cum radijs è visu ipso diffunduntur. Sunt iu Africa familiæ quædam effascinantium, Isigono, & Nimphrodoro testibus, quorum laudatione intereant probata, arescantq; arbores, moriantur infantes, Esse eiusdem generis in Triballis, & Illyrijs. Adijcit Isigonus, qui visu quoq; effascinent, interimantq; quos diutius intueantur, iratis præcipuè oculis: quod eorum malum facilius sentiant puberes, alijsq; locis alias esse gentes eiusmodi virtutis tradit Plinius. Aphrodiseus esse homines, qui summa animi nequitia perpolluti, liberalem aliquam formam conspicati enecant, radios sui conspectus vitiatos transmittunt, quasi veneno quodam vitio sui animi radios, veluti telum illinant, iaciuntq; in rem, cuius inuidia tenentur, & desiderio. Prodit igitur de pupilla radius exitialis, qui per oculos obducti hominis, subdit, vertitq; quam naturam aggressus est, maloq; habitu deprauat. Quod verò aditus per oculos pateat contagioni, constat etiam ex ijs, qui mortua hominum corpora contueri recusant, ne radij sui conspectus refracti aliquam sibi lucem, pestemq; referant. Lupi visus noxius est, vocemq; homini, quem priores contemplantur adimere ad præsens. Basiliscus hominem, vel si aspiciat tantum, dicitur interimere; Sic & menstruatæ mulieres obtutu speculum inficiunt, obnubilantq;. Ex Peripateticorum placitis sancitum est, quorum princeps Aristoteles, rerum simulachra ad sensum vehi, & si ipse in Meteorologicis, & prolematis extraferri dixerit: illuminato enim aere, qui inter visum, & obiectam rem interpretatur, è corpore species quædam per aeris medium ad oculum vsque pertensa aspectum vulnerat, oculusq; per virtutem animæ insitam illius colores intuetur, & indicat. Nos dilucidius rem aperiemus,

mus, & perficiemus. Forma rei videndæ in ipsa re materialē habet naturam, sed lumine susceptam, materiam subito eximere, & spirituali quadam ratione emicare, & quo magis ab obiecto veniēs appropinquat oculo, eò magis ex latiori base accommodare se ipsam ad pupillam, & oculum, sicut & corpora liquida per se locis insinuant. Vnde per radiorum lineas pyramidales ex se ad oculum figuram portendit, & cono crystallinum verberat. Quod fiat per simulachrorum in oculos illapsum, ita probamus. Si vehemens lumen Solis per se, vel à corpore polito reflexum pupillam inuaserit, adeò lædit, vt lucis reliquæ diu in oculis residentes, post clarioris luminis prospectum, clausis oculis etiam in obscuro remanet, quousq; à sua natura fuerit dissitum: lumen igitur pupillam subit. Præterea si cubiculi fenestræ claudantur, & per angustum foramen ingrediatur secunda lux, albaq; papyrus ei obex opponatur, quæ lumen illud excipiat, quod in platea, & oppositis parietibus illustrabit, suis formis, & coloribus vestita in albo papyro repræsentabit. Dico quod sicut corpora à Sole illustrata per arcum fenestræ foramen in subiectum papyrum lumen repræsentat, sic idem visarum rerum spectra per pupillæ foramen subiens, in crystallinum depingit: nemo igitur tam duræ cervicis, insanq; mentis ab oculo ad Solem per papyrum reflectionem fieri argutabit, tum quod papyrus non reflectit, tum quod reflexio ad pares angulos fieri iam sancitum est, sed quoquo versus paginam inspexeris, semper easdem figuras inspicias. Tertium addemus argumentum. E sui regione quis aliquam figuram intentissime aspiat, alter homo è læua vel dextra parte digitum ostendat, si aspiens manum iniecerit, vt digitum tangat, profectò longè à digito aerem verberabit, quod erit signum visionem fieri per intromissionem. Rem demonstrare clarius iudicamus.



Sit oculus D C, aspiciat rem sibi oppositam F E, alter homo è dextra sui parte digitum obliquè in A ponat, aspiciens si voluerit tangere digitum A, manum iniiciet, vbi non A est, sed in B, & ibi non inueniet. Ratio est, quia A ingrediens per pupillam C, refrangitur in D, relabitur in B, tunc ex centro circuli F, per A punctum rei visæ trahatur cathetus F A, coit cum D C in B, & ibi apparebit. Si radius ex oculo egredietur contrarium eueniret. Sit res visa B, pupillæ punctus D, quærens videre B, per D B, vbi ad C peruentum est, cadet à perpendiculari F F, & veniet ad A, producta catheto ex B ad F, occurret lineæ C A, in A, ibi igitur videbitur B, sed contrarium experimur. Nunc argumenta soluemus. Dicimus quod omnia ferè argumenta vtrinque adducta *diuini scripta* sunt, à nobis reciproca dicta, quod propositum argumentum referri, conuertique in eum possit, à quo deductum est, & vtrumque pariter valet, vt ex Gellio videre est. Qui fieri dicunt visionem extramittendo, quia idolum montis, aut vastæ alicuius quantitatis ingredi per angustum pupillæ foramen non potest, respondet alter, quia neque ingredi ab eodem foramine radij possunt, vt tantam molam intercipient, si eadem lex erit exeundi, introeundiq;. Si in oculum penetrans radius acum affert, cur egrediens eam non offendit? sic & reliqua. Quod autem vnà cum Empedocle tradit Plato effici visum per luminis ab oculo emissionem, proinde ac è laterna, id esse omnino vanum autumat Aristoteles libro de sensu, & sensili, quando si ita foret, deberemus etiam in tenebris vti oculis, radio inde promicante, ad medium illustrandum idoneo. Verùm quod infert Plato, restingui radium offensantibus tenebris, vanius multo est. Quæ enim luminis extinctio esse potest? extinguitur siquidem humido, aut frigido calidum & siccum, vt in prunis videmus, sed neutrum in lumine recognoscit. Quod sic est, ac ob debilitatem nos latet, interdum claritatis excellentia perire debuerat, aut aqua, aut glacie, quippe ignita corpora hæc omnino patiuntur, sed in oculorum lumine nil prorsus eiusmodi sit. Vnde certa coniectatione Platonis opinionem, vt minus veritati subnixam ruere. Præterea vel lumen lumini coniungitur, quoniam coniunctio corporum est, sed qualitates intenduntur, neque id etiam assequerentur, nam & intenduntur, quæ eiusmodi sunt rationis, modo exterius lumen & interius oculorum

oculorum non sunt eiusdem rationis. Qui dicunt ignem oculo contineri, vana dicunt, quoniam intra aquam, cuius naturam sapit oculus, ignis conseruari non potest. Euclides dixit Naturam fabricasse instrumenta sensus concava, quia receptura erant sonus, odores, & sapes, sed oculum conuexum construxerat, quia foris radios emissurus erat. Dico in illis bene dixisse, sed oculus quia spirituales radios excepturus erat, non nisi conuexus futurus erat, eiusmodi enim figura ad id opus aptissima erat, nec aliter fieri oportuerat, ut suo loco declarabitur. Quinimo nec necessario lumen ab oculo recipi volunt, ut videmus, quoniam densioribus tenebris obuallatos, nec luce, prorsus vlla oculum contingente, est longinquo multa visu apprehendamus, ubi comperiatur lumen reagens obiecta. Præterea verum est oculum obiectæ rei imaginem in pupilla ostendere, nam extrema corneæ superficies mirè pellucet, intra pupillam verò nigricans videtur, sicut speculis retrorsum allinitur plumbum, ut obscurior illa densitas sit. imaginum sufflumen, quod per vitri delapsæ lucidum lenorem densiore obiecto suppressæ non euanescent. Sed falsum est, quod inde causetur visio, nam res obliqua oculo opposita etiam videtur, cuius tamen imago in oculo non videtur, sed ad pares angulos in alteram partem delabitur, necessaria enim foret rerum oppositio, ut videretur. Si animalia vident noctu, id euenit ex visus præstantia, adeo enim visu vigent, ut splendore in tenebris videant peculiari natura à creatore donata, nobis autem secus euenit, nam ea bonitate visus deficiamus. Et animalia quæ visu affascinant, vel interimunt, non radiorum extramissione id euenit, sed aerem eis contiguum inficiendo, & paulatim ad suum adhærentem transiens, ad hominem usque pertingit.

Lucem secundam Idola ad nos deferre.

Prop. II.

LVX reflexa è speculis, vel è marmore polito, aut metallo eandem lucem generat, ut in speculis cernimus, immo si in speculo fuerint literæ exaratæ, aut alia signa impressa, in opposito pariete lumen reflectit idem, & cum eisdem characteribus impressis, ut latius alibi docuimus. At si hæc lux non è corpore poli-

re polito, sed è terra, vel lapide reflectitur, generat lumen, siue secundam lucem. Et si prima lux supra virides arbores, aut rubras res inciderit, reflectit secundam lucem iisdem coloribus defædatam. Hæc reflexio non ad pares angulos, vt prima lux, sed ex omni parte, vt è centro ad circumferentiam, nec colores solum, sed formas, effigies, & omne quod in luce illuminatur reflectit, vnde lux secunda secum rerû imagines suis coloribus, & figuris insignitas adfert. Hæc nempe imagines non semper in opposito videri possunt, nam vehemens lux Solis debiles illas reflexas obscurat, sed si clauso & obscuro loco resilierint, videntur personæ, & motus, at si per arcta foramina immittantur in obscurum cubiculum, clariora rerum simulachra conspiciuntur, vt diximus. Lux Solis inuisibilis est, nec videtur, nisi reflexa, nam si per obscurum antrum à foramine in parietem ingreditur, & per alterum egredietur, nec aliquid obex ei fuerit, inuisa per illud transibit, si manum opposueris videbitur manus illuminata, & reflexa tunc antrum illuminabit. Solem in die videmus, quia eius radij à terra reperiuntur, nocte non videmus, quia non habent, quo percutiant, solum astra lucida conspiciuntur, quia solida, & Solis lumen transuerberant. In crepusculis videmus, quia radij vapores circa terram existentes offendunt, & matutini, clariores serotinis, quia matutini vapores crassiores ex anteaactæ noctis frigiditate. Feriens Sol oculos visionem impedit, si ferit fenestræ foramen, secum imagines non affert, sic ignium, & candelarum, sed secunda lux imagines, & simulachra secum affert. Aristoteles quod secunda lux & imagines ferat, & videre faciat, ignorans, ait in Problematis. Quamobcausam manu præ lucerna, aut Sole obiecta melius inspicere possumus? An quia lucernæ, Soli siue lux nostris occurrens luminibus, reddit suam ob nimietatem infirmiora, quippe quæ rem etiam sibi cognatam interimere præ sua possit exuperantia, at verò manu ita arcente, nec luminum acies officii potest, & res visui obuia nihilominus in luce posita est, vnde fit, vt acies plenius agat, & res spectanda nihilominus videatur. In magnis defectibus stellæ ob eandem causam nobis apparent, quod suis temporibus accidisse Thucidides memoriæ mandauit, & nos quoque vidimus. E profundis puteis stellæ interdum videntur, & si Sol sit in meridie, in lapidicinis, & metal-

licis

licis elaborantes homines quotidie eas aspiciunt . Non est igitur necesse in visione vt oculus illuminetur . Sed res visa , & nos in tenebris commorantes venientes imagines non videmus sed venientes se spectari sinunt .

Lumen per aerem imagines deferre .

Prop. III.

SI aer præterea non esset, nec visui locum omnino foret, quæ in parte operæpretium arbitror Plotini placita inserere, astruentis corpus per se minime necessarium esse ad emicantem ex oculo radium sustinendum, atq; perferendum, qui nullo fultus tibicine, aut substrato suapte natura fertur, nec metuendum ne radius ipse decidat, qui naturam habet luminis. Inter visum & visibile medium per se necessarium est lumen externum, vel proprium, vel obiecti valdè lucentis.

Visionem fieri in instanti .

Prop. II II I.

ANTIQVOS & neotericos exercuit hæc quæstio; vtrum in instanti fiat visio. Eadem enim est ratio delationis specierum ad oculum in instanti, & delationis radij à Sole ad corpus illuminatum. Alacén Arabs in tempore ferri his rationibus probauit. Non comprehenditur forma à sentiente nisi post eius peruentum in corpore sensibili, nec ab ultimo sentiente comprehenditur nisi post peruentum ad concauum nerui cõmunis, vt lux à corpore luminoso delata ad oppositum corpus, & quum id tempore fiat, igitur visio fit in tempore, & si sensum lateat. Præterea nec sensus sentit venientes formas, nisi postquam passus est ab illis. In passione est alteratio, & nulla alteratio nisi in tempore, ergo forma, aut lux non nisi in tempore deferitur, & alia etiam eiusdem rationis adducit argumenta Alchindus cõtraria his affert, ex experientia quoq; in contrarium est. Si igitur visio fit in tempore, & si tantillum illud erit temporis, erit tamen parua magni temporis pars.

Esto



Esto punctus A visus, res visa B, perueniat ad A tempore imperceptibili. Sic C duplo maius, ergo tempus quo deferretur C ad A, duplo temporis maius, & si tempus ad huc imperceptibile. Sit res visa D, feratur ad A, veniet ergo in tempore triplicato, quàm C ad A, sed quia eodem tēpore videtur A, & D, idest & quæ propè nos sunt, & stellæ in subitanea oculi apertura, impossibile est igitur, vt tempore fiat. Aliam addimus. Lux incorporea est, sic & radij deferentes imagines, mouentur ergo sine tempore. Sed qui dicunt ad probandam repentinam lucis celeritatem ab Oriente ad Occidentem deferri in instanti, improprie loqui videntur, quum fieri non possit, vt ab Oriente in Occidentem lux mittatur, illuminat semper Sol hemispherium, immo maius, quo illustrato adeò sensim radius repit, & sibi succedit, vt non percipies quomodo ferri videatur.



Esto A Sol in nostro orbe, tellus F. Sol illuminet hemispherium B D E moueatur in G, radius, qui prius erat B C fiat D E insensibiliter, quando igitur ex B in C momentum fuit, hac motionem impossibile est deprehendi. Visio igitur in instanti perficitur, lux educens visibiles species, ipsa sese effundit, easq; simul per aerem transuectas in eius extremam superficiem, à qua palpebra coniungitur, statim aperta palpebra, pupillæ species offertur, eiq; coniungitur minimo temporis momento. Neque est verum quod inquit Ptolameus, a pertis oculis eorum radios
tempo-

temporis momento ad cælum ferri, sed aer pingitur omnibus speciebus, quare aer vbicunq; aliqua specie terminatur, illicò species præsto est, quamobrem & oculus.

Visionem fieri per rectas lineas.

Prop. V.

VT Solis radij per foramen angustum excidentés, & recto prorsus tendentes, nusquam deflectentes, sed inflexibili via videntes, talem intellige & visus viam. Et obiectis etiam corporibus emicant radij, qui ad oculos vsque protensi suapte natura referuntur, quod ratione & experientia perspicuum est. Præterea si consulueris eos, qui dioptræ radijs, chorobatis, & eiusmodi instrumentis vtuntur, videbis lineas ad visum venientes per pinnacidia, & foramina inuicem opposita recta ferri, & si cui eorum quid obieceris, visum impedit, & sic clarè perspicies non in obliquum, sed in rectum radiorum fieri porrectionem. Species è corpore fluunt, & per lucē è corpore eliciunt, & in pupillam delatæ, si inter oculum & rem tabulâ ponatur, tollitur visio, idest si obuium sese efferat opacum corpus. Præterea visionem in instanti fieri iam sanctum est, & quum lineæ rectæ sint omnium breuissimæ, vt forma igitur quamcittissimè ferretur, rectis lineis ferri necessarium erat.

Visionem fieri per pyramidem.

Prop. VI.

QV V M nos oculos ad rem aliquam contuendam conuertimus, è rei visæ oris radij emanant, qui ad oculos vsque porriguntur, & pupillam pertransientes crystallinum verberant. Imaginati itaq; debemus radios ex oppositè superficiei simbrijs fluentes, quasi tenuissima filâ in oculos illabi, & in oculi centrò, velut in manipulum vnum colligi: hoc modo visionis pyramidē contemplari licebit, cuius basis in re obiecta, vertex in crystallino erit: si obiectæ rei basis quadrata, vel multilatera, sic quadrata, vel multilatera pyramis erit, si circularis conus, tandem ex basi pyramis nominabitur. Nam vt oculus perfectissimè aspiceret, non nisi per pyramidem opportunum fuerat: nam si


N aliter

aliter vidisset, fluxa, & imbecillis fuisset visio, videlicet si per parallelas lineas, & oculus latior esset, vt parallelas recipere posset, quum parallelae in pyramide ex vna parte contrahantur. Exemplum erit in Sole, qui à centro ad suam circumferentiam lumen diffundit, ex centro in plures partes, & lumen in pyramides diuisum, nam in circumferentia laxum & diffusum est, in centro verò in cono coarctatur *basis*. In angustum collecta, fortior ibi erit. Igitur ex illuminato corpore lumen cum coloribus ad oculos veniens, in pupilla angustius se accommodat, in conum se colligit, & quod in longa progressione debilitatum, & diffusum est, se contrahit, vnde in arcum compressa conus, omnium vigor ibi aderit. Idem euenit in specillis: nam pyramidem diffusam magis cōtrahunt, & coarctant, ob id cum illis acutius videmus. Nos ad hanc rem melius contemplandam artificio contenti erimus, quo Durerius libro suo de pictura vtitur. Figit enim clauiculum capite perforamen in pariete, ex quo trahit filum, ex vna parte pondusculum habens, deinde aliquantisper longè à clauo mensam sternit, supra impagem figit, habeatq; valua, quae apertè claudi, & reserari possit: habeatq; impago duo alia fila cera affixa: mox stylum capit, in cuius acie filum è clauo propendentem colligat, & socio præbet retinendum. Demum locata super mensam figura polygonam, vel si mauis solidam, iubeat socio vt stylum cum filo ad angulos figuræ imponat, tunc fila in impage locata, donec se intersecant in loco, vbi filum pertransit, affigit, hoc facto socius filum remittat, et clausa valua notet punctum intercisorum filorum, postea aperi valua, et idem faciat, vt prius, donec omnia figuræ puncta in sua valua signauerit, et lineis continuabis puncta, et figuram habebis. Euclides à visibus figuram comprehensam, conum verticem habentem vocat. Sed verè conus non est, sed multilatera pyramis. Idem & Larisseus ait, nisi conum intellexerit omne, quod ab oculo comprehenditur, quum in visionem fertur, quia pupilla rotunda est, vniuersæ visionis terminus circulus erit semper, et ob id conus.


Visionem partim rectè, partim refractè fieri. Prop. VII.

VISIO nostra partim recta, partim refracta fit, recta visio veritatem et perfectionem, obliqua vel refracta, res aliter quam


quàm sint, ostendit, et imperfectionem, et quia de hac refracta visione maiores nostri nil, aut parum meminere, ob id in multos errores inciderunt, ideo de ea nos pro viribus conscribemus. Errores ea perfecte videmus, quæ intra pyramidem conspiciamus, scilicet quæ ab objecta re proficiscens, et per pupillæ hiatus pertransiens perpendiculariter crystallinum ad recta ferit, et hæc intra radiosam pyramidem concludi dicitur. Radiosa pyramis est figura corporis oblongi, ab cuius basi breuissimæ rectæ in opposito tractæ ad vnicam cuspidem terminantur, cuius basis visa superficies est, latera pyramidis visui radij, qui externi sunt, cuspis intra oculi centrum consideret, si eousq; progrediretur. In pyramidis medio axis est, quæ sola objectum perpendiculariter ferit, ut pares vtrinque angulos, et sibi coherentes faciat. Hæc axis, vel hic radius omnium radiorum acerrimus, et viuacissimus est, nec usquã res clarior, perfectiorq; videri potest, hic enim vnica, quasi quadam congesione, à cæteris radijs constipatus fouetur, ut merito radiorum princeps, ac rex dici mereatur. Radij verò medij in pyramide sunt multiuida illa, quæ ab extrinsecis radijs septa intra pyramidem continentur, atq; hi radij velut chameleon, polypus, cæteraq; animalia facile pauitantiæ proprietate quadam rerum colores suscipiunt, ne à venatoribus capiantur, ut et ipsi faciunt, nam à contactu superficie, usque ad pyramidis cuspidem ita colorum, et luminum reperta varietate inficiuntur, ut quouis loco intercideretur, eodem inhaustum lumen, acceptumq; colorem expromant. In veniendo colorum proportio, et stylus seruatur, et custoditur. Medij hi verò radij visionem quasi minus perfectam faciunt. Est et refracta, vel obliqua visio rerum, quæ ad pyramidis latera consistit, quæ quum per arcum pupillæ foramen ingredi nequeunt, illic corneam, vel aqueum humorem contingentes refranguntur, & ad crystallinum refracti veniunt. Hæc visio omnibus imperfectior est, & quanto à recta pyramide longius recesserit, tanto imperfectissima, quippe nec rerum certos colores, nec locum, sed lucem, et confusam quandam visionem affert. Exemplum apponemus.



Sit oculi pupilla EF, centrum oculi K, oculus E F I O, crystallinus M G H N. A centro K, pyramidales lineæ trahantur in oppositum planum C D, totum id igitur intra pyramidem contentum C D, perfectè videtur, omniù perfectissime axis P K. Sit quoq; pars plani C A B, veniat B ad O punctum, refringetur in H, relabitur in Y, cathetus ex K & B occurrit H Y in Y, & in Y punctus rei B videbatur. Eodem modo punctus plani A veniet in I, refringetur in G, relabitur in L, & occurret catheto in L, extentæ ex K A, & in L, videbitur A punctus, non suo loco vbi est. nec eodẽ colore colorata, ut diximus, sed claritatem, & indistinctam rerũ molem induet, & quanto ab F longius recesserit, imperfectius videbitur, sed minus confusa visio in L, quàm in Y, & minus in D, quàm in L. Quod punctus B videatur in Y, hoc pacto demonstrabimus, ne idem toto hoc opere sit repetendum. Diximus a' ibi omnis aquæ corpus rotundum esse, & si cyathum aquæ plenum in Luna globo locetur, etiam suprema eius aquæ superficiès illi rotunda est, & mundi centro concèntrica, & res in aquis videbitur vbi linea visus distenta cathetum à re visa ad centrum mundi tracta secatur.



Sit aquæ superficies AB , ut nobis videtur plana, sed reuera circularis est, sicut DEC , sit oculus F , sit res visa M , veniat ad aquæ superficiem E , refringitur ad oculum F , trahatur cathetus à mundi centro K per M , & occurrerit FE in longum extensæ in puncto I , ibi videbitur M . Sed quia lineæ à centro terræ ductæ usque ad aquæ superficiem ob nimiam distantiam à mundi centro, quasi perpendiculares sunt, non in I res videbitur, sed producta ab M perpendiculari ad aquæ superficiem AB , occurrerit FE in L , in L igitur videbitur. Eadem est in oculo ratio, nam quando aliquid refractè, vel obliquè conspiciatur, non suo loco, sed ubi cathetus à re visa per oculi centrum ducta occurrerit lineæ deferentis formam. Exemplum.




Esto DF oculus, densius scilicet medium, nam aer tenuior est aqueo humore in oculo concluso. Centrum oculi C , res conspecta B , veniat obliquè ad F , non in G decurrit, sed refringitur in E , extenditur GF in A , extendatur cathetus ex C per B , quousque occurrerit EF in A , ibi igitur videbitur B . Notu cubili stratus,

stratus, lumen matutini crepusculi per inferiorem portæ rimam subiens, obliquè oculo incidebat, ob id refractū in laquearibus cubili respiciebam, & putans disruptum parietem, pauidus cubili surgens, videbam lumen ad suum locum regredi, nam directè illud oculis tunc occurrebat, & ex eo tempore semper hæc sum speculatus.

Non omnia quæ obliquè oculo obijciuntur videre posse.

Prop. VIII.


QUANDO cathetus non occurrat lineæ extensæ formam deferentis, res videri non poterit, ut in speculationibus piæ crySTALLINÆ vidimus, nam vel æquidistans erit, vel retro oculum fieri deberet visio, ut vidimus.



Esto oculus F A, esto res visa D, veniat ad pupillam A, non venit ad F, sed refrangitur ad G, extenditurque ad B, trahatur cathetus ex K per D, & sit K D, æquidistabit B A, non ergo uspiam concurrerit, ergo res videri non poterit per decimā secundā. Si vero fuerit in E, trahaturque cathetus per E K, concurrerit retro oculum in C, non igitur in hoc casu videri poterit per undecimā eiusdem.

Visionem fieri veluti per infundibulum. Prop. IX.

ET si vulgò dici soleat visionem per pyramidem fieri, non tamen per integram, sed curtam, & detruncatam, vel ad modum infundibuli: nam radiosa pyramis sola, quæ perpendiculis ad crystallinum producitur, si crystallinus non obijceretur, proculdubio ad conum cuspidatim procederet, sed crystallino óbice eam decurtat. Præterea obliqua pyramis plus deformatur, nam lineæ ad oculum se frangentes coincidunt, quasi per infundibulum.




Sit visibile objectum A B C D, oculi pupilla F G, crystallinus H I, occurrit recta pyramis B C L M, quæ si vsque ad k descenderet, proculdubio perfecta pyramis esset, sed crystallini occurrus scinditur ab ipsius superficie H I. Esto & refracta pyramis A E, veniat E ad oculum G, refrangitur in M, sic A ad L occurret crystallino H I, decurtabitur, & erit veluti infundibulum A B F G L M.

Oculum plusquam cœli quartam videre. Prop. X.


MA X I M A diligentia ab opticis perquisitum est, vtrum pyramidis angulus, quem facit in pupilla fuerit rectus nec ne: id est si oculus quartam cœli partem vno intuitu videre possit, qua in re turpiter lapsi sunt. Larisseus ait visionis angulum esse rectum à Natura in oculo conformatum, quia anguli acuti, obtusiq; incerti sunt, nam augendo, & minuendo infiniti sunt

sunt specie, rectus verò finitus. Natura quod est infinitum, veluti indeterminatum, horret, finitum verò tanquam præstantius amplectitur, vnde rationi consentaneum retur visionis angulum rectum esse, idq; etiam phænomenis ostendit. Si quis cælum aspiciat, eius tetrartem orion vno obtutu conspicit, & si ad horizontis circulum oculum conuertamus, eandem ambitus partem conspicit, constat igitur Mathematica ratione rectum angulum tetrartem orionem continere. Præterea in circuli circumferentia locatus oculus, totam diametrum conspiciabitur, quod nō eueniet nisi angulus rectus esset, quod vt clarius eius sententia perspicitur, addemus exemplum.




Si oculus positus fuerit in C, videbit cæli quartam A E, idemque videbit horizontis quartam E B, & A C E, & E C B recti anguli sunt. Præterea si oculus in D positus fuerit, scilicet in circumferentia, totam diametrum videbit ergo A D B rectus est angulus. Vitellius dicit, quod maximus angulorum sub quo fit visio est quasi rectus, quod diameter foraminis vuez quæ subtenditur illi angulo in centro visus est, quasi equalis lateri cubi inscriptibilis sphæræ vuez, vel lateri quadrati inscriptibilis circulo magno illius sphæræ. Rogerius Bacon ardue dicit id esse determinationis, tamen foraminis aperturam, & si sit latus quadrati inscriptibilis intra totam sphæram non videre cæli quadrantem: ratio est, quia in centro terræ oculus non moratur, commorans igitur super superficiem non videt cæli quadrantem, oportet quod maiorem recto angulum contineret. Sit cæli quadrans A B, terra E F, & à centro D, lineæ D A, & D B trahantur ad angulum rectum in D, & à superficie terræ C, lineæ C A, & C B protrahantur, clarum est angulum A C B maiorem esse recto A D B. Igitur
vt oculus

vt oculus existens in C, quartā cœli videre posset A B, maiorem recto A C B foraminis aperturam habere deberet.



Præterea nec sphaera vueæ concentrica est glacialis, vnde etsi glacialis, & mundi concentricæ essent, non ob id vuea concentrica est, concludit ergo non posse videre cœli medieta-tem. Causa vniuersalis verò ait, diametrum vueæ esse latus quadrati, quod describitur intra sphaeram vueæ, etsi sphaera vueæ, & glacialis concentricæ essent, sub latere quadrati videretur, & esset angulus ad centrum rectus, sed quia centrum glacialis interius est, remanet latus aperturæ vueæ, minus lateris suis quadrati inscriptibilis. Sed hi omnes sine experientia, & ratione locuti sunt. Sed quid de cætero eis credendum sit, aliis iudicandum relinquo. Primo in oculi dissectione pupillæ foramen vsque ad duodecimam, ne dicam vigesimam partem suæ sphaeræ aperiri, & in luce vsque ad acus tenuitatem constringi diximus. Præterea proprium pupillæ munus esse constringi, & aperiri, vt vidimus; neque vnquam in eodem statu esse, quando igitur determinanda erit suæ aperturæ qualitas? Sed re vera oculus maiorem, quàm cœli quartam videt, & præcipuè sero, quando solis abest præsentia, sed id alio modo quàm ipsi putant, sed partim directè aspiciendo, partim refractè. Et id sensui manifestum est nobis ambulando, & sedendo, quod à nostri dextra parte, vsque ad sinistram videmus, & si id non esset, satis homo infelicitè viucret, vt demonstrabimus.




Sit oculus H I, & eius pupilla, accedat radius F à dextris, refran-
gatur in M, extendatur in E. Sic K veniet ad H, refran-
gitur ad L, extenditur ad B, videbitur tota
cœli pars B E, quæ est ultra
quartam:-





LIBER QVINTVS.



P R O O E M I V M.

POST QVAM affatim visionem per intromissionem, & partim recte partim refracte fieri recensuimus, mox ubi fracti quis linea præcisus incumbit, ut de ijs amplius posterius verendum sit, nunc operæpretium duximus problemata quadam attexere secundum Euclidem, & maiorum placita, sed aliter quam ipsis visa sunt, soluenda, & fortasse notioribus principijs, & experientijs.

Proximiora maiora, remotiora minora cerni.

Prop. 1.

QVIA vniuersa ferè, quæ hoc libro clauduntur de visione, huic innituntur propositioni, ut quæ propria sint, auctiora, remotiora quidem defectiora videantur, ob id, quæ à nobis exigenda sunt, ut solidiori fundamento nitantur, solertius hoc problema trutinandum censemus. Prius audiat Euclides, quid sic probat. Id præmittens axioma. Sub maiori angulo spectata maiora videri, sic demonstrat.


O 2 Sit



Sit oculus B, linea proprius admota CD, longius verò KL, priori parallela, & æqualis, perueniat linea KL, ad oculū B, per ductus KB, & linea CD, per CB, CD. Quia angulus SBD maior est KBL, igitur maior videbitur CD, quàm ipsa KL. Sed Plotinus Platonius inficiatur hoc ab Euclide depromptum axioma verum esse, eiusque rationes redarguit, quas, quia alibi attulimus, huc afferre non necessarium visum est, sed uterque lapsus est. Suppositionem, cui Elucidis demonstratio innititur, non omnino veram esse censemus: nam obiectum vastæ magnitudinis si proprius oculo adhaerit, maxima illius pars eum latet, at longiusculè remotum, latiorē partem videbit, nam quum species in eum desinat, quò aciei conspici longius protenditur, eò laterales axes latiorē interceptiunt magnitudinem. Exemplo res dilucidior fiet.



fit visibile obiectū vastæ magnitudinis CF, oculo AB valdè proprius deferatur ad eum pyramis, quia cuspis longè pupillam superat, totum conspici non potest, sed ex pupillæ latitudine nō videbitur nisi GH, quia hos ambos lateralium linearū ductus pyramidis linea circularis CF proscindit in GH. At si lōgius idem obiectum producat, & eo vsq; processum sit, vt angulus coni maximus pupillam impleat, vt in LK, totum videbitur, vel ipsius pars maior. At si maius videri putabitur proprius admotum, ex refractione euenit, nā FO ad E, & CI ad D decurrit, vt posterius videbimus. Præterea nec Euclides memorat visionem in crystal lino fieri, nec cognouit, partim rectè, partim refractè videri. Sed ad nostra transeamus, re solertius perpenſa. Quæ æqualis magnitudinis lineæ sinistrorsum & destrorsum ad oculum incumbunt, proximiores procliuibus lincis, & reclinantibus accedūt, & remotiores rectius super oculum oriuntur. Quæ reclinant frāguntur, & fracta longius amandantur, & quousq; cum suo catheto decussentur, remotius producantur, quo loco videntur. Et quia flexu hebescit visus, incondita, & obscura videt eo loco, cōtra verò in remotis, quia rectius aciei cuspis progreditur, minusq; frangitur, minus igitur à vero formæ puncto reclinabit. Rem subſignabimus exenplo.




Esto magnitudo AB æqualis, & vtrinq; parallela, & punctus B oculo occurret in puncto E, ex doctrina tertij correlarij primæ prop.

prop. lib. nostri vestigetur diameter IF, & quia circuli pars IE sexta est totius circumferentiæ linea BE, ad diametri finem declinabit F, extendatur EF, & occurrat catheto ex oculi centro H, per B, punctum, extendaturq; cathetus quousq; occurrat lineæ FE in G, puncto igitur punctus B refractus in G, videbitur satis remotè. Secus autem eueniet remotiori puncto D, nam & ipse oculo in O occurrat, inuenta diameter erit QR, linea ergo DG propè R refrangetur, & erit OL, longius prorogetur in M, & centro H per D, trahatur cathetus vsq; ad eum locum, vbi decussabit refractionis lineam in M punctus tandem D, in M, videbitur propinquior lineæ parallelæ BM, quàm G. Vnde quanto quacunq; ex parte procliuiiores oculo occurrant radij, tanto refractionis linea, quousq; cum catheto coeat, longius egredietur, & visa res res longius emicabit: quare si idem ex altera parte feceris, A in P, & C in N videbitur. Maior igitur PQ, ipsa MN.

Parallelæ in plano existentes visui obiectæ, concurrere videntur, nunquam tamen concurrunt. Prop. 11.

AVDIAMVS prius maiorum placita. Euclides, quem sequuti sunt omnes, id ita probat.




Sint parallelæ lineæ vtrinq; pductæ AB, CD, oculus E, & sint tria intervalla etiã parallelæ inter eas cõstitutæ GH, IF, BD, protrahantur

perne monuimus, inferne facias, & planitiem eleuari videbis
visus acie in medio respiciente.

*Oculus alterutri parallelo plus inhærens minus, remotior vtro magis ea
concurrere videbit. Prop. IV.*

ET si hoc Theorema minus ex dictis necessarium videretur,
quo tamen non mirentur ambulâtes per cœnacula, aut dor-
mitoria cœnobiorum, aut per regias aulas, quum videant sum-
ma laquearia magis descendere, quàm pauimenta ascendere,
apponere constituimus. quod non alia euenit ratione, nisi quia
aspicientes oculorum aciem figant in opposito pariete ad sui
corpōis altitudinem, & maior erit verticis distātia ad rectum,
quàm ad planum, ob id minor erit refractio ex inferiori par-
te. Et si minus id egere exemplo videremus, vt rudioribus con-
suleremus, apponere contentis erimus.




Sit oculus S, & vbi aciei mueronem dirigit in opposito pariete
ibi pone lineam A, & ab oculo Stranſuersam lineam ducito S A
Parallelus longè à vertice superius distans siue rectum sit R P
propinquior, siue planities F H. Descendat satis obliquè R pun-
ctus ad oculum V S, refrangetur, & occurret catheto in puncto
P C. &


C. & sic R videbitur in puncto C remotissimè, I verò videbitur in D, & M in K descendens à culmine linea CD K videbitur. At F punctus, qui propè oculum minus declivis, minus refrangitur, & videbitur punctus in X, & L in Y, & N in Z. Erit ascensus linea XYZ.

Aequalibus intervallis in plano oculis subiecto existentibus, quæ remotiora, minora spectantur. Prop. V.

IT A probat Euclides. Sit oculus A, aequalia quidem intervalla B, C, C D, D F, ex oculis prodeat linearum ductus K B, K C, K D, K F.



Sed BK ad rectos angulos ipsi plano FB substrato superftet, aut subsistat. Quia maior est angulus BKC ipso CFD, & CKD ipso DKF, maior igitur videbitur BC ipsa CD, & CD ipsa DF. Plotinus Platonicus inquit plura oppida longius remota, minus inter se distare videntur, quàm sint, rationemq; affert, quod tunc rei dimensionem planè assequimur, quândo singulas eius partes gradatim intuemur, at quum res longiùs seposita est, particulæ plurimæ latent, meritò igitur totius mensura nos fugit. Secus autem ex nostris principiis.




Sit planum substratum FHB , & equalia intervalla SD , DE , & sublatus oculus G IO veniat punctus D ad O , refrangitur, & progreditur ad X , cathetus ex G oculi centro per D extensa occurreret prædictæ in X , punctus igitur D in X vidëbitur, sic E in M , & T in A , maior igitur est distantia HM , quàm MA .

Parallela in imum, aut summum extense concurrere videntur. Prop. VI.

E $ADEM$ quoque demonstratione ostendere possumus, cur intra puteum conspiciētes paralleli parietes in summo latiores, in imo concurrere videntur, & ex imo cocleas dum aspiciamus in imo latiores, in summo angustiores videantur, quod quia ex eadem dependent demonstratione, sola delineatione rei contenti esse poterimus.

Sit aspicientis oculus in summo putei E , & paralleli parietes AB , CD , intervalla eorum equalia FGH . Accedat proximior punctus F ad oculum O , relabatur ad E , inde refractam lineam protraham donec concurrat cum futura catheto ex centro oculi E , & puncto F , & erit concursus in puncto I . Sic enim ex puncto G accedat ad oculum linea, & refrangatur, & fiat, quousque ea, cum catheto iungatur in L , sic punctus H , in M . Angu-




stabitur igitur linearum concursus in imo putei. Hoc autem euenit, quia centrica linea E E. per medium excurrrens veritatis vindex recta, obliquas ad se conuenire videbit. Si oculus mox statueretur in imo, & sursum aspiciat, eadem euenient; quæ supra eueniant, stans ad perpendicularum erectus latera in arcibus coire videbit. Nec Euclidis in hoc loco superfluitas insimulan-

mulanda, duodecimo enim Theoremate probat, quæ obli-
tur longitudinem habentium, quæ sunt à dextris ad sinistra pro-
cedere videtur, & quæ à sinistris ad dextera, quod ex nona sup-
positione probat. Dixerat enim ibi, quæ dexterioribus spectan-
tur radiis, exteriora apparere, quod ex eodem principio de-
monstrari poterant: nam lineæ, quæ ab oculis longe concur-
runt, dexteræ sinistrorsum, & sinistra dextrorsum accedere vi-
dentur.

*Æqualium altitudinum supra oculum positarum, quæ propinquiore at-
tiora, videbuntur. Prop. VII.*

PER octauam suppositionē hoc theorema Euclides soluit.
Quæ sub humilioribus radiis videntur humiliora apparēt,
& quæ propè oculum sunt, altioribus radiis conspiciuntur. Nos
autem eodem principio demonstramus. Quæ enim propè ocu-
lum feriunt, & refracta longius fluunt, quousque cum catheto
iungantur, sic à suo loco longè superius conspiciuntur, si ma-
gnitudo supra fuerit. Eadem res exemplo dilucidior.




Sint tres æquales altitudines AB, CD, EF, & sit AB, propè
oculum, & accedat à punctus ad pupillam M. frangatur, & fluat,
& deinde cathetus ex oculi centro I. per idem punctum protra-
hatur, donec incurrat priorem lineam in G. sic punctus A. su-
blimius

blimius in G apparebit. Idem eueniet de puncto C, qui in H, humiliori loco videbitur, & E in I. Et hoc modo in plateis domorum æqualium altitudines in plano erectarum, quæ propè oculum ad astra tolli videntur, quæ vero longè absunt, ad solum descendere.

Æqualium altitudinum sub oculo positarum remotiores sublimiores videri. Prop. VII I.


PER septimam suppositionem probat Euclides, quod quæ sublimioribus radiis videntur, sublimiora apparent, nos autem ita probamus. Vbi visionis mucro oppositum locum feriet, quæ proximiora sunt, obliquius feriunt oculum, & longius in imo refranguntur, minus autem, quæ longè, ob id remotiores exaltari videbuntur, mergi verò propinquiora. Exemplum.



Sint tres æquales altitudines sub oculos substitutz A B, C D E F, & sit A B propè oculum L, & veniat punctus ad pupillam M frangitur, & decurrat linea, mox cathetus trahatur ex L centro oculi, & puncto A, donec accurret priori lineæ G, & sic videbitur in H, & E in I. Trahatur ex illis linea per puncta cõcurfus, & erit G H I, remotior pars L sublimior est, depressior verò G, quæ propinquior fuerat.


Si erecta perpendicularis magnitudinis summitatem inspexeris . procumbere videbis . Prop. IX.

QUAMPLURIMA theoremata quæ sequuntur ab Euclide , Ptolemæo, & Alhazeno prætermittuntur, & ex iam dictis sequuntur, quæ pictoribus, perspectiuis, lapicidis, architectoribus, & cæteris, qui circino, & visu sua opera examinât, quam maximè futura necessaria iudicamus; nam nisi quis aciei cuspidis lineam, quam centricam dicere possumus, quum per oculi centrum, & circuli basis visuæ pyramidis pertranseat consideret, in maximos, & ferè infinitos errores prolabetur, & maiorum dicta inter se aduersantia pernoscet. Ad rê igitur nostram redeunt, si quis erectam ad solum magnitudinem inspexerit, & superne in summo aciem exaltauerit ad oculum procumbentem videbit; nam ex visuius lineis solum centrica veritatem assequitur, videbit igitur ædificij apicem in suo loco, at imû oblique oculis feriet, frangetur linea, & longè à suo loco retrocedere facit, vnde retrocedens imum, videbis procumbere summum. Hoc exemplo fiet res clarior.



Sit erecta perpendicularis altitudo ABC, oculus K in imo existens à summum punctum feriat, videbit ædificij apicem in suo loco. Veniet ad oculum imi punctum C in O. relinabit ad centrum, & producta excurrat tantum, quantum cum futura catheto con-

mus cōtra frontem, ab oculo lineæ duæ si extensæ fuerint, & vna tetigerit imam operis partem, altera summā, quæ summam tetigerit, longior fiet, ita quo longior, visus lineæ in superiorem partem procedit, resupinatam facit eius speciem. Cum autem (vti superscriptum est) in fronte inclinata fuerint, tunc in aspectu videbuntur esse ad perpendicularum, & normam. Sed Vitruuij opinio quoquomodo vera, falsa ve videtur, & dum optices gnarum architectorem optat, se penitus illius ignarum ostendit, sed vt quæ ipse dicit, & nos refellimus, plenius intelligantur, eius rei descriptionem apponemus.




Sint membra AB, supra columnas collocanda BC, oculus D, radij extensi DA, DB, quia AD, longior est BD, ergo AB, resupinata videbitur. Sed propositio hæc à nullo, quod sciam, perspectiux scriptore adhuc demonstrata est, nec scio vnde excerpserit, multasq; habet in se difficultates, & nodos, & multorum opiniones afferre oporteret, quas omittimus, ne tædium lectoribus ingeramus. Præterea duodecima eius parte inclinata, non erunt æquales lineæ, nam si oculus ab ædificij imo abfuerit per suam altitudinem, tunc lineæ DB, & DA æquales fiunt, vt in E: nam quum AB, & AE æquales sint, & axis ad rectum illum angulum secat, erit vterq; triangulus æqualis AED, & ABD, & sic latera ED, DB æqualia erunt, at solum duodecima pars inclinabitur longè ab imo C seducendus est oculus. Præterea, vt optice ignarus neq; locū præscripsit, quo sisteret oculus membra illa inspecturus. Nos autem dicimus, si oculus verticem obnixè aspexerit propendere potius, quàm resupinari videbit, ratione

Q

tione iam dicta in præcedenti propositione, & in sexta, qui³ semper circa centricā angustantur lineæ, si oculus propè imum fuerit, at si oculi cuspidem columnis affixerit inspector, tunc videbit membra illa aliquantisper resupinari, vt diximus.

Erectæ magnitudinis perpendicularis si medium inspicitur, illud surgere, extrema resupinari videbuntur. Prop. XI.

SI erectæ magnitudinis vmbilicum centrica inspectoris feriet, illum tuberosum, & globosum inspiciet, extrema verò recedere, cuiusdam arcus similitudine. Exemplum sic oculis subijciam.




Sit perpendicularis erectus paries A B C, oculus F, cuspis medium feriat B, & sit centrica F B. Summus parietis apex ad oculum veniat F, frangitur, & relabitur extra, & vbi attigerit cathetum, ibi fac punctum D. Idem facies de imo puncto, & vbi C videbitur in E, ibi aliā notam ascribe, deinde prolonga lineam per puncta, quæ super annotasti, & singulari quodam modo se flecti videbitur, vt in medio tuberosa, ventricosaq; appareat, quia summum, & imum recedunt.

Recta

Recta linea oculis exposita, cuius medium centrica seriat, conuexa videbitur. Prop. XII.


IDEM eueniet de muris in plano iacentibus erectorum ædificiorum, nam si recta fuerit, oculis in medio respicientibus, conuexa repræsentabitur, nam extrema retrocedere videbuntur. Exemplum ante oculos ponimus.




Sit recta linea ABC, describens ima erectorum ædificiorum fundamenta: oculus sistatur in medio F, vt cuspide percurrat medium ipsius B, veniet ad eum extremus punctus longe remotus C, reclinabit ex fractione, tunc longius producat, & vbi conuenit cathetum, illic adijce notam E. Eodem modo facito per aliam partem vt dextrorsum, vt sinistrorsum procurrent lineæ, postremo de puncto E ad punctum B, & D trahæ lineam suâ curuam, extremitates omnes adiungendo, & globosam te signale comperies.

Concaua linea oculis exposita, cuius medium centrica seriat, recta videbitur. Prop. XIII.

CONTRA verò si muri concaui fuerint, eorumq; medio visus pyramidis cuspis insinuetur, non amplius concaui, sed recti videbuntur: nam eorum extremæ partes ad oculos oblique venientes, & ultra suos limites retro apparentes, concaua superficies recta demonstrabitur. Verum hæc exactius explicantur subiecto exemplo.



Esto cōcaua superficies ABC, oculus F, cuius centrica FB medio dirigatur, concauæ lineæ extremum C ad F oculum veniat, refrāgetur, & retro iaculabitur in D, ex alia parte idem eueniet ex A, videbitur in E, protracta linea erit recta EBD. Euclides hoc contra quàm nos statuimus docet conuexū inspiciendo planum videri, idq; quia paulatim inspicitur, quod ad rem facere nullo modo videtur.



Sic planum A B C, oculus in medio inspector F, vbi visus acies dirigetur B, & extrema A C, veniant ad oculum F, ex refractione retrocedunt, vnde videbuntur retrocedere. Hac ratione quū mare ex alto inspexerimus, in medio conuexum videmus, & præcipue vbi centrica fixa erit, & extrema compressiora, & ibi visus debilissimus, quia vastæ magnitudinis mare.


Visionem terminatam esse. Prop. XVI.

VETERES, Macrobio referente, humanū radium per planeticiū extantum, sine impedimento nō progredi alterius 180 stadijs: stadium continet octauam partem mille passuum, vt sint millia p. 22 & semis. Aelianus verò docet, quōd humanus visus in mari vsq; ad 30 passus potest. Sed hoc simpliciter prolatum vtrumq; falsum est, nam sunt hominēs, qui acutissimē vident, & sunt lusciosi. Strabo vocatus à M. Varrone 135 millia p. videbat, solitum Pōtico bello à Lylibeo Siciliæ promontorio exeunte classe Carthaginis portu omnem numerum dicere. Et
sunt

sunt alij tam obtusi visus, vt quæ ante pedes habeant, non cernant. Oportet quoque distinguere visibilia, velut splendores, magnitudines vastas plusquam 50. millia p. videri. Stellas etiam in firmamêto videmus ob earum magnitudinem, & splendorem.

Cælum vbiunque homo fuerit, rotundum ferè semper videri. Prop. XVII.

MAximus est ineptorum numerus, qui putat cælum globosum videri, quod verè globosum fuerit, quasi eorum visus ad extremum vsque cæli ambitû protendantur. Sed vbiunque homo steterit, si oculos sursum sustulerit, se circumuoluen- do rotunda quadam cæli conclusionem contineri videbitur, ad oculum enim, tanquàm ad centrum venientes radij vndiq; equales, longitudinis puta 22. millia p. nec vltra progredientes, oportet rotundum videri. Idemq; in horizonte euenire fatemur, nam vbiunque homo fuerit, se conuertendo rotundû horizon- ta cernet. Eadem ratione, sed re vera non rotundum, sed ferè rotundum, aut ovalis figuræ dicas, nam intercapedo à summo cælo ad capitis verticem brevior est, quàm à vertice ad horizon- ta. Sunt qui dicant id euenire, quia à capitis vertice ad cælum minor est distantia, quàm à vertice ad horizonta, hoc modo.



Linea enim AB minima est, quia minor ipsa BD, & BD ipsa BE, ex tertio Euclidis, ob id ovalis figuræ videri. Sed hoc falsum est, nam in tam longa distantia differentia ferè nulla est. Sunt non parvæ authoritatis viri Philosophi, qui id euenire dicunt, quod inter nos, & infimum horizonta multa sint interiacentia corpora, sed inter verticem, & cæli summum nullum intermissum corpus, & hæc intersita corpora faciunt, vt distan-
tia

dia productior videatur. Sed hoc quoq; falsum, nam vera causa est, quod dum sursum cælum aspicimus aciei cuspis ad zenith dirigitur, Horizon obliquè oculum feriet, & ratione refractionis longius conspicari. Hæc clara sunt, vt exemplo non indigant, sed vt huius disciplinæ initiatis demereamur, non grauiabimur apponere.




Cælum erit GLCIH, zenith capiti imminens C, quod centrica ferit, punctus H ad oculum F venit, frangitur, & relabitur in E, vnde punctū H, longè in E apparebit. Eodem modo I punctus in D, & C, suo loco, & GL, in AB, si hæc puncta exili circumscribes linea, ouatam figuram te fecisse cūperies circa horizonta. Ob id non pauci fuere ex antiquorum philosophorum scholis non minimè authoritatis, qui ouatum cælū putauerunt & confessi sunt, hac, vt spero, ratione fulti, quod ouatum oculis eorum videretur.

Oculo in theatri rotundi medio constituto ouale videri. Prop. XV III.

EX his etiam pendet ratio, cur oculo in areæ medio existente, vel theatri rotundi spatio ouale videatur. Circumferentiæ enim obuiam partem centrica ferit, quæ verò destrorsum, & sinistrorsum fuerint, obliquè ad oculum venient, & ex refractione longè à suis punctis, vnde accesserant, relabuntur, ob id circularis figura, qualis apparebit. Exemplum effingere nitar, & si ex superiore minore necessarium videatur.


Sit



Sit area, vel theatri medium F, vbi oculus statuatur, theatrum GLCIH, ex oculi regione punctus C, vbi centrica feriet. Venit H ad F oculum, veniens oblique, frangitur, & longius emititur in E, punctus I in D. Ex alia parte idem facies, si G, & L punctus in A & B, videbitur, exili linea circumscribendo puncta, videbitur ABCDE.


Est locus, in quo aequales magnitudines inaequales videantur. Prop. XIX.

H AEC, quae sequuntur problemata ad multiplices perspectivæ usus, quam vulgus practicam vocat, necessaria sunt, quum res aliter, quam sunt, oculis repræsentandæ sint per linearum flexus, circuitus, & obliquitates. Possunt enim res æquales inaequales videri, & inaequales æquales. Hoc problema Euclides ita docet.



Sint magnitudines æquales BC, CD. & circa BC magnū circuli
R culi

culi segmentum circinabimus $BF C$, supra verò CD , semicirculum & à puncto B , transuersam BF , ducemus, vbi se duo circuli se mutuo abscindunt ad F , & similem ex F , ad D , erigimus etiam lineam ex C , ad F . Quoniam angulus $C F D$, est in semicirculo, rectus est, & angulus $B F C$ in maiori segmento, minor recto. appposito oculo in angulo $B F D$, videbit $B C$, minorem ipsa CD , quia quæ sub minori angulo minora videntur. Sed hoc falsum est, quia impossibile est vt oculus F , per obtusissimum angulum videat $B F D$, vt monuimus. Sed quomodo fieri possit nostro more exemplum oculis spectandum subiicimus.




Apponatur ita oculus, vt visuo angulo partem vnã rectã aspi-
ciat, & alteram obliquam, vt longè refracta, æqualis ei videatur
sint AB , & BC æquales magnitudines, veniat ad oculũ $F G$, $A B$,
rectè, & punctus C declinans ad G . Quia $G C$ declinat, vesti-
getur diametri parallela $D E$. Et quia $G E$ sexta est circuli pars,
punctus H declinabit ad D , extendeturq; in I , Vnde punctus C ,
videbitur in I . Igitur $B I$ maior ipsa $B A$ conspicietur, sic $B C$
maiores ipsa $B A$ conspicietur.


Est locus, in quo inæquales magnitudines æquales videntur.

Prop. XX.

CONTRA verò locus est, in quo oculo appposito inæquales magnitudines æquales videantur. Euclides ita probat.



Sint duæ magnitudines, quarum maior CB , minor CD , super utramq; describantur duo maiora circuli segmenta, sed similia, scilicet quæ angulum æqualem suscipiant, ut æqualis sit $DA C$, eo, qui sub CAB , connexis lineis DA , AC , AB , quod per 33. 3. in similibus segmentis æquales anguli, ergo magnitudines æquales videbuntur. Ex superiori ratione falsam dicimus. Exemplum nostrum in medio apponemus.



Sint duæ magnitudines AB , maior B , F minor, veniat directè magnitudo AB ad pupillā EO , quæ ut est videbitur, veniat pun

R 2 Etus

Æus F ad O, obliquè relabitur ad G, extensaq; linea ad C, occurret catheto ex D, in C, connexa B C, æqualis est A B, videbitur ergo æqualis B C, ipsi A B.


Sphæra hemisphærio semper minus spectabitur.

Prop. XXI.

EVCLIDES contrarium sentit. Ait enim sphæra binis spectata oculis si dimetiens sphæræ æqua intervallo oculorum fuerit, ipsiusq; hemisphærium spectabit.




Sphæræ dimetiens B C, centrum D, & supra tria puncta B D C oriuntur tres perpendiculares, diriganturq; in rectum, quarum terminis designetur linea F K L, ipso dimetienti æquè remota, loceturq; alter oculus in F, alter in L. Quia diametro eorum distantia par est, si manente axe D, circumferatur parallelogramum B F C L, circumscripta figura circulus erit, quare hemisphærium tantum ipsius spectabitur sphæra.



At si oculorum intervalllum illud sphæræ superabit, plus hemisphærio

sphærio conspicietur. Esto oculorum interuallum CB , centrum sphære K , à punctis CB procidant radij tangentes sphæram in punctis DF , productiq; mutuò congregiuntur in H . Pars igitur FN minor est hémisphærio, ex ijs, quæ probauerat in 23. theoremate, remanens pars FKD , visa maior erit.



Contra verò si oculorum interuallum minus sphære dimetiente fuerit, minor illius pars spectabitur. Probatq; hoc modo. Esto sphæra cuius centrum K , oculorum distantia BC , minor ipsa sphære diametro. Procedant radij ab oculis B , C , tangentes sphæram & sint BF , CG , congregianturq; mutuo in H . Quoniam distantia BC , ipsa sphære diametro minor est, igitur ab H procidentes radij minorem sphære partem intercipient, per ea, quæ supra probauerat. Sed hæc falsa sunt, supponit enim eodem tempore vtrumq; oculum videre posse, quod suo loco falsum demonstrabimus. Semper enim vno oculo aspicimus, & si binis inspectare necessum fuerit, velocissimo icu visiva virtus huc, illuc discurrit, quod idem esset, ac si oculo huc illuc moueretur. Semper igitur cuiusque sphære oculus minus hémisphærio spectabit, idemque sensit vigesimo tertio problemate.

Quanto oculus sphære propinquior fuerit, tanto minorem eius partem videbit. Prop. XXII.

PROBAT Euclides oculum plus hærens sphære, vel columnæ, quod idem existimat, minus videt, & plus videre existimabit, idq; hoc modo probat.


Esto



æquè rotundum Connectantur B A, B F, B C, B D. Quoniam B K & K F, binis B K, K C, alteræ alteri æquales sunt, & æquales anguli, quia recti, ergo & bases B C, F B sunt æquales, eadē quoque ratione B A, B D æquales sunt, sunt & diametri æquales, angulus igitur, qui D B F, angulo C B A, æqualis, videbuntur ergo æquales dimetri.

Si in linea supra circuli centrum obliquam, sed semidiametro æqualem oculi steterit, circulus non videbitur rotundus. Prop. XXIII.

H A E C contra Euclidis sententiam est, inquit enim ipse, si quæ ex centro excitatur, non fuerit ad angulos rectos ipse



Plano æqualis autem fuerit, quæ ex centro, circulus æqualis apparebit.


Sit circulus, cuus centrum K, & ab ipso K excitetur non ad angulos rectos ipsi plano K B, sed æqualis ei, quæ ex centro circuli, connectaturq; B D, C D, B C, B A, B F. Quoniã D k, K B, K F, sunt æquales, & rectus est angulus qui sub D B F, quia in semicirculo: eademq; ratione, qui sub A B C, & quæ sub æqualibus angulis æqualia spectantur, unde diametri, & ex inde circulus æqualis videbitur. Hoc falsum probabimus: nam si quæ ex centro obliqua fuerit, alia pars propius, altera longius erit, ea quæ propè, rectè, quæ longius verò refractè videntur, & refracta longè à loco, in quo sunt videntur; impossibile est ergo ut obliquè iacens oculus plano æqualem circulum videat.

Ex pupillæ dilatatione omnia se ipsa maiora videri.

Trop. XXIIII.

MYDRIASIS, siue platicoria, siue pupillæ dilatatio est, quum maior sit pupilla morbo, quàm iustum poscat, ut iridis circulo proxima fiat. Interdum ex toto visum impedit, interdum permultum, ut omnia quæ conspiciantur, ab ijs maiora, quàm sint, videantur esse. Causam dicunt excrementitium humorem illapsum, qui aut acervatim, aut palatim fertur, unde visionis tunica distenditur, & foramen dilatatur. Auicenna, & medici omnes inquirunt ab ijs omnia minora videri, quàm sint. Actius causam affert, ex diffusionem visui spiritus. Sed investiganda est mathematica causa. Nos dicimus quod cui pupilla stricta est, omnia ferè obliqua veniunt, & refranguntur, cui lata rectè accedunt, ob id minus refranguntur. Exemplum. Sed hæc distanti variari dicemus.

Sit oculus cuius pupilla A B lata, sit magnitudo C D, ad eam veniat, videbit eam directè, ut est: sit autem stricta O I, veniat C ad O, refrangetur, & relabitur ad E, cui catheto occurret, ex altera parte, veniet ad F, maior est igitur E F, ipsa C D.



In pupillæ angustia maiora omnia videri. Prop. XXV.

PHTHISIS, seu tabes pupillæ morbus est, quando ipsa fit angustior, rugosiorq; , vt omnia, quæ conspiciantur ab ijs, maiora, quàm sint videantur esse. Causa morbi est condensatio, quam ex siccitate acceptam ferunt. Aegineta id accidere dixit, quando res lumini obiectæ sunt. Exemplū in superiori apposuimus. Sed ne putet quis hæc contraria esse illis, quæ iam diximus, nam in serotino, & matutino crepusculo res maiores videntur ob pupillæ laxiorem obtutum, quàm meridie in pupillæ angustijs. Hoc animaduertendum in naturali pupillæ dilatatione, & constrictione omnia opportuniore videri secundum naturæ necessitatem: nam à natura factum est, ne plus dilatetur, angustieturq; , quàm deceat, quæ verò à morbo fiunt præter naturam accidunt, & naturæ opera peruertunt.

Senes propinqua minus videre. Prop. XXVI.

EX supradictis iam pendet ratio, cur senes, vt acutius videant res, ex oculis longius diuertunt, velut legere, aut filum in acus foramen immittere. Aristoteles senes procul videre dixit, quia procul radij non coeunt, abducunt rem vbi coire maxime


S mè ra-

mè radij solent. Sed id falsum est, putat enim ipse hominē duobus oculis simul videre, & esse locum visionis ubi radij illi simul coeant. Sed cur senibus radij illi remotius coeunt, & non propinquius? adhuc sub iudice lis est, & quod hoc quoq; falsum sit, monoculi senes rem etiam longius amandant, vt perfectius videant. Sed vera ratio est, quòd senibus pupilla diducitur, reseraturq; , vt cætera quoque membra non rectè suo funguntur officio, humor quoq; incrassatur, vnde maiori luce ad videndum indigent, & ferè ijs similes sunt, qui mydriasi laborant, necesse enim habent, vt quæ videre velint lucidiora sint, magisq; coacta, quod vtrumq; crySTALLINIS SPECILLIS emendatur, hæc enim refractione radios vniunt, & lux multiplicatur in eis, humor enim, quem natura pellucidissimum oculis indidit, sordescit senio, & fit tenebrosior. Interrogati à me senes, cur res longius abstrahant, vt perfectius videant? respondent, propè confusa omnia videri, & hebescere visum, quod non nisi ex pupillæ latitudine cuenire contingit.





LIBER SEXTVS.



P R O O E M I V M.

POST QVAM huc prouecti sumus, vt de visione tractatum, sicut decuit, absoluerimus, videbatur ultima his manus imponenda, nisi problemata quaedam superesse viderentur, quæ aliter accepta, nostram institutionem infirmarent, eaq; expendisse valde præstiterit, eoq; libentius ad ea enodanda accedimus. Cur scilicet binis oculis donatus homo, & vnusquisq; per se satis suo fungitur officio solus, simplicem rem non duplicatam aspiciat? Sed videamus ecquid maiores senserint?

Binis oculis obiectam rem simplicem conspici.

Prop. I.


AEGERRIME nostrorum maiorum animos inquirentium contorsit disquisitio, cur binis oculis simplicem rem contuentibus simplex visio occurrat, iidemq; symptomate quodam correpti duplicatas res videant? Principio ab Aristotele incipiemus, qui querit in problematis. Cur vinolentis quod vnum est, interdum multa appareant? Aitq; conspectus initia

S 2 intus

intus esse, & à vino moueri, & quum initia mouentur conspectus, vis vtraque obiectæ rei partem attingit, ob id res vna geminata videtur. Idem quoque oculo subter oppresso euenit, & quum initia conspectus mouentur, alterum cum altero coire nequit. Idem etiam euenit ex motu intrinseco, & extrinseco vini. Et alibi. Cur distracta conspectuum societate res vna geminari videtur. Rationem dixit, quod vtriusq; oculi radius nō ad idem punctum deuenit, & quod bis noster animus inspexit, inde geminatum se inspexisse existimat. Aphrodiseus eadem, quæ Aristoteles habet, quod oculorum muscoli variè vino completi, factiq; languidi deprauantur, vertunturq; alter sursum, alter deorsum, vnde radij oculorum non eundem in locum concurrere possunt, ob id conspectū rei geminari necesse sit. Constat hoc etiam eo, quod qui alterum oculum premit, sursumq; impellit, gemina omnia videt. Galenus dicit quod nerui optici in vno loco circa cerebrū coeunt, ex quo egressæ per vtrāq; pupillam, & reuertentes eadem rectæ lineæ ad eundem locum, non coeunt. Auicenna medicinalem affert rationem, ex oculorum manu contactu, ex ebrietate, veloci motu, & pupillæ morbo simplicem rem geminam videri. Idq; ex quadruplici causa euenire. Putat enim primum visionis instrumentum esse crystallinum humorem, sed penes illum nō perfici visionem, nam si in eo visio fieret, res geminata semper videretur, sed simulachrum à spiritibus, qui videndi ratione præditi sunt, per opticos nervos concauos deferri ad eorum occursum, & spiritibus alijs communicant, qui communis sensus virtutem retinent, & hic videndi virtus perficitur. Hi communicant imaginatiuæ, quæ velut penu conseruat, & in vsu promit. Prima igitur causa cur res vnā geminata videatur, est instrumenti dinotio à suo loco: nam imagines in crystallinum venientes, quum à spiritibus diuersimode in optidorum neruorum coitu deferantur, rem singularem duplicem vident. Secunda causa ex spirituum perturbatione euenit, vt in ebrietate, nam & si imago in crystallinum fuerit, spiritus, qui illam laturos sunt ad neruorum decussationem optidorum, si conturbentur, visionem conturbant, & ad sinistrum, dextrumq; videtur. Tertia, quod post neruorum decussationes sunt spiritus communi sensui famulantes, qui imagines illi diiudicandas ferunt, qui si conturbentur, velociter ante,

ante, & retro simplicis rei duplicem imaginem exhibent: vt qui ignem circumuertit, nam prius quàm vna pars iudicetur, sequitur velociter altera, & sic altera post alteram, vt igneus circulus conspiciatur. Sic spiritus in anteriore cerebri parte circūuoluti, imagines plures, & se circumuoluentes ostendunt. Postrema ex pupillæ morbo accidit, videlicet constrictione, dilatatione, & conuersione à suo situ, vt rerum simulachra contorqueantur. Albertus ab his eadem. Ex opticornum neruorum dimotione, vt quæ ab oculis adferantur spiritibus communis sensus, non se contingant in vno puncto, idemq; euenire in digiti suppositione. Vel dum mouentur visui spiritus ex cerebro ad oculos propter inclusum ventum, extra metas à Natura præscriptas mouentur, dextrorsum, & sinistrorsum, apprehendunt rem vnā, quasi duplicem. Vel redundantia eiusdem spiritus in communi sensu intra, tunc reddunt, accipiuntq; & priusquàm vna compleatur, inclinat altera, vt vnum stet, alterum moueatur. Sic gutta cadens videtur linea, & mota virga circulus. Vel ex vna morbo, vt diximus. Inter recētiōres perspectiuos Alhazen, rem exactius docet, dicit enim, quod duæ rerum formæ ad crystallinum perueniētes, si ibi visio perficeretur, duæ vnus rei formæ viderentur, sed forma recepta in superficie glacialis pertransit suum corpus, & per foramen opticornum neruorum ad communem neruum peruenit, & ibi altera alteri supponitur, vt ex illis duabus formis vnica efficiatur, & tunc vltimum sentiens, vnā rei imaginem sentit, & dum ordinantur non comprehendit illas, nam si non dum ordinatas comprehenderet, duas sentiret. Ratio quæ eos ad id affirmandum duxit, est, quod quādo oculus peruertitur à suo situ, res vna geminata videtur, quum vterque oculus suam recipiens imaginem alterum alteri supponere non possit vltimo sentienti, vnde & dexter oculus vnā, sinister alteram sentit. Argumentum afferunt, quod fiat per opticos neruos, quod quando aliquo morbo humoribus infarciuntur, perit visus, & remedijs exinaniti, redit visus. Vitellius rē lineis demonstrat, quæ Alhazen longissimis verbis. Dicit enim quod in medio cuiusq; visuæ pyramidis axis est, qui transit per foramen opticornū neruorū, & quādo duo axes in puncto vno coeunt nerui oppositi, puncti circundātes axem alter alteri etiam supponitur, & simul concordant in vltimo sentienti.


Esto




Esto visa res ABC , dexter oculus GHI , sinister DEF , pyramis dextra, cuius basis ABC , conus GI . Veniat ad dextrum oculum A C , per neruum opticum concavum HM , vsque ad sensum communem LMN , sic punctus basis A per G veniet in L , & punctus alter basis C per I veniet in N , axis verò pyramidis BH , veniet in M . Sic sinistrae pyramidis punctus basis C , venit per F in N , & punctus A per D in L , & axis pyramidis BE , veniet in M . Sic axis punctus M dextrae pyramidis erit idem cum puncto basis sinistrae, & L punctus basis dextrae, & sinistrae pyramidis, sic N utriusque quoque pyramidis, & hoc modo congruentes puncti eiusdem rei per utrumque oculum ultimo deferenti coaptantur. Hæ sunt antiquorum, & recentiorum opiniones. Nos autem aliter sentimus. Virtus enim sentiens, vidensque vna est, & si duo sint oculi, quæ utriusque in paruo temporis momento, ubi necesse erit præsto est, & tam facile, ut nos met ipsi, quomodo id fiat minimè sentiamus, famulantia instrumenta tam citam eiusmodi virtuti obedientiam præstant, ut prius opus exequantur, quàm imperatum sit. Oculos binos Natura largita est nobis à dextris vnum, à sinistris alterum, ut si à dextris aliquid visuri sumus, dextro utamur, at si à sinistris sinistro, unde semper vno oculo videmus, & si omnes apertos & omnibus videri existimemus. Idque his argumentis probamus. Inter utrumque oculum mediet aliqua tabula, vel paries, ut alterum ab altero distimet, ac dextro oculo librum opponamus, & legamus, si quis sinistro alterum librum ostendet non solum non legere, sed neque

neque paginas videre valuerit, nisi breui temporis momento videndi virtutem à dextro oculo subtrahat, mutuetq; sinistro. Idem in alijs sensibus euenire videmus, si dextra aure aliquem loquentem audierimus, non poterimus alterum sinistra admittere, & si vtrunque audire velimus, neutrum audiemus, vel si ali quod dextra audiemus, tantundem sinistra deperdemus. Sic etiã si vna manu scribemus, altera lyram tangere, aut aureos numerare nequimus. Alterum argumentum erit, si quis baculum ante se locauerit, & illum parietis alicui rimæ è regione existenti obiecerit, notaueritq; locum, quando sinistram oculum clauferit, non videbit baculum ab opposita rima dimotum: ratio est, quia vnusquisque dextro oculo cernit, vt dextra manu, & pede vtitur, & qui sinistro oculo, manu, aut pede pro monstro habetur. At si dextrum oculum clauferit, illico baculus ad dextram partem accedit. Tertium erit argumentum quòd natura duos oculos alterum alteri fecit, vt alter à dextris, alter à sinistris hominem ab incurfantibus defenderet, & id in animalibus clarius apparet, nam per semipedem inter se distant, vt in bubus, equis, & leonibus videre est, in auiibus alter alteri oppositus est, vt si à dextris, vel à sinistris videndum sit, virtus visiva velocissimè accedens, animal sua munia obire possit. Vnde non simul videre possunt remeandem. Et si quis situm oculorum in homine inspiciat non in recta linea sunt, vt sine oculorum contorsione re eandem inspiciant, & si in recta linea videntur in radice tamen cohærent. Sed quæso quæ tam dira hominum insania est imaginari spiritus deferre spectra per foramina neruorum optico- rum, & naturales spiritus intellectualia simulachra deferri? quomodo per foramina neruorum optico- rum transeunt, si nobis diligentissimè intuentibus vix occurrerunt, & adeò tenuissimi, vt obtutum effugiant, si verè foramina dici possunt, & sunt Medicorum plerique, qui perforatos esse negent? Quomodo se simul circa cerebrum se decussant, si se vix tangunt, immo alter ab altero distat? Sed quæ larum eorum intellectum præstringunt, vt putent per tam longum iter deferri imagines per lineas quasdam ad libitum concinnatas, vt eundem semper situm conferuent? Strabones ab ortu naturæ gemina nõ conspiciunt. Aphrodiseus dicit quòd oculos non sursum, deorsumq; deprauatos habent, sed dextrorsum, & sinistrorsum, quod enim oculi suum obtinent situm, idest directum, radij eundem in locum profluant, atque identidem


dem referant necesse est, quod contrarium est antedictis. Quod linearum illa falsa sit imaginatio, ponamus vt strabo, qui pupilas contra se positas habet, quomodo eueniet illa linearum positio, quin rem duplicem non videant? his enim A veniens ad dex-



trum oculum transfret per G in R, mox in O, at ad sinistram A per D, per N ad O itidem, sed R in dextra dextri oculi, N verò in dextra sinistram oculi, & sic ordo visionis peruerteretur, vt dextra sinistra, & sinistra dextra viderentur. Præterea obliquè aspicientibus omnia eo more peruerterentur hoc modo.



Esto conspicienda magnitudo ABC, veniant C ad dextrum oculum per pupillam I ad Q, mox ad commune sentiens I, sed C idem ad sinistrum oculum per F pupillam ad L, mox ad idem sentiens R, non coincidit igitur T, sed labitur in R, sic A dextro oculo in R, in sinistro vero in T, conuersa & contorta omnia videntur, vana igitur & puerilis eorum imaginatio, sed ne illis vaniores videamur, omittendos putamus. Galenus quod utroque oculo videamus, ita demonstrat, sed profectò si ita nos medicinalem artem docuisset, de nobis actum esset. Inquit enim. Quæ oculo dextro cernimus, alibi apparent quàm quæ sinistro; & quæ sinistro videmus, alibi quàm quæ dextro, at quæ utroq; oculo, in horum medio, idq; exemplo demonstrat.




Esto dextra pupilla A, sinistra B, magnitudo visenda D C, ex utraq; pupilla A B visione illapsa videamus D C, sed à pupilla dextra E F, à sinistra G H. At si vno oculo videatur, aliter eueniet, nam sinistro oculo clauso B, magnitudo C D in sinistra partem videbitur H G, clauso verò dextro, magnitudo C D videbitur in F E, si ambo simul referentur in C D videbitur. At si qui demonstrationem lineis non assequatur, hoc vtatur experimento. Stans iuxta columnam vtrumq; oculum vicissim claudat, & quum dextrum clauserit, quædã eorum, quæ in dextra columnæ parte videbantur, non videbit, & quum sinistrum clauserit, quædam quæ prius viderat sinistro, nunc dextro non videbit, &

si utrosq; aperuerit, utrasq; partes videbit. At si à columna paululum digressus utrumq; oculū aperire, ac vicissim claudere incipiet, & columnam intuebitur, illam repente transilire videbit, si dextrum clauserit, versus dextram partem veniet, si sinistram, sinistram versus, & simul utrisq; aspicienti medium locum videre putabitur eius, qui seorsum utriq; abscondebatur. Sed horum causa alia est, quàm ipse putat. Dum oculo A circulum D C inspicio, quia dextro oculo inspicio, semper eodem loco erit, at si dextrum clausero, dextrum eundem circulū in F E videbo, ut diximus, & si dextrum, & sinistram claudemus mox binis inspicimus, si alibi quàm suo loco videbuntur, hoc ex refractione eueniet, ut diximus, quia vni rectè, alteri obliquè cadit. Quòd visio per spiritus non fiat, qui referant imagines primo senlitiuo, clarum est, argumentaq; quæ afferunt ridicula, & prorsus exhibilanda, frustra enim fiunt per plura, quæ per pauciora fieri possunt, nos apparentias absq; eorū ope seruabimus. Dicunt quòd clauso vno oculo spiritus ad alterum accedunt, ob id id surgere, & pupillam dilatari, hoc falsum est, nā si lentè clauseris non eueniet, si verò digito premes, turgidulum fieri alia ratione contingit, nam vbi presseris, ibi acurrit sanguis. Cur autem compressio digito oculo simplex res geminata videatur, ratio est, quòd vbi compressio, ibi virtutis concursus, oculus delicatissima partium pars est, ibi virtus visiva occurrens, binis diuisa oculis geminam rem conspiciamur. Idem autem eueniet, si conatu, & vi binis oculis rem vnā conspiciari velimus.

Refractionem obliquam duplici modo accidere posse. Prop. 2.

DI X I M V S superioribus libris obliquam refractionem maximè adiuuare visionem, nam ita insensibiliter visuæ rectæ pyramidi adnectitur, & ordinatè, ut refractè videns homo se rectè videre putabit, & hac à dextris, & à sinistris rectam pyramidem ambit. Et exemplum iam adduximus. Secus autem in altera refractione, nam quum homo visiuam virtutem utroq; oculo diuidit, & cum conamine aspicit, oculos peruertit, nec situm seruant à natura ordinatū, & irregulariter cadunt, vnde
appa-

apparitiones rerum mirabiles eueniunt, & lōgè à suis locis res-
videntur, & ex oculorum duplicitate, duplicata singularis ima-
go rei conspicietur. Exemplum.




Sit oculi centrum A, centrica verò A C, veniat rei videndæ spe-
ctrum à sinistris in dextrum citra centricam, & sit E, pupilla B,
erit linea deferens formam E F, refrangetur in G, in contrariū;
extensa erit in D, trahatur à centro A cathetus per E, & occur-
ret G D in D, ibi erit imago rei.

*Simplicem magnitudinem vtriq; oculo, citra centricam obliquè inci-
dentem geminatam videri. Prop. 3.*

DI X I M V S simplicem esse naturalem videndi virtutem, &
simpliciter intuendo, simplicem rem binis oculis conspe-
ctam simplicem videri. At si naturalem hanc virtutem diuide-
re velimus, quod nō eueniet sine conamine, distorquendo situm
oculorum, vt vniciq; oculo suæ virtutis pars ascribatur, con-
tingit rem vnica duplicatam à duobus oculis videri. Cuius
rei exemplum.

Sit visâ magnitudo A, oculorum centra B C, & inspiciant fir-
miter punctum H iuncti, oculos cōtorquendo, conantes vtroq;
oculo H videre. Tunc punctus A cadit dextro oculo in N D. re-
frangitur in contrariam partem à centrica H E. peruenit in E


T 2 exten-



extenditur, erit EL , trahatur cathetus ex C ad A , occurret EL , in L , igitur A à dextro oculo videbitur in L . Eodē modo cadat A sinistro oculo citra centricā in P , descenderet in F , sed refrangitur in G . extēditur in L , deducta catheto ex B & A occurret extensæ prius lineæ in I : sic punctus A videbitur à sinistro oculo in I . Sic clauso oculo dextro C , non videbitur L , & clauso B , abscondetur I , sed oportet, ut centrica firmiter aspiciat H , & ambobus referatis, videbuntur IL , & A peribit. At si oculi in suū situm redeunt, & oculi consueto more aspiciant, peribunt IL , & solum A videbitur, at si denuo virtus diuidatur, descendet A ad I , & L .

Simplicem magnitudinem utriq; oculo eis centricam obliquè incidentem geminatam videri. Prop. 4.

POSSVMVS & alio modo simplicem magnitudinem obliquè oculis incidētem geminatam videre, differtq; à superiori, quod hic clauso oculo dextro peribit sinistra imago, & clauso sinistro peribit dextra, idq; eueniet quod ibi citra centricam, hic eis oblique oculis incidit magnitudo. Exemplum.




Sit oculus dexter C, sinister B, res videnda A, cadat tis centricam C A, in pupillam N, & sit A N ! nō venit in D, sed refrangitur in E, extenditur in I. Trahatur cathetus ex C A, occurret extensæ in I, igitur in I videbitur magnitudo A. Occurrat eodem modo A sinistro oculo per O pupillam, venit non in F, sed refrangitur in G, extenditur in L, ducta catheto B A: occurret extensæ in L, sic A videbitur in L. Sic clauso oculo B aboletur L, & clauso C peribit I, sic virtutem diuidendo vi, videbitur A diuidi, & ad duplicatum iter accingitur, nam ab oculo C videbitur egredi ad L, & ab oculo B egredi ad L, & virtutem vniedo, & oculos ad vsum conuertendo, I & L ad A redeunt.

*Vtriq; oculo duplicem magnitudinem obliquè incidentem simplicem
videri. Prop. 5.*

HÆC conuersa est præcedentis, ibi enim simplex magnitudo duplex videbatur, hic duplex simplex videbitur. Causa est, quod in contrarias partes axis cadunt lineæ. Exemplum.

Sit




Sit vna magnitudo visa I. cadat ad oculum dextrum C, citra centricam in N, & sit I N, veniet in E, sed refrangitur in D, extenditur in A, cathetus verò I C occurret D N in A: pūctus igitur L videbitur in A. Alter pūctus L eodem modo cadat in O pupillam, & sit L O G, refrangitur in F, extenditur in A, & à pūcto B, & L extēdatur cathetus B L, occurret O A in A, pūctus igitur L videbitur in A, duplex igitur magnitudo I L videbitur simplici loco à binis oculis in A. Sic clauso oculo B, aboletur A dimidium, clauso verò C, peribit A dimidium. Et si L magnitudo nigra fuerit, L alba, videbitur magnitudo in A alba nigra; scilicet alba ex parte B, nigra ex parte C.

Vtrique oculo binæ magnitudines rectè, & obliquè incidentes, ternæ videntur. Prop. 6.

SI rectè oculus vnā aspiciat magnitudinem, refractè verò alteram, alter verò oculus refractè vnā aspiciat, duæ illæ magnitudines tres videntur.

Sic




Sit dexter oculus C, aspiciat directè A, & obliquè B punctũ qui cadat cis centricam in D pupillam, veniret in M: sed frangitur in E, extenditur in F, extensã catheto occurret EF in F, punctus ergo B videbitur in F. Idem punctus B cadat obliquè oculo H, per pupillã O, relabitur in L, extendatur I G, occurret catheto exeunti ex H ad B in puncto G, punctus ergo B videbitur in G, sic A B magnitudines videbũtur in G F A ter, sic clauso oculo H, occultabitur G, & videbitur A F à dextro, clauso verò C ascondetur A F, & videbitur G A.

Ut binæ magnitudines duplicatæ videantur. Prop. 7.

VTRIQUE oculo potest magnitudo altera rectè, altera obliquè occurrere, sic binæ magnitudines quatuor videbuntur. Exemplum.

Sit dexter oculus H, sinister C, & magnitudines binæ A & B. vterq; oculus directè, & æquidistanter suam magnitudinem in opposito existentem aspiciat, oculus H A, oculus C ipsam B, obliquè verò B occurrat oculo dextro H cis centricã in pupilla G, descenderet in L, sed lex refractionis contorquet in I, dirigitur in rectum in M: ducta catheto ex N B, occurrat iam directæ in M. sic punctus B, videbitur in M. Eodem modo A videbitur



bitur in N, ab oculo C: & quāto oculi vehemētius contorquen-
tur, virtusq; visiva intenditur, eò puncta M N se magis appropin-
quabunt. Sed maximè animaduertendum, quod magnitudi-
nes M N videntur minus coloratæ, & languidæ, quia per refra-
ctionem videntur. Et si B magnitudo nigra erit, & A alba: vide-
bitur N nigra, & M alba, & si H oculum clauderis, peribit A N,
si C ipsa M A.

Binæ magnitudines vtriq; oculo obliquè cadentes quatuor videntur.


Prop. 8.

P O S S U M V S, & alio modo demonstrare, vt binæ magnitu-
dines oculis nostris quaternæ videantur, aliter quàm su-
periori sermone retulimus, nam ibi altera recta, altera obliqua
cernebatur, hic verò vtraq; magnitudo vtriq; oculo obliquè ca-
dit, & si altera alba, altera nigra sit, cohærentes alba nigra me-
dia videbitur. Cuius exemplum.

Esto

Est dexter oculus G, sinister H. magnitudo obiecta ipsi G, sit A alba. Et magnitudo obiecta ipsi H nigra sit B, oculus igitur G aspicit B cadit in pupillam P oblique, veniret in N, sed labitur in M ex refractione. Extendatur ex P in C, & cathetus ex G. B occurrat ei in C, videbitur igitur nigra magnitudo B in C nigra. Eidem oculo G etiam oblique cadat magnitudo alba A in pupillam S, veniret in O, sed frangitur in P, extendatur P S in F, trahaturq; cathetus ex A G, occurrat P F in F, igitur magnitudo alba A videbitur in F. Eodem modo ab oculo H magnitudo alba A, videtur in D alba, & magnitudo nigra B videtur in E nigra. Vnde si claudatur oculus G, aboletur alba F, & C nigra, & si claudatur oculus H, peribit D alba, & E nigra, at si intentius spectabuntur A B, & visus conetur diuidi magnitudines apparentes in C D. coibunt, & videbitur alba nigra, scilicet alba ex parte D, nigra ex parte C.

Si tres magnitudines in longitudine linea ponantur in oculorum prospectu, apparebunt quinque. Prop. 9.




I in longitudine regulæ, quæ oculis perpendiculariter opponatur, tres chylindri opponantur, & medius directè
V oculis

oculis cadat, extremi autem obliquè, chylindri quinque cōspiciuntur.

Sit regula A D G, tres chylindri in ea siti A D G, sinister oculus I, dexter H. Inspiciat H dexter oculus directè D. Et cadat à puncto A ad pupillam T linea A T, veniet in S, refrangitur in R, extendatur T R in C, ducatur cathetus H A, occurrit ei in C, oculus ergo H videbit A in C. Sic postremus chylinder G occurrat eidem oculo H, per pupillam T veniet in P, refraçtio cōtorquet ad Q, extendatur Q T ad E, cathetus ducatur ex H G, occurreret prius extensæ in E, igitur G in E videbitur. Eodē modo oculus I videbit A in B, & G in F. Clauso oculo H, peribit chylinder C E, & clauso I, peribit B F.

Si bini oculi obiectæ regulæ remotiorem partem rectè aspexerint, obliquè proximiorē ex interiori parte, bifida videbitur. Prop. 10.

SI regula oculis rectè opponatur, at pars vna naso, altera in rectum porrigatur mensura vnus cubiti, & oculi rectè



remotiorem partem aspexerint, obliquè inferiorem, dico inferio-

feriorem partem naso propinquam bifidam videri, cuius causa est, quod ea pars, quæ oculis, directe aspicitur, suo loco videtur, quæ autem obliqua, non suo loco.

Esto regula A E D, naso D opposita perpendiculariter, oculus dexter B, sinister C. Inspiciat uterq; directe A remotiorem partem, quippe suo loco videbitur, radio centrico C A, B A. Sed pars E venit oblique ad oculum B, per pupillâ L, veniret in N, sed frangitur in L, extenditur in G, occurret catheto E B in G, ergo punctus E videbitur in G, & linea E A, videbitur A G. Eodem modo punctus E oculo C videbitur in F, & A E videbitur A F, unde A G, & A F bifida apparet. Clauso oculo B, abscondetur A G, & clauso C, abscondetur A F.

Si bini oculi obiectæ regulæ proximiorē partē aspexerint directe, oblique verò remotiorē, remotior pars videbitur bifida. Prop. 11.


RE C V L A oculis opposita è regione nasi, vt vna pars naso alia in rectum porrigatur naso perpendiculariter, & oculi



inferiorem naso partem proximiorē aspexerint, superior lineæ pars oblique inspecta bifida videbitur. Ratio est, quæ oculus rectè, suo loco, quæ oblique, nō suo aspicit loco. Exemplum.

V 2 Esto

Esto regula oculis opposita A E D, dexter oculus B, sinister C, uterq; directè aspiciat punctum E. suo loco E videbit, oblique verò aspiciat A. Cadat linea incidentiæ dextro oculo A I, veniret in L, labitur in N, extēdatur N I in G, trahatur cathetus ex B A, occurrit lineæ B A in F, punctus ergo A videbitur in F. & iniūctis E F lineæ A E, videbitur E F. Eodem modo cadat oculo dextro C punctus A per H veniret in O refrangitur in M extenditur, & occurret catheto C A in G. punctus A videbitur in G, & ducta lineæ G E, videbitur A E, E G. Sic lineæ E A ab utroq; oculo videbitur E A, G A & clauso oculo C aboletur lineæ G E, clauso verò B peribit F A.



Si bini oculi obiectæ regule mediam partem aspexerint rectè, at inferiorem superiorem quàm oblique, decussata in medio videbitur. Prop. 12.

H A c propositio ex vtraq; composita est, nam prius in remotiori


motiori sui parte recte inspecta, in inferiori bifida videbatur, & post inferiore rectè inspecta superior diuisa, nunc inspecta media sui parte, vtraq; pars superior, & inferior bifida videbitur, veluti in medio decussata.

Esto recta linea visa A E T, sinister oculus C, dexter B aspi-
 ciat sinister C, directè punctum E, videbit illud suo loco E. Pars
 longinquior A, vt diximus, cadat vltra centricam in dextram
 oculi partem I, veniet in M, reflectitur in P, extèditur in G ipsa
 P H; cathetus erigatur ex re inspecta A, & centro C, occurret
 P G in G, ergo pars A videbitur in G. Pars regulæ inferior T,
 veniet in pupillam I, procederet in L, sed refractione labitur in
 S, extendatur I S, venit in D, mox ex re visa T, & oculi centro T
 extendatur cathetus C T, quousq; occurret lineæ S D, occur-
 ret in D, ergo punctus T videbitur in D, ergo linea G E D, vi-
 debitur linea A E T ab oculo C. Eodem modo à dextro oculo
 B punctus A videbitur in F, & T in R, & linea A E T videbitur
 F E R decussantes se in E. Sic clauso oculo sinistro C, peribit li-
 nea G E D, & clauso dextro B, peribit linea F E R.





LIBER SEPTIMVS.



PROOEMIUM.

SUPERVNT adhuc de visione problemata quædam, scilicet de his, quæ intra oculum fiunt, & extra videri putantur, curioso discenti valde necessaria, ob id nos duximus explananda, ut eiusmodi errores ad posteros in infinitum non propagentur. Multi enim sunt, qui disquisitionum tædiò prepediti, quæ ab alijs scripta sunt, non considerantes, pro veris assumpta, quæ falsa, erronea q; sic falsis innixa fundamentis, falsissima sunt, quæ deducuntur. Quæ conscribenda duximus, hæc sunt.

Colores, culices & alia quæ intus in oculo sunt, foris videntur.

Prop. 1.

IN aliis quoq; sensibus euenire videmus, ut quæ intus sint, foris existimemus. In auribus ex sufflato spiritu intus fieri videmus bombos, tonitus, & sibilos, quos foris existimamus.

Sic

Sic & in oculis euenire videmus; affectis enim tunicis, vel humoribus, multa foris conspiciuntur, quæ intus habemus. In hyposphagmate suffunditur ceratois sanguine, vt aspicientes euncta subrubra arbitrentur. Hypochyma, sine glaucosis est in glaucum mutatio crystalloidis humoris præ humiditate, & in morbo quoq; regio oualis humor croceus euadit, vt idola per eosdem humores pertranseuntia crocea, defædataq; conspiciantur omnia, sic & si alius color eorum perspicuitatē interturbet, vtpotè plumbeus, fumosus, tenebrosusq; eiusdem coloris spectra refert. In suffusionibus prauī humores descendunt in pupillā, vel biliosi vapores sursum ducti, vnde languentes exiguos culices, araneorum texturas, lanarum vellera ob oculos versari perperam vident. Et in cornea si alicuius morbosæ tabis vestigia subsident, vel vnea tunica quæ subternitur ceratoidi, aliquo foramine peruia erit, quæ foris spectantur omnia, & perforata, & fenestrata videbuntur, vel cōcaua: nam quæ videre nequimus, concaua putamus. Vnde quamplurima intus sunt, quæ foris opinamur.

Splendorum imagines quædam ante oculos versari apparent, quæ intra oculum sunt. Prop. 2.

CONTINGIT nobis sæpè tussiensibus, aut euomentibus, aut in oculis percussis, vt splendorum imagines quasdam foris videamus, quæ tamen non foris, sed intus habeamus, quorum quidem rationem antequam aperiāmus, maiorum placita referre non pigebit. Empedocles, vt diximus, ignem in oculis esse dicebat, Plato ignis participes oculorum orbes Deos fecisse, qui non vreret, sed illuminaret, lumenq; aliquod oculis inesse, etiam si exiguum; animalia multa, quæ noctu vident, argumento esse, quando in tenebris eorū coruscant oculi, & contortis quoq; oculis nostris circulum quendam intus planè intueri. Sed Aristoteles id refellit, hoc non ignis ratione apparere, sed expolitionis, nam quicquid læuigatum, densumq; est, sui natura fulgorem habet, sed non eiufmodi, vt actu medium lucidum efficere valeat, vnde quum nigricans illud in oculorum meditullio Crystallinū existimo) politum maximè sit, mirum non

non esse debet, si splendorem retineat, quod si celerius agatur oculus, fulgere percipitur, in quiete non ita. Hoc ideo euenire, quia celeri, & festina agitatione, quod vnum, simplexq; est, quodammodo duplum videatur, in eo enim motu nigricans in alium transfertur locum, in quem fulgorem prius emiserat, & priusquam is deficiat, videt, vt extrinsecus illatum, quo fit, vt videns, & res visa vnum existens, duo quodammodo censeantur: quod si tardior esset motus, prius euanesceret coruscatio, quam nigricans illud dilaberetur. Et in tenebris hoc præcipue fieri, quum interdiu luminis copia splendorem illum exiguum absorbeat, euanidumq; reddat. Hæc Aristotelis opinio aliquibus friuola visa est, quum ea pupillæ claritas, neq; etiam moto oculo ab opposito vidente vnquam visa fuerit, neq; simul esse posse, vt suo existens peculiari loco sui fulgorem conspici possit, tanquam alio loco residentem, & vnum esse videns, & re visa. Quibus Alexander obijciens respondit, pupillam magnitudine non carere, fieri enim posse, vt illius quota pars sit videns, alia verò, quæ videatur, idemq; per diuersas sui partes videns sit, & visum, quum fieri non possit, quod vnū duo sint. Sed aliter sensit in suis problematibus, existimans & ipse hanc rationem fallacem, & ad visuos spiritus refert: abductio enim ventris, & pectoris sursum humores, & spiritus compellit, qui cum ad oculos veniunt, visionem conturbant, deprauantq;, vt foris illas imagines ementiatur. Vnde si vapor oblongiori ductu est, imagines etiam hac forma apparere. Item si bilis vaporem illum excitat, aurum imagines imitantur, si pituita albi suspicio occurrit. Ad summum pro figura, caloreq; causæ visa imaginamur. Alio etiam problemate causam reddens, cur qui in fronte percutiuntur, ignem videant? Dicit spiritus visui accommodatus per istum extenuatus ardet, profectusq; in aerem, talis videtur, qualis per istum redditus est. Sic enim est duobus lapidibus, aut ferris mutuo attritis aer interueniens istum extenuatus maiorem in modum in ignem conuertitur, quod idem, & in nubibus euenire certum putat. Sed pudet, profectò pudet insigniores hos naturæ interpretes tā puerilia effutire? Quod læuigatio in oculo splendorem efficiat, quod res celeriter motu suum splendorem loco, quo discesset derelictum aspiciat, quod pars vna lucida sui partem alteram lucidam conspiciat,

quod

quod nigricans (siue pupilla) quę non nisi oscitatio, & inanitas pelliculę vueę est, lucida sit, quod vapores ex pectoris cōpressionē, istūve accendātur, & spiritus aquei ignescant, quod spiritus, & humores ascendant ad oculos, qui in suis tunicis conclusi sunt, ex cuius ore, nisi mente capti hęc possunt excidere? Sed veritatem indagare tentandum nobis est. Dicimus igitur aqueum humorem à Natura lucidum constitutum, vt lucem asfinem suam extrinsecus insinuantē recipiat, & quasi oculi portitor speciem ab extimo lumine adductam ad intimum crystallinum traiciat, in quo videndi vis sita est, idq; hoc manifestario argumēto probari potest. Si ad hirquos manu oculos compimas in aduersam partem orbem igneū luminosum, & in medio nigrum intueberis, & si canthos tēporibus premes, ad hirquos lumen videbis. In quiete id non conspiciamus: nam crystallino directē opponitur pupillę hiatus laxus, præcipuē notū, quum comprimis oculum, crystallinum humorem illum conspiciaberis sub tela vueę, & nigrum in medio existentem, rotundum pupillę foramen est. Præterea quum lucentes felis oculos noctu conspicerem, vidi totum oculum illuminatum intus, eratq; aqueus humor, nam si crystallinus esset, nō nisi crystallinum clarum vidissem. Memini etiam quum puer essem, & anatomicis administrationibus nauarem strenuam operam, quum die humanum oculum secuissē, reliquias noctu aqueo humore madefactas quasi lucere vidisse, & causam ignorasse. Auerroes libro de sensu, & sensili dicit in oculo esse lumen proprium, sed non declarat quo resideat loco. Augeę micantes oculos celebrat Apollonij interpret. Augusto adeò niteſcebant oculi, vt si intentius aliquem intuitus esset, cogeretur is, cū splendoris nimietate caligaret, vultum submittere, quod si crystallinus lucidus esset, id non accideret, quum in profundo lateat. Vnde in oculi percussione à suo loco dimotus crystallinus, vel aqueus humor, quasi igneus scintillat. Idq; dum experirer ipse ex diutina oculi compressione, læsus oculus, si cito casu aliquo reuoluatur oculus, igneū orbem in parietibus oppositis coruscantem video. Sed in sequenti hęc latius explicabuntur.

Noctu quædam foris videri, quæ intra oculos adsunt.

Prop. 3.

TIBERIVS Cæsar prægrandes oculos habuit, & qui (quod mirum esset) noctu etiam, & in tenebris viderent, sed ad breue, & quum primum à somno patuissent, demum rursus hebescebant. Hæc ex Suetonio. At Plinius. Tiberio Cæsari eam oculorum naturam fuisse, ut expergefactus noctu paulisper haud alio modo, quam luce clara contueretur omnia, paulatim tenebris sese obducentibus: nec alij genitorum mortalium fuisse naturam. Sed quod mirum in Tiberio Cæsare dicit Suetonius, nec ulli mortaliū Plinius: hanc ipse oculorū naturam sortitus sum, plerosq; habui amicos. Et complures etiam legi eiusmodi naturæ cōsortes. Sed in huius disquisitione maiores nostros cōsulamus. Aphrodisæus querit cur per noctē inter dormiendum repente oculos aperiamus, & lucē percipimus? redditq; rationē, quia spiritus vidēdi coactus amplificatusq; in dormiendo vniuersus larga copia erumpit per tenebras, atq; elucet, itaq; speciē quandā lucis meritō potest conspiciari. Et alibi causam reddens cur animalia quædā noctu cernant, alia minimē? etiam ad visuius spiritus reddit. Inquiēs. Qui spiritum visuium crassiorē habent, quā ut aerem permeare vsq; ad rem videndam valeat, solis absentia refrigeratur, & per noctem crassescit, ut interdiu videre nō possit, at interdiu aeris beneficio, qui tenuis, & calidus videt, feles verō hyænæ, & vespertilioes spiritū quidem illum visoriū tenuissimum, & lucidissimum habent, ita ut per noctem modicē incrassescēs, idoneus ad rerum conspectum reddatur, interdiu verō supra modum extenuatus expanditur, & euanescit. Leones acutiūscula luce præditi sunt, argumento pupillæ, quæ præfulget, atq; humidæ partes oculorum, quæ dilucidissima est, (humoreni aqueum puto) ob id per solem ingredi acriorem non patitur, & ignem etiam interdiu eā ob rem fugiunt. Mihi autē videtur ob pupillæ laxitatē, & aquei humoris perspicuitatem euenire. Videmus enim in noctiuagis animalibus, ut fele, noctua, bubone, & cæteris pupillas ultra modum dilatari, ut sola pupilla sine iride, & albugine conspicua oculi pars videatur. Præterea eorum aqueus humor pellucidissimus est, ut præsentī inspectione patet. Et qui pupillis latis præ-


Præditi sunt, noctu tuto ambulant, ut ferè in tenebris videant, Præcipuè in iuuentute, quando humor pellucidior est. Audini^{ab amico}, qui tribus mēſibus obſcuris carceribus occluſus fuerat, & poſt videre cœpit in tenebris, paulominus, ac ſi in lumine eſſet, quod euenerat, & pupillæ dilatatione in tenebris, ac carceribus excluſus, per multos dies cœcutiebat. Quū ego puer eſſem nocte intempeſta expergeſactus interdum cubiculum totum, & quę in eo erant ſupelleſtilia clariſſimè conſpiciebam, & id tandiu durabat, quandiu immotas palpebras haberem, in iuuetute crebriùs, in ſenectute rariùs, quia aqueus humor craſſeſcens tenebroſior redditur. Sed præteritis annis, quum id accidieſſet, animaduerti facie cubili impreſſa recubiſſe, & quum puluinar molle, oculi prominentes, capitis pondere, oculi in ſomno vehementer comprimebantur: idq; quum iterum tentarem, & oculos vehementiùs intus comprimerem, apertis oculis ſplendorem quendam maximum, ſed ſupelleſtilia nō videbam. vnde animaduerti ex oculorum compreſſione pupillam dilatari; & pupillam, vel cryſtallinum à ſuo loco dimoueri. Hic igitur perſpicuus humor veſtabulum eſt ſpecierum rerū in cubiculo exiſtentium ad cryſtallinum, & hic illuminati aeris vice fungitur, vnde quę intra oculum ſunt, extra in parietibus mentiuntur.

In cerebri diſtillationibus, iris circa lucernam apparet, quę intra oculum cauſatur. Prop. 4.

ARISTOTELES in meteorologicis ait circa cādelas, ut plurimum Auſtralibus ſtantiſbus hyeme tota iris fit, & maximè manifeſtam fieri humidis oculis habentibus, nam horum viſus propter debilitatem refrangitur: idq; fieri aeris humiditate, & ab euaporatione à flāma deſluente, & miſta, tunc enim fit ſpeculū, & propter nigredinē, ſumoſa eſt enim euaporatio illa. Sed iris lucernæ ab ea in hoc diſfert, qđ id lumen non albū, ſed purpureū apparet circulariter, & irinum, non autē puniceū, eſt enim, & viſus paucus, qui refrāgitur, & nigrū ſpeculū. Seneca. In balneis quoq; circa lucernā tale qđdā aſpici ſolet, ob aeris denſi obſcuritatē, frequentis imē aut Auſtro, quū celū maximè

grauē, & spissum est. Alexander, & reliqua Peripateticorū turba ab eo eadem. Profectò huius seculi pluries calamitatem deplo-
raui, vt si aliquis primo erret, omnes mox suas captiuantes
opiniones, primum errorē sequuntur, sed quomodo id fieri pos-
sit, quamplurimis diebus aduigilaui, tandem multa cōtrariari
cognoui. Et primo. Si lumen candē & oblongum, vel pyramida-
le est, cur igitur iris nō est oblonga, vel pyramidalis: si ab omni
luminis parte æquales lineæ proiiciuntur? Secundo. Si circa
candelam est, cur accedendo minuuntur, recedendo maiores
fiunt? Quod contrarium esse deberet, nam quæ longius distāt,
minora videntur. Tertio papyrum perforando, & opponēdo lu-
mini candelæ, & papyrus sit media intra oculum, & candelam,
tunc non circa candelam videtur iris, sed supra papyrū. Quar-
to si Aristotelica causa eueniret, non videretur iris, nisi Aulro
flante, & ære humido existente, & oculis ophthalmia laboran-
tibus, sed solum oculis laborantibus semper videtur iris, vel ca-
lido, vel sicco aere, flantibus septentrione, Zephyro, & alijs,
non ergo ex illa euenit causa. Sed veritas est, quod iris non cir-
ca candelam sit, sed intra oculum, nam si circa candelam, non
iam ex dictis experiētiis, nec in medio aere fieri potest, non
alibi igitur quā intra oculum, & si intra oculum non alibi,
quā in humore aqueo. Radij enim lucernæ pertranseuntes hu-
morem aqueum, qui non tunc lucidissimus, & pellucidissimus,
vt in sanitate, sed in ophthalmia, vel distillatione laborantibus
fit roscidus, & quasi guttulis congelatus laterales radij per-
transeuntes, & se refrangentes intra oculum colores generant,
vt culpis illa tricolor efficiatur, nam primo lumine flauus, po-
stremo, quod crystallinum tangit, purpureus, vel cæruleus,
viridis in medio, qui omnes ad refractionum loca percurrentes,
circulum circa candelam rotundum efficiūt, quia rotunda pu-
pilla est, & qui primus crystallinum tēgit, superior efficitur ha-
lurgus, qui ceratoidem flauus, & lumini proximior. Clarioris
intelligentiæ gratia exemplum apponemus.

Sit candela A, cuius radij perpendiculares pertranseunt ir-
refracti, obliquus BF, ferit pupillam F, refrangitur à cornea in
contrariam partem quia eis centricam GN, & accendit ad G,
crystallinum, extenditur in D, cathetus ex luminis centro N, &
re visa B, trahitur, occurritq; FD in P: ibi ergo color proximior cry-



crystallino ceruleus. Vnde circulus P E D Q ceruleus. Si enim ex oculi centro traheretur cathetus, nō concurreret cum linea incidentiæ. Causa, quod quanto te elongaueris à lumine, eò maior circulus iridis augefcit, est, quod pyramidis lineæ quanto magis producantur, latiore spatium intercipiunt. Quod solum suffusionibus, distillationibus, vel ophtalmia laborantibus videatur circa candelam iris, & non Euro, vel Austro flantibus, vel aere humecto existentibus, & candela fuliginosum aerē faciente; consulant Medicos, & præcipuè Demosthenem medicum, dicentem in suffusionibus, ubi ad pupillam humores descendunt, offundunturq; aliqui circa lucernam circuli videtur.

In vertigine omnia circumuerti videntur, quæ firma manent, sed humores intra oculos mouentur. Prop. 5.

THEOPHRASTVS vertigines fieri putat, libro *πρὶ τῶν αἰσθητικῶν*, vel quum spiritus alienus circa caput venerit, vel ab humiditate, vel à circulari capitis motu, hæ causæ cerebrum inuadentes, vel afficientes afficiunt, vt omnia circumuolui videantur, nil enim in visu differt. Vtrum intrinsecus, aut extrinsecus mouens sit. Aristoteles in problematis rationem reddēs, cur ebrijs omnia circumferri videantur, dicit quod visus mouetur à vini calore, & videntur res moueri, nihil enim interest an visus moueatur, an res cōspectui obuia. Circulariter moueri videntur, quia res visa conus basis est, & quum visus rem con-

spe-

spectam nō deserat, circumferri videt. Aphrodisæus clariùs loquitur. Vinum haustum vaporosam spirituum exhalationem ad cerebrum mittit, qui spiritus quū digeri, & consumi nequeant, prius quā tēporis spatio concoquantur per cerebrū voluuntur, & perturbati ita per conspectuos nervos ad pupillam profluunt, faciuntq; vt obuiæ res tales videantur, quales ipsi sunt: affectum enim interiorem foris esse imaginamur, quō sit vt vertigine tantisper tentemur. Mihi verò aliter videtur: nā fieri non potest, vt spiritus ad cerebrum perueniētes per opticum neruū transeant, cuius tam angustus est aditus, si verè aditus est, vt vix quicquam admittat, & in oculū intromissus à retiformi tunica, & à crySTALLINO præpeditur, ne in aqueum humore pertranseāt, nisi enim illuc peruenierint, non perturbabunt visionem. Neq; res secundum circulū se mouentur, qui basis est visionis, vt Aristoteles inquit, quia falsum est, & res se habet aliter in visu. Nulla res extra videri potest intra oculū, nisi quæ in aqueo humore, aut cornea fuerit. Incalescente igitur cerebro aut vino, aut ali quo symptomate facit, vt vicina quoq; ferueant, oculi enim cerebro maximè propinqui sunt, igitur incalescunt, quæ calescūt in vaporem soluuntur, qui si liberè spatium datur, in aurā abit, si concluditur, nam teratōide consēpitur, circa eam vertuntur, vt accidit in bullientis aque lebere, incalescens enim vino latere circumuertitur aqua, sic vapores radialem pyramidem commouentes, facit vt res à suo loco moueri videantur, non circulariter, vt dicunt, sed à dextro ad sinistrum, vt semper pergāt ad sinistrum, & nunquam perueniat. Idem accidit respiciēdo lapides sub aquis fluij defabentis, nam moueri, & excurrere videntur quum suo loco non redeant, & quanto longius res cōspecta erit, eo magis circumuolui videtur, proprius verò minus.

Res vna, Imo oculo cōspecta geminata videri potest. Prop. 6.

ARISTOTELIS in problematis rem vnam plures videri posse probat, idq; multoties vinolētis accidere, atq; euenire, vt quum visus cōmoueatur, nunquam quiescat in re cōspecta, & quod eodē tempore variè cernitur, aliqua prius, aliqua serius occurrunt. Visus enim visibilia percipit tēpore interposito,

sito, id ergo quū sepiſsimè contineat fieri viſum, videbitur res repetita, vt duo ſint. Sed obſcurè admodum Ariſtoteles loquutus eſt, veritatem naſti lucidioribus verbis rem aperiemus. Diximus in præcedenti, quòd res circumferri videbatur, quæ ſuo loco manebat, quia vapores ab humore aqueo eleuati intra oculum circumferebantur, nunc eadē de cauſa ſi vapores non circumuoluuntur, ſed rectà mouentur, vel tumultuariè pulſantes, & commouētes pyramidum latera, res vna quæ hoc modo videbatur, eodē quali temporis momento, alibi conſpicitur, & quia viſio, & diſcretio, vt Ariſtoteles dixit, ſit in tempore, quia in ea viſione citiſſimus eſt motus, res vnā plures vidētur. Exemplum habemus in igne, quē ſi aliquis citiſſimè circumuoluet, circulus igneus apparebit, & in trochis, quī citiſſimè circumuertuntur, punctus in baſi, circulus videbitur ſic, & in mola piſtrini. Vnde ex vehementiſſima motione vaporum in aqueo humore, duæ res videntur vna. Auerroes in ſenſu, & ſenſili dicit viſum nō videre, niſi habuerit integrum organum, & non perturbatum. Iracundus quoque in hora ſuæ iræ ex feruenti corporis, & ſanguinis calore viſus intercipitur, & ſimplicem rem duplicem videbit, nam vt ebrietas, ita ex iræ excaſcentia vapores ex aqueo humore ſuſcitantur. Auicenna plures cauſas aſſert, præcipua innititur his, quod vbi coeunt optici nerui, ibi duæ imagines duorum oculorum videntur vna, ſed vapores, vel humores ex cerebro ſcendentes, & neruos concutientes faciunt, vt res vna plures videantur. Pentheus ſurijs agitatus quæ ſimplicia erant duplicata videbat. Virgilius,

Eumenidum veluti demens videt agmina Pentheus

Et Solem geminum, & duplices oſtendere Thebas.

Et Ariſtoteles etiam cauſam ad opticum neruum refer t. Initia conſpectus à vino commouentur, & totum caput ſollicitatur, & quum initia conſpectus mouentur, idem ſe applicare non quit, ſed quali partem rei obiectæ, viſ vtraq; conſpiciendi attingit, meritò igitur res vna ſuſpicionem recipit geminationis, quod idem & oculo ſubter oppreſſo ſolet euenire, conſpectus enim mouetur initium, vt ei coire cum altero non ampliùs liceat, ſed hic motus extrinſecus eſt, vini autem intrinſecus eſt, nec quicquam intereſt, idem enim ſequitur qualiter cunque aſpectum commoueris.

In delirijs multa simulachra videntur, quæ nusquam sunt.

Prop. 7.

AIT Aphrodiseus. Qui per febrem arduam delirant, atq; infaniunt, ijs de cerebro ipso vapores ad conspectorium spiritum funduntur. Auerroes in colliget. Quod propter aliquam ægritudinem, aut propter timorem, aut mestitiam soluitur quidam vapor, qui cerebrum peruadit, imprimendo in illud optatæ, aut formidatæ rei simulachrum, mouetq; vna spiritum animale, & motus ad imaginationem vsq; peruenit, deinde eodem spiritu communẽ sensum mouet, qui particulares vnde res, quæ intus agitur, foris existimatur. Hæc Auerroes. Sed humor melancholicus, vel mania vim habet aliquando, vt idola reseruata in memoria in vigilia videantur, quæ in somno videnda erant. In somno feruntur idola ad communem sensum, qui est in corde, sic nobis repræsentat præterita, ac si præsentia essent. In furore verò, & mania quum organa intus perturbentur, neq; suum seruant ordinem, ea nobis extrinsecus videntur, quæ oculis non aspicimus, non enim verè videntur, sed imaginatione, Philosophi phantasmata vocant, & exteriori sensorio deferri dicunt. Memini quum ipse ardenti febre laborarem, & iam morti propinquus, videbam propè cubile heremitæ è sacello egredientem, ac campanas pulsantem, quumq; eum rogarem ne importuno sonitu cerebrum excrucicaret, mihi in ludibrium linguam exerebat, qua de re maximè angebar, neque ea phantasmata ante oculos mihi videre videbantur, sed veluti somnium vigilantis. Sic fuit & phantasma Cai Cæsij, quando sibi in medio pugnae in campis Philippicis Cæsar apparuit minabundus, & cuius vultu ob terrorem aufugiens dixit, quid aliud superest, si occidere virum parum est. Orestes furij agitatæ semper videbat matrem ab eo occisam, & furias perferre. Vnde inquit apud Euripidem.

*O mater obsecro te ne mihi immiseris
Sanguinolentas puellas, & serpentibus horridas
Ipsæ enim, ipsæ iam proprius me impetunt,
O Phæbe necabunt me aspectu canino truces
Terribiles inferiorum Sacerdotes tremende Deæ.*

Virgi-

Virgilius.

*Aut Agamemnonius, scanis agitatus Orestes,
 Armatam facibus matrem, & serpentibus atris,
 Quum fugit vltices sedent in limine diræ.*

Sic & multa fieri accidunt, quæ à dæmonibus putantur.

Phantasmata foris videri possunt, quæ sunt intus. Prop. 8.

NOS quibusdam propinatis possumus facere, vt quis ea foris videat, quæ intus in cerebro, & in imaginatione sũt, idq; facillimè ex iam adducta ratione, Evino, & cibis sursum feruntur vapores, secum naturam editarum rerum ferentes, atque cerebrum inuadentes imagines, & phantasmata imprimũt, ex quibus orta sunt, at si venenosa quædam admiscuerimus, & organa, & rerum ordines perturbabunt, vt quæ intus fiant, foris putet, nec affectus discernere poterit. Quũ puer essem mandragoræ vinum mancipio meo propinaui, & non multo temporis interuallo horribilia phantasmata se videre dicebat, à bubus cornibus impeti, quod non alia ratione contigit, nisi quia bouinam carnem paulo ante comederat. Maniaco solauo, vulgo bella donna dicto, & stramonio in vini spiritu propinatis, cum quorundam auium, & quadrupedum cerebro, effeci, vt qui id hauserant, se in eiusmodi animalia conuersos dicerent, & admirationem, risum, & cachinnum spectatõribus patebant maximum, de quibus alibi pertractauimus: & simile videtur id arte factum, quod euenit natura in febribus. Nec mirum si aliquando foras aliquid putamus fieri, quod intus habemus.

Aliqua maiora videri, quæ verè non sunt. Prop. 9.

QUOD videndi instrumentum aqueum futurum, iam supra demonstrauimus, sed Deus Opt. Max. ne per aquam in viu uociperemur, ad eò tenuissimam illam creauit, vt vix ab aere tenuitate deferret. Sed hæc aqua in distillationibus cerebri, & in suffusionibus crassescit aliquãdo, ad eò vt veram visionẽ conturbet, vt non solum irides videamus, sed res aliquato maiores,

Y quàm

quàm sint, & in visu facillimè decipimur, vnde putamus res foris maiores esse, quæ non sunt, sed humor oculi crassior factus. Et idem est crasso oculi humore videre res in suo esse, quàm sano oculo pyra, vel cerasa aquis mersa, nam multo maiora, quàm sint videntur, vt diximus. Valerius Flaccus.

Qualis in Alcidem, & Thesea Rhæsus iniqui

Nube meri, geminam Pholoen, maioraq; cernens

Astra ruit.

Affectiones in oculis seruatas, in conspectis rebus videmus. Prop. 10.

DECIPIMUR quoque in visu, quum affectiones vehementium visibilibus adhuc in oculis seruamus, & alias res inspicendo, eiusmodi effectibus affectas videmus, alteratis enim instrumentis, non instrumenta, sed obiecta putamus alterata. Exemplum erit, quum Solis fulgorem, aut globum aspiciamus, aut reflexam lucem ex speculis: vel politis corporibus, amoto enim Sole, remanet adhuc in oculis splendoris affectio, & quæcunq; spectamus primo flaua, rubraq; , mox viridia, cæruleaq; : & quousq; affectio illa oculis asseruatur, eousq; obiecta alterata conspiciuntur. Qui diu rotas circumuoluentes aspexerint, & si alio transferant oculos, etiam rotata vertigine omnia circumuolui videbit, quia adhuc in oculis species illa rotationis asseruatur. Sic etiam quum rapidos, & præter fluentes fluuios spectaueris, quæ deinde videbis etiam aufugere putaueris, dum affectionis reliquiæ in oculis perdurabunt.

Ascendentem solem quasi circumuolui videri. Prop. 11.


REMANET hoc absoluamus problema, quod non mediocris literaturæ viros distorsit, cur ascendentem solem inspicendo, illum quasi in se ipsum circumuolui videmus, sic etiã & descendentem in occasu, idem etiam euenire videmus in cuiusq; fulgoris repentino occurfu. Cuius ratio est, quia ex repentino cum solis, cū cuiusq; fulgoris occurfu, pupilla, vt diximus, illico constringitur, cuius constrictu humor aqueus commouetur, & quia circularis pupilla, circularis eius erit commotio,

com-

commotio enim humoris in causa erit, vt quæ foris videantur, circumuolui appareant.

Rerum apparentium distantias intra oculum distingui. Prop. 12.


QVAE hucusq; rationes adduximus, non aliò nostra intendit intetio, nisi vt demonstraremus quomodo nos distinguimus magnitudinum distantias, scilicet vt res vna ab altera distet, res tam arduæ difficultatis, quod inquirentium philosophorum animos nò parum distorsit. Sed aliorum opiniones repetamus. Aristoteles nò alio modo res inter se distare comprehendendi posse dixit, nisi inter vtramq; intermedio cognito, cuius opinionem tum cæteri philosophi, tum perspectiui sequuti sunt. Plotinus Platonius quæritur cur remotissimæ à nobis magnitudines, & si inter se distantes stadio videtur minori inter se spatio distare: aitq; quod vbi confusius formarum cernimus varietatem, ibi nec quantitatem interualli discernimus, vt alibi longius prosequuti sumus. Nobis verò rem tam arduam perpen-



dentibus, ita diiudicare visum est. Quemadmodum in speculis conuexis res oppositæ omnes in semetradio ex cetro ad circumferentiam perspiciuntur, ita & in oculo ad conuexi speculi

formam conformato enenire existimamus: nam res quæ speculo propinquior est, proximior superficiæ apparebit, & quæ longius centro vicinior, sed verè rei visæ punctus est vbi linea formam oculo referens, cathetum à speculis centro ad visam rem ductam interfecabit. Cuius exemplum apponamus.


Sit conuexum speculum D E F, oculus A, res visa altera longior B, altera propinquior L, per punctum speculi D video rem B, quia angulus A D C æqualis angulo C D B, extendatur A D in lōgum quousq; occurrat catheto ex H centro speculi ad rem visam B, & erit in G, sic res visa L per punctū E videtur ab oculo A: quia anguli A E I, I E D pares sunt, extensa A E occurret eidem catheto in F, propinquior speculi superficiiei D E. Sed hæc ad oculum traducamus afferamusq; exemplum.



Sit oculus GLIDH, centrum eius F, sint duæ magnitudines altera remotior A, altera propinquior C, sit centrica FEDB, & veniat A magnitudo ad L pupillam, descendet in'D, ad centricam in FB, & C per L pupillam extendatur in E, sublimior est E ipsa D, quia quanto depressius venerit, eò altius feriet centricam, & quanto dexterior punctus erit, dexterior cornea, & crystallinum feriet, & ibi oculus discernit veritatem, & estimabit foris. Sed de his fusius in libris de Speculis. Hinc etiam provenit cur natura rotundum oculum affirmarit, quia omnem figuram capere potest, non autem planum.



LIBER OCTAVVS.



P R O O E M I V M.

SUPERIORIBVS libris de conue-
xa, & concaua corporum refractione di-
ximus, ex ijs enim, nec aliunde adductis
primordijs specillorum tractationē ag-
gressi sumus. Res ardua, mirabilis, vti-
lis, iucunda, nec ab aliquibus adhuc tentata. Utilitatis
equidem amplitudinem nequeo satis mirari, quum qui
ferè lumine orbatī sint, eorum ope, etiam ad longissimam
distantiam elongent visum, nec eorū causam cognoscunt.
Nos ijs præcognitis, mirabiliores eiusmodi effectus asse-
quuti sumus, vt longa loci intercapedine distracti, minu-
tissima quæq; conspici possimus, ne hoc nostro instituto
in actum omnino aliquod relinquamus. Sed lectorum ve-
niam præcamur, si quæ minus probata, omīssa, & manca
in lucem prodeunt, arduum est enim sine duce in tenebris
per ambages ambulare. Sed rem aggrediamur.

Lucem

Lucem ex refractione multiplicari. Prop. 1.

LVX diaphanum corpus peruadēs multiplicatur in corpore ipso, sed quomodo id eueniat, inquirere tentandum. Vitellio id euenire dixit ex radiorum coadunatione, & coarctatione, vt videtur in phiala aquæ plena, quæ nō solum maius lumen ostendunt, sed vrunt. Sed iste homo nescit aliud esse radiorum coadunationem, & multiplicationem: neq; de omni refractione loquitur, nam est, quæ non vnit, vt in corporibus planis diaphanis. Nos autem dicimus multiplici id ratione euenire. Primo quia in ipsa refractione est simul reflexio: nam extrema aquæ superficies leuigata est instar expoliti, & prænitentis speculi, vnde ex ea reflexi radij circumfusum aerem sublustrāt, parietesq; oppositos lumine vulnerant, immo ex aquæ motu mouentur & illi. Virgilius.


Sicut aquæ tremulum labris ubi lumen alienis

Sole percussum, aut radiantis imagine Lunæ

Omnia peruolitat late loca, iamq; sub atris

Erigitur, summaq; ferit laquearia tecti.

Et ex superiori radiorum reflexione etiam in corpore diaphano splendor acquiritur. Secundo euenit ex refractorum radio-




rum reflexione, nam ex offensante vltima vasis, vel corporis superficie,

perficie resiliunt radij, & ad summam superficiem delabuntur, & ex superiori iterum ad infimam. Sic ex multiplici, & mutua superficièrum reflexione maius lumen ingeritur. Vt videmus in speculis Soli, vel candelę oppositis, ex mutua enim superficièrũ reuerberatione radiorum ex obliquo, quamplurimę cõspiciuntur candelę, & si vnica existat. Exemplum.

Esto oculus B, candela A, speculum, cuius suprema superficies FG, ima IH, candelę lumen ferit L, resilit ad oculum eius imago per lineam LB, peruenit ad C, resilit per lineã CB, mox relabitur ad D, resilit per DB, sic etiam ex E, vnde quatuor locis eius imaginem videmus, & quanto obliquior visus, eius multiplicior figura. Est & alia causa, quod lumen lucidũ corpus peruadens, eius luciditate induitur augeturq;.. Lux transiens rubrum vitrum rubra perspicitur, & si vitrum impurum, minuitur lumen, sed per nitidum crySTALLUM, clarior, splendidiorq;, ex his per crySTALLINA specilla clariora omnia, & nitidiora conspiciamus. Per clariora igitur diaphana corpora illabens lumẽ, augetur, multiplicaturq;.


In specillis conuexis inuersionis punctum inuenire. Prop. 2.



PVNCTA concursus refractarum linearum tam conuexi, quàm concaui corporis, sunt puncta inuersionum. Puncta concursus secundo libro prop. 3. determinauimus in crySTALLINA pila, & punctus inuersionis non alius, quàm concursus radiorū ex oppositis in circulo partibus, vti ex sinistra in dextram, aut ex dextra in sinistram, & sursum, deorsumq;. Exemplum.


Esto vitrea semisphæra C I G E, & incidat radius D E, tangēs latus exagoni C E, quę supra E sunt, ad rem nostrā non faciunt, nam intra crySTALLI corpus refranguntur, quę infra I minus: nam languescunt circa diametri lineam A B, radij ergo incidentes intra sphærę partem G I, & intra perpendicularem lineam L B refranguntur, ibi sunt inuersionum puncta, & ibi radiorum coadunatio, & concursus.

In conuexis specillis posito oculo in puncto inuersionis magnitudinis, imagine specillum complebitur. Prop. 3.



Esto opposita magnitudo AB , conuexum specillum GH , veniat B punctus ad I , per secundam secundi, frangitur in L , & per quintam refrangitur ad M oculum. Eodem modo punctus A veniat ad N , frangatur ad O , mox refrangatur ad oculum in M . Extendantur catheti ex punctis rei visæ AB , & per centrum inferioris superficiæ specilli Q : Sic AQ occurret ML in D , & BQ occurret MO in E , totum specilli spatium occupabitur imagine AB , & nil determinatum, sed omne confusum videbit, est enim oculus in M inuersionis puncto.

In conuexis specillis magnitudo posita in puncto inuersionis, eius imagine totum specillum occupabitur. Prop. 4



ESTo visenda magnitudo AB , centrum inuersionis Q , propè magnitudinem AB . Veniat punctus B ad I , frangitur ad L , ex L frangitur ad oculum M longe existentem. Eodem modo A punctus venit ad N , ex N ad O , & ex O ad oculum M . Extendantur MO , ML ad cathetos ex centro C productas, & puncta AB , sic occurret CB ipsi ML in D , & CA ipsi MO in E , occupabitur ergo totum specillum.


in E, punctus B in E videbitur. Sic A venit in O, & in R, & in F oculum, extendatur F R occurret catheto ex C A in D. A B magnitudo recta videbitur in D E. Elongetur oculus in G. Venit punctus B ad I, ad P, ad G oculum, elongetur G P occurret eadem catheto in T. Eodem modo A venit in M, mox in S, inde ad G: elongata G H, occurret catheto eidem C H in V, etiam recta magnitudo videbitur, & minor, quanto oculus magis elongabitur.

In conuexis specillis oculo specillo propinquo, magnitudine propè, ut procul posita, semper recta videbitur. Prop. VII.



EST O magnitudo specillo propinqua A B, veniat punctus B ad specillū C, refrangatur ad D, ex D refragatur denuo ad E, extenditur E D in F, trahaturq; cathetus ex G centro, & B, & occurret E D in F. Eodem modo punctus A occurret catheto ex G A in H, & recta erit magnitudo. Remanente oculo in suo situ, elongetur magnitudo A B in I L, veniat punctus L ad M, inde refrangatur ad N, & ex N ad E, extendatur E N in O, & trahatur cathetus ex G per L, occurret ei in O, ibi videbitur L. Eodem modo L videbitur in P.

In conuexis specillis magnitudine, & oculo longè positis, inuersa videbitur magnitudo, & propinquior. Prop. 8.



MAGNITUDE AB longè existente, & oculo E. Veniat Bad C, refrangatur ad D, & ex D ad oculum E, extēdatur ED quousq; coincidat cum catheto, quæ extendatur ex puncto B, & centro circuli inferioris superficiei F, & puncto A, & erit G. Eodem modo A punctus ad H, ad I, ad E oculū, extēdaq; EI, coincidet in M cum catheto FB. videbitur inuersa, & minor, & propinquior.

In conuexis specillis quanto oculus, & magnitudo magis elongabitur, minor videbitur, at utroq; accedente maior. Prop. 9.

EX superiori propositione quanto magis magnitudo AB recesserit, eò incidentiæ lineæ ad specillum angustabuntur, & cathetus ex centro circuli, & rei visæ veniens declinuius veniet, & res minorabitur, contra verò in accessu vtriusq; incidentiæ lineæ dilatabuntur, & catheti magis rectæ accedentes, lineas formas deferentes excipient, & imagines maiores videbuntur.




Veniat prior longinquior magnitudo A B, cuius punctus B, venit ad D, refrangitur in E, mox ad oculū F, elongetur E F quousque coeat cum catheto ex B, & centro circuli C, erit in G. Ex alia parte punctus A ad H, mox ad I, mox ad F, extenta I F coincidet cum catheto ex A C in L, erit magnitudo A B, G L, vt in præcedenti. Accedat magnitudo A B proprius, B veniet ad M, ad N, ad F, extenta N F, coincidet in O cum catheto ex B C, sic A in P, maior est magnitudo O P, quàm G L.

In specillis conuexis magnitudo intra centrum oculis quanto ei propinquior tanto maior. Prop. 10.

SIT magnitudo remotior à circuli centro A, ipsa B C, veniat punctus C ad L, inde ad N, mox ad oculū T, extendatur T N vsquequò coeat cum catheto ex A, & puncto rei visæ C, & coabit in I. Sic punctus alter B, videbitur in H. Sit verò magnitudo proprior ipsi A ipsa D E, veniat E ad M, inde ad O, tandem ad oculum T, extendatur T O quousque cum catheto ex A, & E, & erit in F, ex altera parte erit G, erit igitur F G maior ipsa H I.


Magni-




Magnitudo obliquè ad conuexum specillum veniens, longè à suo loco videbitur, euenitq; interdum ut utraq; conspiciatur.

Prop. II.

Sit magnitudo, A veniat ad specilli partem B, refrangitur ad C, venit ad oculum B. extendatur D C in E, mox ducatur cathetus per A, & F centrum circuli, occurret linea imaginem deferenti in E. Punctus igitur A longe ab A videbitur, nempe in E, trahatur ab oculo D linea D A, extra specillū vtramq; videbis, & magnitudinem A, & magnitudinis imaginem E.




In conuexis specillis magnitudine binis oculis opposita duplex videbitur. Prop. 12.



MAGNITUDO A binis oculis opposita HE duplicata, videbitur. Veniat punctus A ad C, ex C refrangatur ad D, & re-

& refrangatur denuo ad oculum E dextrum. Idem punctus veniat ad specillum F, mox frangatur ad G, & refragatur ad oculum H sinistrum. Trahatur cathetus ex A puncto rei visæ, & specilli centrum B, erit ABLI, occurrit extentæ ED in I. & HG in L, ab oculo igitur dextro E videbitur magnitudo A in I, ab oculo sinistro H videbitur in L, clauso dextro peribit imago I, clauso sinistro L.

Connexis specillis soli oppositis ignis accenditur. Prop. 13.



CORPVS solare à quo radij profluunt æquidistantes A B C D E F G, labuntur ex specilli superficie extrema H I L M N O P ad imam se refrangentes Q R T V, inde exeutes ad perpendicularē omnes coeunt D M S X propè puncta S X, ibi ignis accenditur, vt diximus in pila chrystallina.


Senes connexis specillis clarius vident. Prop. 14.

DVPLEX est causa cur senes connexis specillis clariùs, & perfectiùs cernant. Primo quia in senectute relaxatur pupilla, nec solum pupilla, sed omnia membra, & membrorum retina

tinacula, vt laxiùs lotium, & fæces retineant, ex laxitate igitur pupillæ radij liberiùs vagantur, & rem laxam, & minus certam cryſtallino reddunt: at conuexis ſpecillis ſimulachri radij coeunt, & arctiùs pyramis colligitur, vt vidimus in præcedenti, vnde naturæ vitium rependunt congregando ſpecilla conuexa ſimulachra. Altera cauſa eſt, quod ſenibus vitreus humor fæculentior, & impurius redditur, vt in prima propoſitione huius libri probauimus, intro permeans lux per cryſtallum clarior, fulgidiorque redditur, & naturæ defectus alter ex pituita reſarcitur.

In concauis ſpecillis res ſemper minor videbitur. Prop. 15.


SI magnitudo A B, venit A punctus ad concauum ſpecillũ D E, in punctum I, & ex I frangitur ad M per tertium quinti noſtri. Ex M refrangitur ad G per quartum ſupradicti noſtri in contrariam ſcilicet partem, extédatur G M, occurrit catheto ex C, circuli extimi centro, & puncto A in O. Eodem modo B ad H venit, frangitur ad L, refrangitur ad F, extenditur ad N, vbi occurrit catheto ex C B in N, ſemper O N erit minor A B, quia franguntur intus.



Aa

Longe

In specillis concavis magnitudo obliquè venient longe d suo loco vi-
detur, & interdum utraq; conspicitur. Prop. 17.



SI magnitudo G, veniat ad specillum D F, frāgitur ad C, re-
frangitur ad oculum H; elongetur H C quousq; occurrat ca-
theto ex G magnitudine, & E centro, & occurrat in A, ibi igitur
videbitur G. Ex oculo etiam H videbitur G magnitudo ex-
tra specillum D E in G, vtranq; igitur magnitudinem vidēt ve-
ram, & veræ simulachrum.

Specillo concauo soli opposito ignis non accenditur .

Prop. 18.

E Sro sol, cuius radij æquidistantes, & perpendiculares
 A B C D E F G. cadant recti ad concavam superficiem spe-
 cilli, A H, B I, C L, D M, E N, F O, G P. & H frangatur ad Q,
 I ad K, L ad S, N ad T, O ad V, & P ad X, & refrangatur Q ad



Z. R ad I. S ad Z. DM mansit directe T ad 4. V ad 5. X ad 6. nō igitur vniuntur, sed in contrariam partem dilatantur.


Visu debiles concavis specillis acutiùs vident. Prop. 19.

IVVENES, qui arcta sunt pupilla se vitreo humore, qui in oculo continetur non claro, duo requirerent, & quæ simulachra dilatarent, vt refarciretur vitium pupillæ, & quodammodo vnirent, & quodd lucem clariorem redderent, duo hæc præstat concavum specillum, nam & simulachrum quodammodo vnit, vt ex refractionibus intra viri soliditatē apparet, & quodammodo aperiret, vt videmus lineis in aduersam partem refugientibus: & lux pertransiens visum multiplicatur.





LIBER NONVS.



P R O O E M I V M.

I O Q V E M V R hoc libro de iride, & de coloribus, qui ex diaphani & fulgidi mislura exoriuntur, in quorum investigatione plus quadraginta annis toto animo insudauimus, & Dij faxint, vt aliquid boni naſti ſimus. Res difficiliſ, admirabiliſ, & humanum captum excedens, ob id veteres Poetae Tautantis filiam vocauerunt. Sed negotium auſpicemur.

Lucem coloris expertem eſſe. Trop. 1.

L V x ſui natura ſplendida, tenuiſ, & coloris experteſt. Splendida quia ea ſplendente cuncta nitent, & videntur. Tenuiſ eſt, quia nullo temporis momento pellucidam raritatē transmittit. Nullo colore intaminata eſt, quod colorum omniū hipotheſiſ futura erat. Rationeſ, quibuſ noſmetipſoſ perſuade-
mus excolorem eſſe, hæ ſunt. Recipienteſ debet eſſe denudatum à natura recepti, materieſ primæ quia quæq; formeſ acceptura erat, ideo omni formeſ orbatam dicit. Chamæleon nullo co-

lo colore spectatur, ut omni momento versi coloris mutationis esse possit, nam subinde colores mutat, totoq; corpore reddit quoscunque attigerit. Sic & polypus. Superiori libro de visione, diximus lucem omnem visibilis obiecti colorem indui, eundemq; nostris obtutibus, deferre, unde si aliquo colore conspurcaretur quomodo sincera, non spuria, adulterataq; è corpore fluentia simulachra oculis remittere potuisset? Lux enim haudquaquam inoffensæ perspicuitatis per rerum colores illabens, seseq; eis permiscens, falsa colorum specie visum nostrum deludit, in sepum accensa, pro cæruleo viride, pro viridi flavum, pro flavo album, & omnia deniq; sua ci trinitate defædat. Pictores, & textores qui colores lucernis seligunt, falluntur, alterum pro altero substituentes. In officinis ærarijs, lumen albedinem fuscam, roseum squallidum, & tandem spectantium ora diro pallore effusa repræsentat. Idemq; in accenso sulphure evenit. Altera ratio. Lux est colore viduata quia tenuissima, ne dicam incorporea, nam color corporis est accidēs, quomodo igitur colorata esse potest, si est corporis expers? etsi colorata esset videretur. Lux per duo foramina transiēs intra cubiculum, ut nil in medio attingat, non videtur, igitur sine colore. Sed è Sole unde emanat, sorditudinis nescia per cælestes orbes pura transmittitur, at sublunari hoc mundo per elementa fluens, tingitur, inficiturq;, ut oculis nunquam sincera occurret nostris. Non igitur lux alba, ut Aristoteli visum est, nisi eius affectatores pro alba excolore interpretarint: sed debent, qui docent castigatè loqui, ne ipsi, & legentes in præcipites salebras incidant, nullibi enim alba, pallidaq; lux conspicatur, nisi accenso in sulphure.

Colores fulgidos haudquaquam ex luce, & opaco fieri. Cap. 2.

LUCEM fulgorem tantum ex colore diximus, nunc autem quomodo ex luce fulgidi colores oriātur vestigare tentandum. Sed primum maiorum placita discutiamus. Putabant veteres ex opaco, & varia lucis positione colores fulgidos fieri, in exemplum adducebant columbarum ceruices, quæ utcunq; despectantur, varias colorum species demonstrant. Disertissimi

me Nero Cæsar dicebat.

Colla cytheriaca splendent agitata columbæ.

E varijs quoq; coloribus pavonû cervix, quoties aliquo defleſcitur, nitet, ex varia lucis positione, quam prout rectam, vel obliquam receperint, ita coloratur. Lucretius.

Qualis enim cæcis poterit color eſſe tenebris

Lumine qui mutantur in ipſo, propterea quòd

Recta, aut obliqua percuffus luce reſulget?

Pluma columbarum quo pacto in ſole videtur:

Quæ ſita ceruices circum, collumq; coronat.

Namq; aliàs ſit uti rubro ſit clara pyropo:

Interdum quoddam ſenſu ſit, uti videatur

Inter cæruleum virideis miſcere ſmaragdos.

Caudaq; pavonis, larga cum luce repleta eſt,

Conſimili miſt at ratione obverſa colores:

Quin, quoniam quoddam gignuntur luminis icſtu,

Scilicet id ſine eo fieri non poſſe putandum eſt.

Et Cicero Academicarum quæſtionû ſecundo ait. In columba plures videri colores, non eſſe plus imo. Sed puerile proſecto putandû eſt ſplendidas columbarû penintulas vnius eſſe coloris, & varijs lucis icſtibus illuſtratas differêti ſpecie ſeſe oculis exhiberi, nã & diuerſi inibi ſunt colores, ut ſi aliquas è collo pennulas extraxeris clarè contueberis. In dextra enim parte halurgum in ſiniſtra viridem, infra rubidû, ſupra nigricantem colorem pennularum partes radiâtes, etſi ſit vario etiam lucis circumflexus eoſdem ſemper conſpicias, at ſi collum contorqueat, priſtinus color, qui prius nobis erat conſpicuus obliteratus deliteſcit, inde ad ſuum locum rediens, vernaculus denovo reuiuifcit. Si collum ſupra obuertit, purpuraſcit, ſi conuertit, opacatur, non igitur ex opaco à luce colores effici poterunt. Ariſtoteles & Peripatetici omnes ex opaco, & luce fulgidos colores gigni conſtituntur: ſed hoc falſum eſt, quia opacû lucem repercutit, non recipit, nec cum eo lux poterit ſe commiſceri. Sed error inſimulandus, quum per opacum eius aſſectatores diaphanum intelligant. Sed cur diaphonum luci peruium, opacum imperuium definiunt?

Colores fulgidos ex luce, & densiore aeris diaphano generari.

Prop. 3.

COLORES alij ex mutua elementorum commixtione nascuntur, & hi dignum per se tractatu studium habēt, & alibi de eis locuti sumus, nam & fulgidi nō sunt. Sunt & quasi fulgidi colores alij, qui ex vaporibus, nubibusq; ex luce gignuntur, quum densa, coactaq; & temerē ex diuersis partibus composita non pellucēt, nec lucē transmittunt, sed summa cute recipiunt, vt in solis ortu, eius lucis occursum multos colores trahi, alios rubeos, alios virides, alios aureos, vel nubes partem rubei, & partem ignei coloris infici. Sed de his posterius loquemur. Sed & alij colores ex lucis, & densioris aere diaphani refractione orientes, & hi pulcherrimi sunt, fulgentes, floridi, hilaresq;, & adedō nitent, vt à pictoribus fingi non possint: gignuntur enim ex sole, & substantia peruia, & ars illos æmulari nequit, quia ex terrestri, & obscura substantia suos parat colores. Diximus ex densioris aere diaphano nasci, nō ex quouis, nam vbi sol per tenuissimos cælestes orbes, & eiusdem materię totos illabitur, purus, sincerusq; resilit, ac vbi ad ima per impura elementa, per rascidas aspergines, per vitrum, & eiusmodi densioris aeris perspicui corpora varijs coloribus conspurcatur, sordaturq;, & ex nimia lucis, & diaphani densioris mistura varia oriuntur colorū discrimina. Diximus refractione, nam quum radij ad perpendicularum feruntur, tantum est illis virium, vt infracti permeent, nec sordari patiuntur, & si inficiuntur, saltim colores non nisi ex visus refractione spectari necesse est. At si per inæquale densioris aere diaphanum ferantur, qui plus intimius penetrarint, obscuriori colore inficiuntur, qui minus clariori. His experimentis nos rem ita nobis persuademus. Lux per crystallinū prismā permeans minus diaphanū densius passa, dilucidior nitet, plus verò meracior colore languet. Idem in phiala aquæ plena, idem & sub aquis posito speculo. Idem quoque fistula aliquo loco rupta aquam per tenue foramen elidi, quæ sparsa contra solem, vt media sit inter solem, & aspersam aquam, faciem arcus repræsentat. Idem etiam accidit, vt Plutarcus admonet, si quis aquam ore conceptam

ptam in cubiculo efflet contra solem, sicut fullones, quum os aqua impleuere, & vestimenta tendiculis diducta leuiter aspergunt, apparet varios edi colores in illo aere asperso, quales in arcu fulgere solent. Causam igitur esse in diaphano aere crassiore non dubitabis, nunquam enim fit arcus nisi in nubilo.

Maiorum opiniones de varijs iridis coloribus. Prop. 4.

SED cur ex luce, & densione aere diaphano colores tā varij, & multiplices exoriantur, acriter, diuq; prisorum Philosophorum animos torfit. Anaximenes colores fieri autumauit varios, radios Sole suos in nubem eiaculante, densam, crassam, atramq; , cogi enim eos super eam nubem, quam penitus dirimere non valeant. Anaxagoras Solis irradiationem densa nube reperi. Metrodorum quum trans nubem sol splenduerit, nubem quidem cæruleam reddit, splendorem verò rutilat, Plutarcho referente. Seneca hæc. Quidam esse aiunt aliqua stillicidia, quæ solem transmittant, quædam magis coacta, quàm vt transluceant, itaq; ab illis fulgorem reddi, ab his vmbra, & sic vtrius intercurfu effici arcum, in quo pars fulgeat, quæ solé excipit, pars obscurior sit, quæ exclusit, & ex se vmbra proximis fecit. Sed hoc falsum existimat, poterat vmbra, & lux causa videri. Si arcus duos tantum haberet colores, quid ergo istis duo colores faciunt luminis, atq; vmbra, si innumerabiliū ratio reddenda sit? Sed varietas non aliā ob causam fit, quàm quia pars coloris à Sole est, pars à nube illa, humor autē modo cæruleus lineas, modo virides, modo purpuræ similes, & luteas, aut igneas ducit, duobus coloribus hanc varietatem efficientibus, remisso, & intento. Hinc apparet duas causas esse arcus, solem, nubemq; , quia nec sereno vnquam fit, nec ita nubilo, vt sol lateat. Ergo nunquam ex his est, quorum sine altero nō est. Parianus igneum colorem à Sole, cæruleum à nube, reliquos ex horum misturis. Nicolaus Peripateticus colorum diuersitatem ex diuersitate partium nubis euenire dixit: nam vbi terrestris pars combusta cum humido misto, rubeus oritur color, vt coloratur flamma in lignis viridibus, vbi verò humidum aquosum multū apparet, viror, vbi natura tenuis & aqua; albus. Al-

humasæ ex aqua cæruleum colorem, rubeum à Sose, viridem, & purpureum ex horum mistione. Sunt qui dicant lucem coloris semina secum ferre, eaq; ex elementis per quæ transit. Ex igne ruborem, ex terra viriditatem, ex aere cæruleum, ex aqua lacteum colorem. Albertus partem ex his, partim ex se multas affert insanias. Dicit enim in Iride duplicem humorẽ reperiri, alterum grauem, & terrestrem, sætulentũ, alterum leuem, humidum, & subtilem, hic in sublimem nubis partem scandit, ille grauis in imo nubis subsidens, vt grauium natura, aer autẽ humectus, ac spissus in medietullo sistitur. Est & nubs prima, supremaq; si sol his quatuor nõ se immiscuerit, non generabitur iris. Ex humore in quo aliquid fumidi vaporis est, fit rubeus, vinosusq; color, vt in parte suprema nubis ex humido aquoso indigesto terrestri inferior pars viret, in medio vbi aer mistus, fit color ex rubeo, & viridi mistus, scilicet croceus, & hic color variatur: nam si nubs erit subtilis, minus habens de subtiliterreo, erit color pallens, si verò de vtroq; plus, erit magis croceus, siue puniceus. Sed præcipuum colorem cæruleum omisit, & cætera in sequentibus refellentur.

Flauum colorem ex multa luce, & minima densioris diaphani parte generari. Prop. 5.

SED generationes colorum aggrediamur. Sed ne colorum nominum ambages legentium mentes interturbent, principio semper declarabimus colorum nomina. Multiplex colorum facies, appellationes incertæ, & exiguæ. Flauus color dicitur. Pleraq; sunt, inquit Fauorinus, in oculorum sensibus, quàm in verbis discriminata. Flauum colorem voco non eum, quem Virgilius in frondibus olearum videri dixit, nec quem Pacuuius in aqua & puluere. Inquiens.

Cedo tamen pedem lymphis flauum puluerem.

Abluam.

Sed qui in palcis nondum maturis, & in croco valde aqua diluto conspicitur, hicq; color ex robustissima luce, & ex minima diaphani aere densioris parte progigni, hisq; argumentis persuademus. Sed dum per tenuem aerem fertur, flauo colore induitur:

duitur: dum Borea spirat, quia purgatio, & pullucidior redditur, dilutiori flauo nitet, si Austro vel nebulis addenſetur, meraciori rutilat. Mane exoriente Sol per craſſiores vapores tranſiens, adeo coloratio nitet, vt lux aurea videatur in Meridie dilutior. Robuſtus ignis in ſiccis lignis accenſus, flauus videtur, in medio flammæ, vbi ſimpliciſſima eſt, flaua eſt lux, nam ab imo conſpurcatur à pabulo, in ſuperiori parte à fumo. Carbo vbi diutiſſimè igni excanduit, vt interior nignities abſumpta ſit, flauet, viſu forti luce vehementer inſpecta, ſi aliò oculos diuerſes, flaua primùm, mox viridia, poſtremo cærulea omnia conſpicias, quia vehemens primò lux cum obſcuriori aere collata flauet, mox langueſcat, viridis tandem cærulea relaxata ſoluitur. Sol per cryſtallini puſmatis aciem primam pertranſiens flauo colore tingitur, quod dignoſces eam partē digito velando, remouendoq;. Nullus ergo color luci proximior, quàm flauus, ob id vehementiſſima lux Solis nullum aliū ſibi colorem vſurpat, niſi flauum, vel aureum. Alexander ait. Luteus color magis ad album, quàm phœniceū accedit, quod ex hoc euenit, quum lumen retunditur in luteum, ſiue pallidū tranſit. Reliqui Peripatetici flauum colorem non ex vehemēti luce, ſed ex pauco denſioris aere diaphano gigni, ſed ex ruſi, & viridis coloris vicinia, quod & falſiſſimum eſt: non enim ex duobus ſuſcis coloribus rubro & viridi clārus exoritur, & lucu lentuſ? Præterea ſi vitrum rubrum ſupra viridem collocaueris, ac oculis obieceris, proſpectuſ inde color non flauus erit, neq; pictores vnquam ex viridi, & puniceo flauum colorem efficiūt. Et ſi Solem dicit per ſumum viſum, vel per nigrum puniceum videri (quod veriſſimum eſt) non deberet prima iridis circūferentia punicea videri, quia & ibi adeſt lux minus paſſa, neq; in nigro, neq; per nigrum videtur, tranſitq;. Pudet referre neutericorum de ſanguine cocto, & incocto ſimilitudines, quid enim commune habet color ex elementorum mixtura cum eo, qui ex luce, & denſioris aere diaphani generatur?

Cæruleum colorem ex languidiori luce, & ex multo diaphano aere denſiore naſci. Prop. VI.

DIXIMVS proximiorē luci colorem flauū, & ex ea, quæ vehementiſſima luce rutilat, & ex minimo denſiore aere

B b 2 diaphano:

diaphano: contra lux quæ hebet, languetq; & ex multo densiore aere diaphano cæruleum colorem ementitur: est enim colorum omnium opacitati proximior, vbi enim caligat lux, aut extinctioni proxima, decoloratur, fuscatur, & cærulea fit. His argumentis persuademus. Flamma, quæ oleo, sæpo, vel viridibus lignis proxima est cærulea est, quia ibi oriri incipit, ideo imbecilla est, & ibi etiam crassius alimentum, idest tenebra: ob id vbi crassius elementum, & lumen imbecillius, ibi cæruleus color, siue nigricanti proximior. Præterea Sol diutius intuitus oculos claudendo flauus, mox viridis, tandem in cæruleū abit, & soluitur lumen, quia Solis fulgor multis tenebris obrutus, imbecilliorq; factus cæruleus apparet. Postremus etiam color, qui in vitreo prisma videtur, ceruleus est, quia in trianguli basi crassiore, scilicet sui parte imbecillis radius resiliens, tenebris fit proximus: nam ater color, tanquā abnegatio, & priuatio spectandi est. Aer cominus obseruatus, & pellucida corpora nullū nobis colorē exhibent, eminus tamen omnia conspecta, vbi Solis illuxit splendor, cærulea videtur. Si cælum intuebimur pellucidū corpus, vbi radius lumine deficitur, tenebris ferè interceptus, cæruleo colore offunditur, & cæruleus color ob id à cælo dicitur. Et mare à longè intuitum etiam tale videtur. Si à montibus Sole illustratis elongamur, primū flauī, mox virides, tandem cærulei videbuntur, quū longius absunt, ob nimiam luminum longinquitatē acies hebescit, & caligatis aer intercedens efacit, vt cæruleus conspiciatur. Addunt alij, quæ per refractionem spectantur, à maiori visus distantia spectantur, quum curua linea recta sit longior, quare non iniuria nigriora videri. Sed id falsum: nam linearum differentia, vel minima est.

Ex colorum vicinia intimos iridis colores progigni, & itidem ex flauī, & cærulei mixtura. Prop. VII.

QUOTIES igitur lucidi, & densioris aere diaphani mixtura variæ coierint, innumera ferè proueniunt colorum discrimina: nam vnus ex alterius vicinia cognationem contrahens, tertium efficit, & ex hoc iam orto & altero, aliud subinde si ad lucem accesserint, perluuntur, ad opacum retuso colore coligant,

coligant, & adeò alter alterum sensim subit, vt indiscriminati videantur, vt rectè à pictoribus dicatur eiusmodi colorum speciem exactè non dum exprimi quisse, quàm & à similibus auspicentur, & in diuersissimos abeant. Sed eos enumerare nostri nõ erit instituti, nisi extremos & intermedios aliquos. Medius igitur inter flauum & cæruleum colores viridis est, qui non ex mutua lucis & densioris aere diaphani mistione nascitur, sed ex vtriusq; mistura. Hi Soli bini colores ex lucis mistione nascuntur, cæteri ex vicinia. Quod ex flauo, & cæruleo corole fiat viridis, hoc solo argumento patebit. Si cæruleum vitrum super flauum apposueris, & oculis subieceris, viridis color auspiciabitur, sic & in opposito pariete, & pictores ex cæruleo ex flauo viride colorem conflant. Hinc clarè patet error dicentiũ, quod ex prima luce passa fiat puniceus color, & ex puniceo & viridi flauus: nã cæruleus, vt puniceus viridè vel flauum non cõficiunt.

Rufum colorem non ex lucis refractione, & diaphano aere densiore gigni, sed nigrae nubis contrapositione. Prop. VIII.

SED declaremus primo quid per rufum colorem intelligamus. Eius multæ sunt species. Rufus color à rubore nominatus est, sed aliter in igne, aliter in rosa, aliter in palmæ fructus, aliter in croco rutilat. Has rufi varietates latina oratio singulis, propriisq; vocabulis non demonstrat, nisi ruboris appellatione. Græci *ἐρυθρον* sanguineum, *πυρρὸν* flammeum, *ξανθὸν* croceum, & *φοινικῶν* phæniceum. Omnes hi colores vel rufum acuunt intenduntq; vel remittunt: nam aliquorum mistura remittuntur. Phæniceum dicimus, & spadis coloris species, quam in fructu palmæ arboris non admodum Sole incocti visitur, & spadica alij vocant auulsos è palma termites cū fructu. Nos rufum siue roseum languidum vocamus, quem in extimo, & supremo iridis ambitu videmus ex valida radiofa incidetia, & densa nubis nigredine nascitur, non ex mistura, vt diximus lucidi, & densioris diaphani aere; sed in sola superficie, vbi adsit nigredo. Inquit Seneca. Rubida fit nubes Solis incurfu. Nostrā opinionem his rationibus persuademus. Si niger extinctus carbō igni proliciatur, vt extrema tantum superficies igniatur, tunc

tunc carbo rufo colore rutilabit, lux enim in summa superficie vix herens infra nigredinem demonstrat, adeo ex luce & nigredine nascitur: at vbi carbo diutius igne steterit, vt intus, extra optimè ignitus, tunc croceus euadit, & ad flauum tendit. Idè in ferro, & alijs metallis videre licet. Fabri ferrarij qui ferrum temperant, roseum colorem obseruant, demonstrantè ignitiq-nem in summa tantum superficie, non intima excanduisse. Flamma accensa in re crassissima, nigerrimaq; nigerrimū fumū efficit, flammæ apex quo eiusmodi fumo commiscetur, tunc rubra videbitur. Typographi qui ex combusta pice fuliginem parant, dum pix comburitur, relucet flamma sub nigerrimo fumo sanguinei coloris. Fuliginosæ omnes flammæ rubræ videntur. Puniceus color qui quasi dilutus robur est, Aristoteles ait, exoritur vbi flama viridium lignorum fumo cohererit. Si candelæ in tenui oleo accensa est, apex puniceus videtur, splendendum, inquit, si nigrò, aut per nigrum videatur, puniceus apparet: per caliginem, & fumum visus puniceus apparet. Ex nigri, & flauī mīstione puniceus efficitur, quasi croceus intensus. Vbi flauus color intenditur & fit meracior, tunc fit purpureus. Sol flauus est, ob id per fumum inspectus, puniceus visitur, & candelæ flamma flaua est, per fuliginem punicea videtur. Lux conspecta per foramen nigri panni rubescit, sic etiam in cubiculo nigro. Mane Sol exorians si crassas nubes, & aqua prægnantes, nigrescentesq; peruaderit, & radij eius nubis ob densitatem penetrare nequeunt, roseo colore nitentes conspiciēs. Ob id non semper roseus color in extima iridis superficie videtur, nec est de eius essentia, sed tunc conspicitur, quum nubes ex eius regione nigerrima adfuerit, & Sol eam percutiens, nec penetrare valens, tūc circulus primus rubeus spectabitur. In cry stallino prisma non videtur roseus color, quia ibi opposita non adest nubes nigra, sed si nigrum pannum apposueris, puniceus coloratior videbitur, vnde potius ex iusta positione, vel oppositione, quàm ex lucis & diaphani aere densioris nascitur. Sunt quidam, qui quæ scribant ignorant, dicentes flauum colorem esse intensionem, meracioremq; puniceum vero dilutionem, remissionemq; & in flauo lucem magis tenebras passam, in puniceo minus. Bone Deus, quæ nubes caliginosa eorū oculos, & mentem obsidet, qui discernere nequeant croceum colorem,

lorem, qui in croco est, & puniceum magis esse tenebrosum, quàm flauum, id est palæa colorem luculentiorē, tædet profecto, & pudet eorum rationes refellere.

Halurgum colorem non ex luce, & aere densioris diaphani misione, sed ex vicinia crassi, & cerulei coloris nasci.

Prop. V I I I I.

HALVRGVs coloris intelligitur, qui violaceus vulgò dicitur, quiq; in violis spectatur. Dicitur enim vulgò pavonaceus, quod in collo pavonum reperiatur. Resplendet etiā in amethysto, purpurei species, vel iathini, & fit quū cæruleus color diluitur, & in vinum abit. Hic non ex mutua lucis, & diaphani refractione nascitur, sed ex vicinia, nam rufus color, & cæruleus halurgum colorem componunt postrema iridis circumferentia, quia cærulea est, quum ei fit obuiam nubs nigerima, cum Solis colore mista colorem rufum efficit, ut diximus, ex colore ruffo illo, & cæruleo fit halurgus. Hic semper non videtur, quia ex iridis essentia non est sicut rufus, sed quando vtriq; nigerrima nubs opponitur. Hoc modo probamus. Si vitrum rufum supra cæruleum posueris, & per illud inspexeris, obuium parietem halurgo colore intinctum conspicias. Pictores halurgum ex rubro, & cæruleo fingunt.

Iridem non tricolorem, sed bicolorem, aut multicolorem dicendam. Prop. X.

EX variegata iridis coloria, multi sunt, qui varios eos colores dixerunt. Homerus πορφυρεὴν ἴριν dixit, quasi sub purpureo colore rubrum, cæpureum, & halurgum conclusisset, qui adhuc à multis purpureus color dicitur. Aristoteli ἀρχαῖος est; ex puniceo, viridi, & halurgo, quia hi præcipui colores præcipue spectantur in ea. At si simplices colores enumerare voluissent, bicolorem dicere oportuerat, ex flauo, & cæruleo duo extrema, vnum ex multa luce, alterum ex flauo scilicet, & cæruleo: nam viridis ex vicinia extremorum fieri diximus; optime igitur

igitur Parianus igneum à Sole colorem iridem trahere cæruleum à nube, reliquos ex horum misturis, nec nisi duos simplices colores esse. At si omnes colores, qui ferè semper in iride spectantur, enumerare velis, & ruffus, & halurgus pētacolor dici deberet. Si colores notandi sunt, qui intus in medio ex vicinia fiunt, innumerales propè, & infiniti sunt: nam radius solaris sensim nubem penetrans, & continuò se remittens, infinitos colores causat, tanto lasciuiantis Naturæ attificio, & ornatu, vt colores omnes, qui maxime commendantur, & in floribus visuntur præcipue suo nitore prouocent. Videmus in eo aliquid flammei aliquid lutei, aliquid cærulei, & alia in picturæ modum subtilibus lineis ducta, vt ad dissimiles colores sint, scire non possis, nisi cum primis extrema contuleris. Nam commissura decipit, vsq; adèò mira arte Naturæ conspiciuntur, quod à simillimis cepit, & in dissimilia definit. Ouidius.

Qualis ab imbre solet percussis solibus arguus

Inficere ingenti longum curuamine cælum,

In quo diuersi videant cum mille colores:

Transitus ipse tamen spectantia lumina fallit.


Vsq; adèò quod tangit idem est tamen vlt ima distāt, ob id Hesiodus ex multiplicitate coloris πολυχρωμον ὕδωρ vocauit, quasi multi nominis aquam. Virgilius cum sequutus, mille pro infinito dixit.

Mille trahit varios aduerso Sole colores.

*Contra Aristotelem in generanda iride nullam reflexionem
necessariam. Prop. XI.*


IAM diximus colores quomodo generentur, nunc ad alias difficultates accedamus, & primum quomodo & Sole, & nube oriantur, mox ad rotundationē peruenturi. Aristoteles satis prolixè probare nititur reflexionē fieri ex oculi nostris ad Solem per nubem: quam opinionē Plutarchus quoq; sequitur. Seneca ex Aristotele hoc modo. Nubis iam in guttas versuræ, nec dū tamen pluit, singula stillicidia singula specula esse, à singulis ergo imaginē reddi Solis. Deinde multas imagines, immo innumerales, & deuexas, & in præceps transeuntes confundi, itaq;

itaq; arcum multarum imaginū Solis confuſionem eſſe. Hæc ſic probat. Pelues mille die ſereno pone, & omnes habeant imaginem Solis, at contra ingens ſtagnum nō habebit niſi vnā imaginem, quia omnis circumſcripta læuitas, & circumdata ſuis finibus ſpeculum eſt, ergo ſtillicidia illa infinita totidem ſpectula ſunt, totidemq; Solis facies habent, hæc contra intuenti perturbatæ apparent, nec diſpiciuntur interualla quibus ſingula diſtant, ſpatio prohibente diſcerni, vnde pro ſingulis apparet vna facies turbida ex omnibus. Ab omni enim lenitate acies ſuos radios replicat, nihil læuius aqua, & aere, ergo ab aere ſpiſſo viſus noſter in nos reddit, longè autem viſum noſtrum nobis remittit, qui craſſior eſt, & peruinci non poteſt, ſed radios noſtrorum luminum morantur, & eo, vnde exierint, refleſcit: ſed quia parua ſunt Solis colorem, ſine figura exprimunt. Deinde quia iu ſtillicidijs innumerabilibus, & ſine interuallo cadentibus reddatur idem color, incipit facies eſſe non multarum imaginum intermiſſarum, ſed vnius longæ, atq; continuæ. Sed hic multa ſunt reſellenda. Primò quòd non ex oculis per nubem ad Solem fit reflexio, ſed contrario modo, vt probauit libro de anima. Sed hæc abeant, quia leuia ſunt. Secundo dicimus ad iridem generandam non eſſe neceſſariam reflexionem, ſed reſractionem, ex guttis enim, ſtillicidijsq; & corporibus diaphanis non fit reflexio, ſed reſractione, reflexio enim, à denſis, politisq; corporibus, quomodo igitur ibi fieri poteſt reflexio, ſi nulla adſunt denſa corpora, ſed tantum diaphona?



Et ſi per reflexionem fieret iris, neq; ad noſtros oculos perueniret.

niret. Ad hoc ostendendum sit hemisphæriū ABC , vapores perpendiculariter ascendentes sint $D F E$, Sol in Oriente A , radius $A F$ feriat nubis roscidæ partem F , radius reflexus nunquam perueniet ad oculos B , sed supra reflectitur. Est enim lex refractionis, ut ad pares angulos reflectatur, erit reflexa linea $F G$, quia angulus $A F D$, est æqualis $G F E$. Idem eueniet in conuexa nube. In concava autem si circulus nubis cavæ æquidistaret lunari circulo, impossibilis esset reflexio: nam linea, quæ angulos discriminaaret æquales, reflexionis & incidentiæ esset linea visus, non reflexionis. Si igitur per reflexionem fieri oporteret, necesse esset, ut angulus quoque; nubē ad idoneum locum locaret. Rectè igitur Philippus Menædeus scripsit, quod primus comperit materiam iridis in profundo irradiari, non ex superficie reflecti.



Necessaria sola igitur refractionis est. Afferemus exemplum. Sic hemisphærium AEC , nubes roscida $EDLI$, Solis radius Orientis AFL , sed perueniens ad F superficiem nubis, quia densius diaphanum, refrangitur FM . Diuidatur nubes in tres partes, secunda tres colores iam dictos $FDPG$, flauus $PGOH$, viridis, $OHMI$ cæruleus, & ad oculum B , trahantur radij à punctis diuisionū. FB , PB , OB , MB , in refracto igitur Solis radio videbitur pars nubis F flaua, PO viridis, OM cærulea.

Maiorum sententiæ de iridis rotundationis. Prop. XII.


DIFFICILLIMAM arcus rotundationis aggredimur rationem nam iridis speculationem inter Naturæ mira neminem præterit. Ob id maiores nostri varia, & admodum
diuer-

diuersa dixerunt, & ubi discordia, ibi doctissimorum virorum caligant intellectus. Plato in Thæteteto irim Thaumantis, idest admirationis filiam esse tradidit, non absurdè eius originem explicans. Plutarchus ab eo à Thaumante genus eam ducere mortales rei miraculo adductos sinxisse, adludente videlicet ad nominis originem fabula. Cicero libro de natura Deorum. Cur arcus species nō in Deorum numerum reponitur, est enim pulcher, & ob eius speciem, quia causam habet admirabilem, Thaumante dicunt esse nata. Plato in Cratylo *ἴρις* ab eo, quod *ἴρις*, idest loqui, quod nuntia est. Ab Hesiodi interprete irim dici, quo *προφορικὸν λόγον*, ab *ἴρις*, quod est dico, videntes enim eum, admirantesq; orationem proferimus. Albumasar autem arcum dæmonis vocat, pro dæmone idem quod angelus intelligens, idest arcus angelicæ considerationis, tanquā ad eius notitiam humanus intellectus non perueniat. Plinius nubis cauitatem causam esse circulationis dixit. Manifestum est radiū Solis immissum caux nubi, repulsa acie, in Solē refringi. Parianus Artemidorus adijcit, quale genus nubis esse debeat, quod talem Soli imaginem reddit. Si speculum, inquit, concauū feceris, quod sit lectæ pilæ pars, si extra medium constitueris, quicunq; iuxta te steterint, vniuersi à te videbuntur propriores tibi quā speculo. Idem, inquit, euenit, quum rotundam, & cauam nubem intuentur à latere, vt Solis imago à latere discedat, propriorq; nobis sit, & in nos magis conuersa. Contra hæc Seneca. De speculis duæ opiniones sunt, alij enim in his simulachra cerni putant, idest corporum nostrorum figuras à nostri corporibus emissas, ac temperatas, alij imagines aiunt non esse in speculo, sed ipsa aspici corpora, retorta oculorū acie, & in se rursum deflexa. Sed nil ad rem hæc pertinent, quomodo res videamus, sed quomodo imago similis debet è speculo reddi. Deinde si velis speculum aeri cōparare, des oportet mihi eandem læuitatē corporis, eandem æqualitatem, eundē nitorem, atqui nullæ nubes similitudinem speculi, per medias sæpè transimus, nec in illis non cernimus, quā montium summa conscendunt, spectant nubem, nec tamen imaginem suam in illa cernunt. Possidonius contra eos, qui irim imaginē Solis dicunt, caua nube cōceptā dicūt, ait. Id, si ita esset, deberet imago se ingerere nostris obtutibus ex profundo nubis per tantum interstitij, quantum

ab occidente est ad ortum, hoc est à Sole ad nubem, quæ speculum Solis dicitur, id verò esse falsum evidens comprobatur experimentum, quum sæpius visatur iris longè antè nubis superficiem, in qua apparet. Præterea extra speculi centrum imagine apposita cauo speculo obuersa videtur, ideo rotunda Solis circumferentia sursum versa nobis infra versa videri deberet: sed hoc absurdissimum est. Contraria huic opinioni Nicolai Peripatetici est, ait enim aer, terra, & aqua accedendo, & aer recedendo semper in orbes suas curuabunt superficies, & elatos vapores à frigore in nubem conuersos, Sol feriẽs eius imaginem, vt conuexum speculum arcualem ostendit. Sed hoc etiã falsissimum est, nam ascendentes vapores recta à terra ad cælum tendunt, vt ascendentes videamus, nec totum hemisferiũ complent, vt conuexam superficiem recipiant, sed partem ad nos proximã: alia quoq; accidunt absurda, quæ pudet refellere.

Iridem circularem apparere. Prop. XIII.


QUia iris in sublimi apparet, iter nobis ad eam perscrutandam interciditur, ideo ex his, quæ in his inferioribus videmus, ad ea quæ in sublimi fiunt, ascendere conabimur. Sed causas rotundationis aggrediemur. Sed vt facilius hæc difficilima intelligantur, aliquas præpositiones præmittamus oportet. Primò quod radij à Sole in pyramidis modum iaculantur, non illos dico, qui à centro se diffunduntur, nam hi nos perpẽ-



dicu-

diculariter feriunt, & si verè ita non sit, à mathematicis tamè ita accipitur, quum minima sit differentia, sed qui à lateribus mouentur, nam diximus libro de lumine, ex omni luminosi parte lumen progredi. Exemplum.

Esto Sol A B, à lateribus radij veniant A I, B H, decussantes se in foramine C D, in opposito pariete rotundam efficiunt figuram B C H, A D I. quæ sit H I. Secundo pupilla nostra rotunda est, & in puncto coeunt radij crystallini, & quum per rotundum foramen à puncto se diffundantur, pyramidem efficiunt habentem conum in oculo in amplo spatio basim circularem, vt iam clarius diximus libro de visione. Tercio & quod valdè refert, quòd non sub quocunq; angulo videntur, quæ refracta videntur, sed stato, constitutoq;: nam res quæ sub aquis sunt, sub angulo stato refracto videntur, vt libro diximus de refractione. Lucidioris gratia cognitionis exemplum apponere non grauabor.




Sit nubes ex aduerso ex addensato aere asperginosa, iam iam in guttas versura, & in pluuiam casura E D M I, aut cana, aut conuexa, aut recta nil refert, sed sit perpendicularis. Sit fulgès astrum A, ex aduerso feriens nubem in puncto E, quæ si eiusdem diaphanitatis cum aere esset, transiret in C, at quia densioris, refrangitur, & relabitur in M: & erit refractus radius EM. Hic continet differentias colorum. Sit oculus noster respiciens in B, diuidatur in tres æquales partes E M, & tota nubs E D P G, P G O H, O H M I. Igitur radius E P in prima nubis parte se intingens, eum colorem indui diximus, qui luci pròximior, idest

idest flauus, vltima pars nubis OHMI, à radio debilissimo cō-
fossa. OM in caruleū, quasi abnegationis & extinctionis lucis
se intingit, medius POGH æquè valens, colorabitur eo co-
lore, qui ex vtroque componitur, idest viridi. Sed penitus vi-
deamus colorationis modum, & quantitates angulorum. Pun-
ctus E liberè ad oculum venit. P verò ad F veniens, refrangi-
tur, & ad B venit, extensa igitur BF, relabitur in R, perpendi-
cularis igitur ex PG veniet, elongetur quousq; coeat cum BF,
& erit in R, punctus igitur P videbitur in R. Sic punctus O ve-
nit in N, accedit ab B, elongetur NB, relabitur in S, vbi coit
cum perpendiculari HO: punctus igitur O videbitur in S. Sic
punctus M venit per Q in B, relabitur in T, ibi coit cum CM,
& punctus M erit in T. Sed si vniuersa nubs EDMIA à Sole illu-
stratur, cur igitur sola puncta E POM videntur? Dicimus ra-
dium nostrum BE, construere angulum cum catheto ED, scili-
cet BED, qui ferè semirectus est, vel minimum ab eo distans:
nam quum linea Horizontis in qua Sol A, oculus B, & centrum
iridis D semper sit, erit angulus BDE rectus, & si rectè me-
timur distantiam AB, semper est semidiameter iridis, vt patet
in visione iridis in cælo apparentis, & in iride, quam paulò
post dicemus: Est ergo BD æqualis DE, angulus igitur BED,
semirectus. Idem & dicendum de angulo BRG, BSH, BTI,
& si æquales non sunt, tamen parum à tali angulo recedunt.
Docuit me Plutarchus. Si quis Soli aduersus aquam ore sumat,
& ita insputet, vt stillicidia repercussum in Solē habeant actu-
tum; comperit cælestis arcus imaginem factam. Et Seneca. Vi-
di quum fistula aliquo loco rupta est, aquam per tenue for-
amen elidi, quæ sparsa contra Solem obliquè positum, faciem
arcus repræsentat. Idem videbis accidere, si quando volueris
obseruare fullonem, quum os aqua impleuerit, & vestimenta
tendiculis ducta leuiter aspergit, apparet varios edi colo-
res in illo aere asperso, quales in arcu fulgere solent. Ego igi-
tur cum in cubiculo ore aquam efflarem ex opposito Solis, ex
asperginoso aere illo iris videbatur circularis, distans ab ocu-
lo meo per iridis semidiametrum, & si oculos in altum attolle-
bam, attollebatur iris, & si deprimebam deprimebatur, sic è
lateribus, oculiq; motum sequebatur, & per totum illum asper-
ginosum aerem oculos mouendo, mouebatur iris. Astantes qui
mecum

meum erant, illam non videbant, nec nisi qui post tergū erant, in linea, quæ per Solis, oculi, & iridis cētrum transiret. Intrans quoq; Sol per fenestrā, quando erat obliquus, maior videbatur. Præterea; iridē floridissimam plurics aspexi in Tyburtino fluuio, nam ab alto cadens, circumadiacentem aerem totum irrorat, vbi accedendo, recedendoq; fit maior, & minor ad oculi distantiam. Ex his concludendo, iridem non videri nisi sub angulo constituto. Cuius hæc definitio. Iris est radius Solis refractus ab aere roscido, veniens ad oculum sub angulo constituto. Hic patet dicentium error, oportere nubem esse concauam, vel conuexam, quum in aere, in cubiculo irrorato, non conuexa, vel concaua nubes, sed recta, vel irregularis est.


Iridem non nisi sub constituto angulo videri. Prop. XIII.

NOs ad hoc demonstrandū aliquibus mathematicis demonstrationibus vtetur. A duobus punctis in diametro circuli sumptis, quorum alterum in extremitate, alterum in centro, plures quàm duæ rectæ lineæ non constituentur ad eandem partes, ad aliud, atque aliud circumferentiæ punctum.



Nos sic probabimus. Esto semicirculus, cuius centrum K, diametri extremitas G, ab his duobus punctis ad circumferentiam M duæ rectæ GM, KM, dirigantur, duæ lineæ dico ab eisdem signis GK, ad eandem partem M, duæ aliæ rectæ lineæ non constituentur ad aliud punctum, quàm M. Si fieri poterit constituatur, & sit ad R, & sit GR, KR. Quia sicut se habet GM, ad MK, sic GR, ad RK, & permutatim quoque, sicut GM ad GR, sic KM ad KR, sunt autem KM, & KR, æquales (nam ambæ ex centro) ergo GM, ipsi GR æqualis, quod est
contra


contra 18. primi elementorum, & 7. tertij. Igitur non nisi una iris videri poterit in eo aere illuminato, quia alius angulus, non æqualis erit ei. Omnia igitur hæc in vnum coniungendo, si solum ab vno puncto oculi sub statò angulo fieri posset refractionio, circumuoluendo punctum illum non nisi circulum efficiet. Rotunditas igitur iridis erit ex sectione pyramidis visualis vni-formis cum sectione pyramidis radiorum solis in superficie plana nubis, quum tunc refractionio vndique æqualis fiat, existentibus Solis centro, oculi & iridis in linea vna. Id hoc modo depingemus.



Sit Meridianus $AFBDCH$, diameter AIC , nubes opposita FEH . Sol A pyramidaliter feriat eam AF, AB, AL, AD, AN, AH , oculus in L , & ex oculo pyramis radiosa concurrat cum eadem Solis nube, vt IF, IL, ID, IN, IH , quæ quum vndique equalis secans pyramidem Solis, erit communis sectio circulus $FB CD HN L$, anguli omnes æquales cum lineis oculi, & diametro iridis $IFM, IBM, ID M, ILM, INM, IH M$, sic enim radij Solis. Hæc demonstratio videtur Aristoteli de iridis orbitate, vt loco vbi de halone. Sed ex alijs non percipitur, sed non tam clara, & facilis, & de industria occultata.

*Iridem apparere centro Solis, oculi, & iridis in vna linea
existentibus. Prop. XV.*

NVN QVAM igitur oculus iridem videre poterit, nisi in vna linea Solis centrum, respicientis oculus, & iridis steterint, nam si aliter starent, impossibile esset, ut anguli æquales refractionis ad nostrum oculum constitui possent, quos causam dicimus iridis esse necessariam. Aristoteles pro centro oculi ponit centrum Horizontis, siue mundi, sed longè distat terræ centrū ab oculo, sed oculi centrum in superficie terræ, & rectè intuenti semper pars maior semicirculi iridis videbitur. Argumenta quæ me ad id impellunt, sunt, experimenta visa in iride in cubiculo facta, ex aqua ore insufflata, & Sole, quod nunquā iris apparebat, nisi Sol retro stans; oculus, & iridis visæ centrum in vna eademq; linea starent, & dum aer irroratione, & guttulis madebat, eleuando, deprimendoq; caput, eleuabatur, & deprimebatur iris, & circumstantes familiares eam non videbant, nisi qui oculos propè meos haberent, & qui mouebantur, videbant iridem moueri, & qui starent stantem. Idem tenet in iride, quæ in fontibus apparet, qui ex alto in præsepis dalapsi, vel è fistulis in aerem guttulas eiicientes, aerem irrorant, & vbi desit irroratus aer, vel angulorum idonea positio, ibi & desit iridis circumferentia, & coloris repræsentatio. Præterea si oculus eleuabitur supra terræ superficiem, maior pars iridis videtur, & si multum integrum circulum, etiam Sole in Horizonte existente. Præterea dum aerem irrorarem, oculum supra mensam ponebam, & non nisi circuli semissẽ videbam, & secundum proportionem eleuationis circuli à tabula, pars iridis videbatur. Vnde si quis supra montem ascenderit, clarum est, quod aut totum iridis circulum, aut maiorem semissẽ videbit. Memini dum Hispanijs essem, in ecclesia super Montem ferratum dictum, moueri infra nebulas videbam, & plueret, quum ego in sereno cælo supra essem, & vidi irides pluskquam semicirculares, sed non perfectè memoror an perfectas viderem. Esto Sol in Horizonte, oculus supra montem



Esto A fulgens astrum, oculus supra montem B, erit iridis centrum supra Horizontem, & erit C axis semidiameter DC, & quanto erit maior super axem DC, tanto erit maior semicirculi portio. Ne c putetis obsecro, quod omnes oculi vnam iridē videant, & quod omnes oculi sint vnus oculus, nam quot oculi sunt, tot sunt iridis visiones & quisq; suam singularem videt, & si putent omnes eandem videre, & dum mouetur oculus, mouebitur & iris. & si in longa distantia differentia est parua, vel minima, vt inferius dilucidius exponetur. Querit Seneca cur arcus non impleat orbem, sed dimidia eius pars videatur, quum plurimum porrigitur, incuruaturq;? Dicunt aliqui. Quū Sol sit multo altior nubibus, à superiore tantum illas percutit partē, sequitur vt inferior pars earum non tangatur lumine, ergo quum ab vna parte Solem accipiant, vnam partem eius tantum imitantur, quæ nunquam dimidia maior est. Sed hoc falsum, quia si Sol nubem à superiori parte sit, totam percutit nubem, & si superior sit Sol, superiori parti nubium affunditur, nunquam terra tenus descendit arcus, atqui vsq; ad humum demittitur. Ipsi cauam nubem faciunt, & sextæ pilæ partem, quæ non potest totum orbem reddere, quia ipsa est pars orbis. Sed hoc quoq; falsum est, quia nubem semper cauam quærunt, quū sint aliquando planæ, & tumentes.

Quod moto oculo mouetur iris.


Prop. XVI.

HOc maximè animaduertendum, quod qui ambulant, & iridem aspiciunt, singulis passibus, singulæ fiunt nouæ, & videbuntur, vnde semper secum ambulantes videt. Multo-
ties

ties expertus sum, dum Italiam peragrarem, & plano in agro obequitarem, vbi iridem in celo conspicabar, additis calcari-
bus citato cursu currebam, & mecum currentem iridem noui
nisi magna cum voluptate videbam. Amici, qui mecum erant,
idem facientes, idem experiebantur. Philippus sodalis Plato-
nis, vt Alexander refert, ad quodcunq; latus se verteret, ipsa
iris transferebatur, & ambulans iris mutari videbatur, vt re-
cedentem sequeretur, & insequentē aufugeret, crocodili mo-
re. Legitur apud Geometras quod Philippus Menedæus obser-
uauit opticum illud admirabile, quod insequentes fuigiat, fu-
gientes insequatur. Cuius causa non alia est, quam diximus,
quod in aere toto roscido, & à radijs Solis verberato, refra-
ctoq; vbi anguli constituti in oculo fiant, ibi & videbitur iris.

*Ex Solis eleuatione, & depreffione, eleuatur & depremi-
tur iris. Prop. XVII.*


DE iridis eleuatione, & depreffione Aristotelis demon-
strationes omittemus, difficillimè enim percipiuntur ab
ijs, qui mathematicas ignorant, & mihi videntur aliqua præ-
supponere, quæ aliter se habent. Sed his exemplis rem diluci-
diorẽ reddemus.



In prima figura sit Sol oriens A, eius radius A D, A F, erit iri-
dis diameter D E F, oculus B, sub angulo A D B, erit iris, & ob-
seruauit abſtolabio in maxima altitudine occidẽte Sole in fine
Auguſti 24. gradibus eleuatam. In ſecunda figura eleuatus Sol
in A, circulus iridis nobis apparebit minor, & ſi pyramis eadẽ

Dd 2 ADF,

A D F, & quantum erigitur A, scilicet A H supra Horizontē, tanto iris deprimitur sub Horizonte, scilicet E G, & idem erit angulus ADB, qui primus. In tertia Sol maximē eleuatus, vt minima videatur, nisi D C, & reliqua pars sub Horizonte F G, angulus quoq; idem erit A D B. Non tamen hoc mirum omittam. Existente Sole è latere, & oculo in centro iridis, ita etiam vt cētrum Solis, oculi, & iridis in eadem sunt linea, ad latus oculos reuoluendo, tunc non videtur iris circularis, sed crus vnum descendens, & colores à latere videntur, ex alto descendentes, vt prima tenia flaua, post viridis, & tertia cærulea videatur. Id nō solum in cubiculo, ore aquam efflaudo semper video, sed fontibus, vbi stillis aerē asperginosum reddunt, vbi paulatim ad iridis cētrum accedendo, oculis tamen animaduertendo ne emphasis euanescat, & in centro circuli constitutus ad dextra reuoluendo, videtur iridis crus ferè rectum propè oculos. Commorans ruri multoties accidit eiusmodi visionem cōspicere in iride à nube facta, vt minus viginti quinq; passibus à me longè abesset. Multoties quoq; in quadam valle nebulosa, quum ego essem in sublimi vidi idem crus valde infra descendere, & ego potius rationes ad sensum distorqueo, quam sensum ad rationem, quod video enim certum est, quod disputo incertum.



Esto astrum A, cētrum iridis B, oculus vero C extra cētrum iridis, obliquū crus iridis DFG, eius diameter DBE, oculus C, respiciens crus iridis FG, radij CFCG, suis coloribus splendēt. Nec audiendi sunt blaſterones, dicentes non esse necessarium oculi, cētrum Solis, & iridis esse in vna linea. Et si pro exemplo addant iridem lucernæ videri extra lineam connectentem cētra. Sed exemplum est falsum, nam iris lucernæ alterā causam habet, quam ipsi ignorant, & iam nos supra manifestauimus.

Maiorum


*Maiorum opiniones cur iridis portiones quæ minores, eò maiores
videri. Prop. XVII.*

DI X I M V S Oriente, vel Occidente astro iridis semiorbem videri, eo verò ab Horizonte sublato minorem videri, sed portiones maiores semicirculi semper in meridie videri propè Horizontē, quàm dum in sublimi apparēt. Aristoteles problema soluere spondit, sed promissum non absoluit. Sui clarissimi affectatores varijs rationibus id tentarunt, vt dicemus. Olympiodorus asserit, quando iris semiorbis apparet, is in tenuissimo aere est super terram in sublimi, at vbi prona terram tangit, vbi ingens vaporum spiratio adest, amplioris formæ videtur. Omnia enim per aquā videntibus, longè esse maiora. Litteræ quamuis minutæ, & obscuræ per vitream pilam aqua plenam maiores clarioresq; cernuntur. Poma formosiora quàm sint videntur, si innatant vitro. Sydera ampliora per nubem aspicienti cernuntur, quia acies nostra in humido labitur, nec apprehendere multum fideliter potest, quod manifestū sit, si poculum adimpleuerit aqua, & in id conieceris anulum, quicquid igitur videtur per humorē, longè amplius verò videtur. Altera ratio. Quando in sublimi est longius à nostris oculis abducta est, modo quæ longius videntur, minora videntur, at iris quum Horizonti proxima videtur, proximior & nostris oculis erit, & quæ proximiora, maiora videri. Sueffanus dicit, quo quando sol est in Oriente, aut Occidēte ob multos vapores Horizontis lumen minus clarum est, vnde iridem minus apparentem, & visibilem facit. Contra verò in meridie vbi eleuatus, & à vaporibus liber plus illustrat, & facit vt res maiores videantur, quàm sint. Sed hæc postrema ratio satis erronea, & contra rationem experientię. Olympiodori rationes & si veræ sint, non tamen ad rem faciunt, nam apparens arcus à summo vsque ad imum, semper æqualis & congruus apparet, & quæ in vaporibusmersa sunt, eodem modo vt summum videntur. Neque rationes attingunt scopum, nam & si quæ sub aquis cernuntur maiora conspiciantur, in hac portione in imo conspecta, videtur non solum maior, sed aliter disposita, quàm est in summo. Cardanus dicit quòd oculus iudicat iridem, quò humilior est
coma-

eo maior videtur, quoniam distantiam intelligit. Quibus verbis nihil absurdus, quum sensui tribuat, quod est ratiocinationis. Plinius. Idem sublimes humili Sole, humilesq; sublimes, & maiores Occidente, vel Oriente, sed in latitudinem diffusi, meridie exiles, verum ambitu maiores.

Opinio propria quare iridis portiones breuiores, maiores videantur. Prop. XVIII.

SED ratio vera à Mathematicis petenda est: nam teniolæ illæ, siue fasciæ, quæ in iridis circumferentia circumductæ sunt, dum in sublimi videntur, obliquè videntur, secus autem euenit, quando sunt circa terram, nam rectè videntur, & ubi in sublimi contractæ videbantur, hic in imo explicatæ. Quod exemplo clarius patebit.



Esto Sol A in hac prima figura, saucians nubem roscidâ ECFD supra Horizontem erectam. Radius A feriens nubis partem E, veniret in G, sed labens propter refractionem, in F peruenit, oculus existens in B videt puncta extremarum teniarum, erit BE, BF, & sub angulo EBF videbit tres iridis colores in linea EF. Secus autem eueniet in secunda figura, nam Sol ascendens puta ad 42 gradus in A, & sit nubs in eadem distantia à B, oculo in L, & eiusdem latitudinis LFI M feriat Sol nubem in I, radius non procedit in G, quoniâ nubs densior, refrangitur in F, trahatur linea à puncto B in I, & altera ad punctum F, finis refractionis, videbitur igitur linea colorata IF sub angulo IBF, qui maior est superiori angulo EBF, ibi enim obliquè, hic directè, vt patuit in superioribus, vt quæ obliquè videretur longè minora, quàm quæ directè, si omnia proportionem fiant.

In iride

In iride caelestis sunt apparentes non veri colores. Prop. XIX.


INQVIT Plutarchus meteoricarum affectionum alias esse ex substantia, vt imber, grando, alias ex specie nullam habere substantiam, vt arcus. Posidonius non putat veros colores: nam si vllus esset in arcu color permaneret, & videretur eò manifestius, quò proprius, sed imago arcus è longinquo clara est, interit quum è vicino est ventura. Sed his non consentit Seneca, sed dicit nubem colorari, & eius colorem non vndiq; videri, nam ne ipsa quidem nubes vndiq; apparet, nubem enim nemo, qui in ipsa est videt, nec mirum si eius color non videtur ab eo, à quo ipsa non videtur, atqui & si ipsa non videtur, est tamen color, itaq; non est argumentum falsi coloris, & si ipsa accedentibus apparere desinit. Idem enim euenit nubi, nec ideo falsa est. Præterea dum dicitur tibi, nubem Sole suffectam, non dicitur immixtum esse colorem, velut duro corpori, & manenti, sed fluido, & vago. Insuper dicis omnes fulgores paulatim discuti, huius repentina facies, & interitus. Respondetur proprium esse speculi, quod non per partes struitur, quod apparet, sed statim totū sit, æquè cito omnis imago in illo aboletur, quā ponitur. Pythagorici dicunt non esse veros colores, quod diu non permaneant, neq; id euenire subiecti ratione quod in dilapsu sit constitutum. His respondetur non veriorē esse hominem diuturnioris vitæ, quā qui statim productus commoritur. Aristoteles, Alexander, & alij, non veros colores vocant, sed *συμψασις*, qui enim ex refractione sunt colores, mendaces colores sunt, non enim vbiq; nec à quocunq; oculo videntur, vt diximus, sed in eo angulo oculo constituto, & si quis esset in eo loco, vbi colores sunt, eps non videret. Veri colores dici debent, qui ex elementorum misturis componuntur. Sunt etiam veri colores, qui ex refractione Solis in crystallino prisma videtur, qui & si refractione lucis, & diaphani aere densiores causentur, videtur in pariete, & ab omni oculo, & ab omni situ conspiciuntur.

pretando. Dicit enim quod à secunda iride sit refraçtio à prima ad Solem, quod in textu abest, sed refaçtio à prima. Sed si id esset, colores eodẽ modo ordinarentur, vt in subiecto exẽplo. Sol A, ferit primam nubem B C in B, oculus F. Videt B C colores, sic Sol idem feriens superiorem nubem D E, & oculus F vidit refraçtionis lineam D O, sic duplex colòrum ordo.

Duplicem iridem posse apparere. Prop. XXI

N VNC nostram asseremus opinionem, & fortasse Aristotelis germanam, quam ex obscurissimis inuolucris vix elicimus. A Sole enim binæ apparant irides, vna quidem interior, altera exterior, interiorem comprehendens, sectioq; maioris circuli est, quæ certè languidiores colores ostendit, etiam situ aduersa primæ. Interior iris superiorem circumscriptionem puniceam, secundam viridem, tertiam porrò cæruleam habet. Sed exterior & secunda iris exteriorem quidem circumscriptionem cæruleam, secundam viridem, intimam verò puniceam, vt ambarum iridum propinquæ inuicem positæ sint puniceæ. Et hanc secundam irim fieri refracto visu ex nube exteriore ad primam irim, ob id etiam languidiores esse colores ferunt, vtpotè à secunda facta refractione. Amplior enim à minori, & interiori periferia incidit ad Solem. Propinquior enim visus existens refrangitur à periferia propinquissima primæ iridi, propinquissima autem in exteriori iride, minima periferia est, quare hæc habet colorem puniceum, contigua autem & tertia secundum proportionem. Nos exemplo rem obscuram clariorem reddemus. Dicimus ergo solarem radium vehementissimum facillimè primam nubem penetrare, & si nubs tenuis, & adhuc validus erit, etiam in oppositam nubem resilire, idoneã tamen luminum refractioni, & in nubem immergi, & colores eodem modo generare, hoc tamen intersit inter primam & secundam refractionem, vt colores inferioris iridis infra spectentur, superioris verò superius, & sic contrarij erunt colores.


Esto sol A, percutiar nubē B
 CDEFGHI, Solis radius A F,
 erit FG prima pars flaua, GH
 secūda viridis, HI tertia pars
 cærulea, erit oculus M, ergo
 FMG videt flauum, GMH vi-
 ridem, GMI cæruleum, & si
 voluatur nubs circū circa fa-
 ciet tres circulos, flauum, vi-
 ridem, & cæruleum. Radius
 igitur prior A FL, refractus
 FI, adhuc validus & robu-
 stus. transit nubem alteram
 occurrentē NOPQRSTV,
 & percutit pūctum R, transi-
 ret in X, sed relabitur in V, di-
 uiditur nubs in tres partes,
 prior R SNO flaua, STOP,
 secunda viridis, TVPQ cæ-
 rulea, & quia linea diuisa RS,
 ST, TV ex inferiori parte vi-
 deri non potest, vt in prima
 ab oculo M videbitur ex su-
 periori, vnde prior pars &
 non firma RS videbitur, secū-
 da ST, tertia TV, vt angulo
 superiori VM I videatur cæ-
 rulea pars TVQP, angulo
 SMT videatur media pars S
 TOP, & angulo SMT vide-
 tur prima pars R SNO fla-
 uam, si igitur circumducantur
 puncta RSTV, faciet qua-
 tuor circulos, tres tenias cō-
 tinentes, quarum maior vlti-
 ma cærulea, secunda viridis,
 tertia flaua, & maior flaua,
 secunda viridis, tertia cæru-
 lea, vt concaua superioris &
 onuexa inferioris flauæ sint teniæ.



Inserfitium inter duas irides esse excolorem.

Prop. XXII.

DIctorfit Alexandrum doctissimum Peripateticum difficillima quæstio, cur media nubes, quæ inter vtramq; iridem iacet, excolor sit, & non tota punicea. Idq; euenit quod nō putabat duas irides in duas diuersas nubes fieri, in cuius medio aer est, & non nubes asperginosa. Euenit quoq; alia ratione quia anguli, qui colores videre faciunt, non sunt illius quantitatis, quæ ad colorum visionem requiritur, nam radij illi oculares eo modo nubem feriunt, quo inferiorem, sed contrarij primis, & ijdem sunt. Nam supremam iridem videbamus angulo V A R, infimam verò F A I, trianguli similes & proportionales, ita vt binas irides videre nō refragatur primæ positioni.



Iridem ex lunari radio generari posse.

Prop. XXIII.

SENECA ait arcum in nocte non fieri, aut admodum raro, quia Luna non habet tantum virium, vt nubes transeat, & illis colorem suffundat, qualem accipiunt à Sole perscriptæ. Aristoteles fieri posse non inficiatur, sed Luna plena, & in occasu, vel ortu posita, dixitq; annorum spacio quinquaginta bis apparuisse. Neuterici nulla ratione hoc dictum putant, nam in vno anno bis visam scribunt, qui Aquilone staute, & Luna in meridie constituta. Plinius non fieri noctu, quamuis Aristoteles prodat aliquando visum, quod tamen fatetur idem nisi quartadecima Luna posse. Ego autem noctu fieri posse non inficio, nam aqua in Lunæ lumine noctu ore insufflata iridem generabat, sed exilem, & penè perspicuam, vnde multo maius à lunaribus radijs fieri assentirer. Arati interpres Theui & Ana-

placitum fuiffe ex diuina institutione, vt effet iris attestatio fæderis ipsius in Noe post diluuium, quo in reliquum terra non fore peritura. Inquiunt præterea Deum mundo cladem neq; igni, neq; aqua mûdo illaturam, quod inibi color rubeus visatur, qui fit ex humido inflammato, quo significatur humectam naturam non præualere, quùm ignis in arcum suum vim præferat. Cæruleus verò color, qui & ipse iridem visitationem facit. cōstatq; ex aqueo indigesto, igneā vim haud ita præcellere videtur præmostrare. Addunt etiam irim non apparere, nisi vbi parum differe nauit, partim humoris persistat densitas, serenitatē verò ex calido prouenire, ac sicco, quod igneæ cōgruit virtuti, humoris densitatem ex frigido, humidoq; quæ aquæ proprietates est. Hæc verò natura diuersa quùm simul fiant, victoriam in æquilibrio positam planè insinuant. Sunt qui probent, apparente iride xxxx annis nō venturum iudiciū, quia in eo sunt duo colores, rubeus, & viridis, rubeus ex humido inflammato, & significat aqueā naturam igneæ non præualere, quùm ignea in iride nonnihil sui habeat, viridis color ex aqueo indigesto, significatq; igneam naturam aquæ non præualere ex simili causa, quare ea apparēte, nec diluuium, nec conflagrationem posse esse. Non enim diluuium nisi summa siccitas præcesserit, & ea existente non fit iris, simili ratione conflagratio futura nō erit, nisi in signis humidis præcesserit, & si humiditas sit, non erit arcus, non deest pars ignea, scilicet rubeus color. Sed hæc euanida sunt: nam sicut diximus, rubeus color iridis & cæruleus non causatur ex humido inflammato, vel indigesto, vt putabant veteres, & ignotis causis, eius quoq; præfagia ignorantur. Quocirca, inquit Plutarchus, fabulantur illum capite taurino sorbere flumina, Virgilius,

Et bibit ingens

Arquus.

Quum aduētat imber, non eandem vbicunq; apparuerit minas affert. A meridie magnam vim aquarum trahet, vinci enim poterunt vehementissimo Sole, tantum est illis virium. Si circa occasum refulsit, rorabit, & leuiter impluet, si ab ortu, circa uē surrexerit, serena promittit. Plinius contra hæc. Arcum ne pluuios quidem, aut serenos dies cum fide portendit. Poetæ al ludentes ad id, quod diuinæ mentis præfagium iris esset, Deorum nunciam finxerunt. Vnde Virgilius.

Irim

Irim de cælo misit Saturnia Iuno .

Et humoris ancillam dicebant, quod aera per Iunonem figurabant, quod aerea impressio esset, nomenq; ab irim deduxere, quod est nunciare. Extat & rusticanum præfagium, quod si fuerit color rubens in albedo, significari fertilitatem, cuius ratio est, quia is color ex materiæ raritate causatur, ubi radius Solis fortius agat, rara autem materia facilè à Sole resolui potest, quo eueniente non insequuntur iuges pluuiæ, quibus impediri solet fertilitas, quod etiam falsum reiicimus ex superiori ratione. Ptolemæus in quadripartito. Iris etiam quæ quandoq; videtur, quum in serenis temporibus apparuerit, aerem hyemalem præsignabit, quumq; in temporibus hyemalis aeris formabitur, serenum nunciabunt. Sed quod aqua, vel serenitatem nunciet, etiam imperiti sciunt, qui eius generationem cognoscunt ex materia roscida. Quippe primò eleuatur vapor, dein à frigore densatur in nubem, mox residentes partes conuertuntur in aquam, nec diu post insequitur pluuia, eo tempore concipitur iris: pluuia dum ad ima fertur, euanescere incipit, vertitur in pallorem, visunturq; in nubibus virgæ intermixtæ descendentes, vnde quum visitur arcus, dicitur vulgo è mari plurimū bibere. Plautus iocosissimè de anu vini vas exiccante, ait. Ecce autem bibit arcus, pluet hercle hodie. Sed si ex serenitatis, & pluuiarum vicissitudine aliquid iudicij nancisci poterimus, post pluuias serenitatis præfagium, quia vires aquarum plenitudine exoneratæ, plus lucis habent ad Solem concipiendum. Vespertina sequentis diei serenitatem spondet, quia vesperi ficcior est. Matutina futuram pluuiam ostendit, quia vas nocturni humoris fert plenum. Sed Aratus geminatam irim pluuiarum euidentis prognosticum dicit.


Ἡ δὲ δύμνη ἴρις οὐρα δὲ μέγαν οὐρανὸν ἵρις

Confirmat & illius interpres Theon. Inquiēs. Quum multa fuerit imbrium constipatio ex priore iride, altera sit circumscriptione consimili, imbrem portendit pluuium.

In prisma cristallino iridis colores videri. Prop. XXXVI.


DIFFICILLIMAM rem aggrediemur. Virgula quidem fieri solet stricta, & triangula. Nascitur crySTALLUS exagona,

gonâ, quæ si ex transuerso Solem recipit, colorem talem, qualis in arcu videri solet, reddit. Ratio est quod Sol tenuissimam aciem transiens, vbi subtilior pars vitri, flauo colore induitur, postremus autem basim transiens totus obscuratur, ob id cæruleo colore fædatur. Sed hoc difficile captu, quia corpus vitreum inæqualiter Soli opponitur, refrangitur, & in diuersam partem colores iaculatur. Exemplum.



Sit vitreum prisma $ACDEF$, sit Sol C , radius GM , primum & tenuem aciem per transit, & reflectitur in R , alius radius GL , percutiens obliquum latus MH , refrangitur in LP , & ex P labitur in S , ad eundem angulum hæc tenia flaua erit, sic secundus radius GI , refrangitur in O , & IO refrangitur foras OT , & eris viridis tenia, radius vltimus GH refrangitur in HN , & labitur foras NV cærulei coloris. At si aciem Soli perfecte oppones iaculabitur colores ex vnaq; parte binos. Exemplum.

Sit crystallinum prisma directe opponens aciem Soli $HNLMO$, acies HI , Sol $ABCEFG$, cadat radius GM , in extremâ aciem, reflectitur in oppositam partem MY , sic radius FE reflectitur in EZ , & tertius radius transiens circa aciem FD reflectitur $J&$, & radius DY in YH . Sic & alia parte radius AL in



AL in LT, radius Ba in α , radius CB in β X, & ex utraq; paries, vel pavementum cubiculi colorabitur. Idem eueniet si oculis opposueris prisma, nam tres colores eisdem videbis in oppositum parietem. Sed semper extremos colores rubeum, & halurgum vbi umbra aliqua, nam hi colores aliter fieri non possent, medij colores in medio plano, vbi lux, & videntur res coloratz rotundari, nam alia ratione, quam in oculo æquales anguli causantur, nam diximus non possibile iridem videri, nisi in æqualibus angulis, & semirectis. Idẽ eueniet in phiala aque plena, & in omni re, in qua radius pertransiens diaphanitatem corporis inæqualiter transsit, vt vnus radius Solis magis altero profundetur.

Virgarum colorem eisdem causis provenire. Prop. XXVII.

ARISTOTELES causam perscrutatus, ait, Quum ex obliquo Solis fuerit aliqua nubes materiam habens inæqualem, ut aliqua in parte sit densa, in aliqua autem rara, & rursus aliqua aquosior, in aliqua aerosior, tamen ad Solem ab eiusmodi facta refractione, per pusilla quidem specula non cernitur figura solaris: at Solis color intus apparet in parte nubis aliqua rutilans, in aliqua verò viridis, in aliqua flauus obnubis inæqualitatem, & speculorum dissimilitudinem. Vocant bacellos huiusmodi ostensiones, quod per rectas quasdam spectentur lineas. Auerroes & Sueffanus has virgas se nunquam vidisse fatentur. Plutarchus virgas esse dicit affectiones quasdam, quæ partim per substantiâ, partim per specië fiunt, quippe in nube quidem cernitur, sed colore non proprio, sed alieno, cuius speciem præferunt. Seneca virgas nil aliud esse dicit, nisi imperfecti arcus colores, nam facies quidê illis picta, sed nihil curuati habent, & in rectum iacent, fiunt autem iuxta Solem ferè in nube humida, etiam se spargente, itaq; idem est illis, qui in arcu color, tantum figura mutatur, quia nubium quoq; in quibus extenduntur, alia est. Mihi autem experienti duobus modis fieri contigit, & de his puto Aristotelem intellexisse. Primo claudendo cubiculi fenestras, & per foramen Sole transeunte, videtur eius radij quasi virga, vel bacellus per obscuritatem transire, huic aquam ore insufflando videbitur virga, vel radius ille coloratus irinis coloribus, sed per longum, eodem modo quem diximus, quando homo existat in centro iridis vertens se ad latus, ore aquam proiiciendo, videtur iris dependens, & irinis coloribus coloratû, tenex à summo ad imum dependentes, flaua primo, viridis mox, postrema cærulea. Aristoteles ait oportet insipientem esse à nubis latere, quod ab iride est differens: quæ querebat Solem à tergo in eadem linea cum iridis centro. Alio quoq; modo experti sumus. Bacellum ligneum accipientes, sed præstat, vitreum, & aquam insufflando bullis, & guttis operiemus, & Soli per longum oppositum, videbimus quasi opalum coloratum, qui lapis irinis

Ff colori-

coloribus decoratur, vnaquæq; enim gutta dictis coloribus colorabitur. Vnde si aer roscidus, & radij Solis per densam nubem penetrando eiusmodi coloribus induuntur. Ob id Aristoteles querebat aquosam & bullosam nubem.

Halo iisdem causis coloratus videtur. Prop. XXVIII.

VT ex Aristotele habetur. Halo fit diu circa Solem, noctu circa Lunam, & ubicunq; sydus est, fit ex refractione, & ex nube roscida, quæ sit inter oculos nostros, & astrum, & videtur hic circulus circa astrum, quasi astri corona. Causa rotunditatis est eadem, quæ in iride: nam ab astro ad nubem trahitur linea, quæ refracta ad nostrum oculum peruenit, nec vnquam peruenit nisi anguli, qui sunt incidentiæ & refractionis sint æquales. Exemplum apponemus.



Esto Sol A, oculus noster C, nubes roscida GFEDNMLIH, radius oculum & nubem penetrans AGBC, radius à Sole ad nubem AE, & ex E ad oculum C, sic AI ad oculum C. Sic AF, FM, ad C, & AH, HN ad C, æquales sunt omnes lineæ à Sole ad nubem, nec esse æquales possent omnes, nisi ad circumferentiam, & inde à nube ad oculum æquales, & lineæ à centro ad circumferentiam æquales EBI, TBM, HBN, necesse est igitur halonem rotundum videri, angulus enim BIC, & BEC æquales, & BNC, & BMC, & reliqui æquales, qui anguli, vt diximus

mus in iride, sunt in causa, vt colores ex refractione videantur, aliter tota nubes colorata esset. Plutarchus. Area hunc in modum conficitur. Quum inter Lunam, aliudue sydus, visumq; nostrum crassius aer, nebulosusq; interuenit, ab illo visus noster confestim reflectitur, laxiusq; circūfunditur, quo deinde in syderis orbem incurrente, duntaxat secundum circumferentiam, continuò circulus videtur circa sydus existere. Huiusmodi autem vtitatus circulus area propterea dicitur, quoniam illic assidue est area, esse ibi eiu modi simulachrum videtur, quo nuper visus crassior inciderat. Seneca. Coronæ vbicunq; fiunt, vbicunq; sydus est. Arcus nō nisi contra Solem, vnde coronam si diuiseris, arcus erit, & fiunt ab omnibus syderibus. Nos halonem vidimus opposito specillo, siue lenticulari portione inter oculos nostros & candelam, vel Solem: apparent enim iridis colores circumcirca, quia vndiq; ibi anguli æquales. Sed color puniceus non videtur circa flauum, quia ibi nulla adest tenebra.

Ex Solis reflexione in opaca nube etiam colores causari.

Prop. XXVIII.

DIXIMVS colores, qui ex refractione nascebantur, nunc autem qui ex reflexione. In reflexione lux multiplicatur, & splendescit, quum densius diaphanum, siue nubes densior sit, quàm vt penetrari possit, quorum mistione colores nascuntur. Sed non tam pulcherrimi, vt irini, sed obsoleti, & obscurioris coloris. Quum enim nubes lucem non transmittunt, extrema superficies cum varia lucis mistione colores gignit. Aureus color videtur fieri ex regeſto Solis flauo lumine in densam nubem multiplicato: vel à flauæ lucis continuata densitate: multiplicatur enim lux ex reflexione, vt diximus, nam simplex incidit, duplicatus, quum resilit. Id in stellis videre licet, nam ex ea densitate reflexo Solis lumine, color aureus spectatur, at in nebulis, quæ non solidæ, vel caliginosæ croceus color gignitur. Color verò cæruleus videtur vbi tenuis lux in denſo diaphano, idemq; euenit in reflexione, quod euenerat in refractione, Ideo Philosophi qui putabant iridis colores ex nubis


E f 2 natura

natura causati, dicebant flauum colorem in summo nubis', vbi tenuis erat nubes, cæruleus in imo, vbi crassior. Si igitur in solis opposito nubes crassæ diaphanitatis, vt radium obtinebret, cærulei coloris tincta conspicietur. Sic ex æqua vtriusque potentia, & lucis, & crassitudinis, viridis exoritur color, videlicet ex modicè crassâ nube, & modico lumine. Rubeum colorem iam diximus in iride generari ex densissimo lumine, & nigro nubis colore reflexo. Nubes caliginosa Sole suffusa alba nitet, at in aquam conuersa & iam casura, nigerrima apparet.

Aeris colores in eclipsi videri. Prop. XXX.

ETERRA continuò vapores prodeunt, & pars ea vaporum quæ tenuior, leuiorq; summa petit, quæ fœculentior, grauior, & in imo subsidet, media in medio residet, vt videantur quasi tres circuli terram circundantes, in supremo tenues, in imo terrestres, in medio mediæ naturæ. Sed animaduertendum non semper eiusdem rationis esse vapores, nam secundum tempora, & cælestes cursus variantur. nam aliquando tenues, tenuissimi fiunt, & sic fœculentiores purgatiores, contra autem aliquando vt qui prius terrestres grauesq; fuerint, aded grauiissimi facti, vt inferioribus existentibus grauioribus, prius leuium circulus terrestres contineat, aliquando verò misti, & simul conturbati. Euenit igitur, vt Sol eos feriens splendidus varios gignat colores, vt diximus, sed nobis, qui in eis versantur inconspicui. In lunari enim eclipsi, vmbra Sole in Lunæ faciem immittente, antequam terreni corporis vmbra ad Lunā perueniat, colores hi ex Solis lumine, & vaporum causati Lunæ vultum prius feriunt, & ex eorum coloribus vaporum qualitates terram obsidentes cognosci possunt. Exemplum addemus.

Erit



Erit terræ globus AD, circulus primus crassos vapores continens D, secundus medios C, supremus, in quo tenuissimi B, sit umbra vaporum feriens Lunæ faciem E, quæ quia primum & supremi circuli est rubri coloris Lunæ faciem scedabit, in H verò dimidium medijs circuli ut rubei, & viridis coloris Lunæ facies maculetur, in F verò duorum circulorum colores subibit, rubri, & viridis, in G autem trium circulorum colores rubri, viridis, & cærulei. Ex his coloribus naturaliter futurij anni, vel instantis qualitates præcognosci possunt. Alibi Astrologorum opiniones refellemus.


Ex luce, & densiore cæli parte lacteum circumferri.

Prop. X. X. XI.

PLUTARCHVS Philosophorum opiniones referens hæc habet. Pythagoreorum quidam stellæ esse efflagrantiam à sua sede deciduæ: hunc autem, quæ peruolitarit tractum circulariter perussisse, quo tempore aurigante Phæthonte cælum conflagrasse dicitur. Quidam Solem iam inde sub initio illac iter fecisse. Sunt qui speculari esse visum putent, Sole fulgores in cæ-

in cælum referente: quod in arcu cælesti, & in nubibus contingit. Metrodorus Solis transmeatū fieri, esse enim hunc solarem circum. Parmenides spissi, rariq; mixturam lacteum reddere colorem. Anaxagoras terræ umbram hac cæli parte consistere, quum Sol terras subiens, cælum vsquequaq; illustrare nō potest. Democritus stellarum collucentiam multarum, paruarum, cōtignarumq; inter se collustrantium propter cōstipationem. Aristoteles horum multas opiniones refellit. Quod non sint stellę ibi existentes; probat quod planetæ omnes sub Zodiaco labuntur. Quod non sint stellæ remissioris lucis; quum à Sole non aspiciantur, translato Sole deberet transferri lac. Qui dicūt esse reflexionem Solis ad oculos nostros, falsa dicūt, quia ibi non adest nubes, vt in iride, & halone; & si esset reflexio præsupponit immobile speculum, at cælum semper mouetur. Aristoteles dicit esse aride exhalationis flammigantiā permultę, & continuę. Sed hæc opinio omnium pessima: quomodo igitur exhalationes, quę vagę, ab initio mūdi semper eodem loco steterint. Posidonius ignis coagmentationem sydere quidem rariorem, splendore verò densiorem. Cardanus dicit esse ibi cęli densa substantia, syderum rara, contrarium dicens; nam quod lucet densius est, rarum peruium: cælum esse rarum putet ex luminum transmissione, astra densa esse ex Lunę natura, cum obiectu lumen Solis aufertur. Sed vera ratio est, quod pars ea cęli densior sit alijs, vt lumen Solis recipere possit, non autem transmittere, vt Luna & cęterę stellę.

F I N I S.



Ego Fridericus Metius legi opus Domini Ioannis Baptistæ Portæ Neapolitani, qui inscribitur, De Refractione Optices parte: & nouem continet libros: quorum primus agit De Refractione, & eius accidentibus. 2. De Pila CrySTALLINA refractione. 3. De Oculorum partium anatome, & earum munij. 4. De Visione. 5. De Visionis accidentibus. 6. De Cur binis oculis rem vnã videamus. 7. De his quæ intra oculum sunt, & foris existimantur. 8. De Specillis 9. De coloribus & refractione, scilicet de Iride, & lacteo circulo. In quibus nihil inueni à pietate alienum, nihil bonis moribus contrarium, sed potius Auctoris doctrinam, & solertiam sum admiratus, in quorum fidem propria hæc scripsi manu. Roma iiii. Id. Mart. An. Domini M. D. XCIII. die scilicet festo Gloriosi Gregorij Magni.

Fridericus Metius qui supra manu propria.

Imprimatur.

P. Antonius Vicesgerens.

Imprimatur.

Fr. Bartholomæus de Miranda Sacri
Palatii Magister.

Imprimatur.

Ardicinus Biandrà Vic. Gen. Neap.

M. Cherubinus Veronensis August. Theol.
Archiep. Neap. vidit. Reg. fol. 3.

Handwritten text at the top of the page, mostly illegible due to fading.

Second block of handwritten text, continuing the narrative or list.

Third block of handwritten text, appearing as a separate entry or section.

Fourth block of handwritten text, possibly a concluding paragraph or signature area.

Fifth block of handwritten text at the bottom of the page.



